

To'siqlarga qaramay sevdik

TO'SIQLARGA QARAMAY SEVDIK

"Factor press" nashriyoti Toshkent – 2021 UDK 821.512.161-31 КВК 84(5Туц) О 98

Mirach Chagʻri Oqtosh

Toʻsiqlarga qaramay sevdik [Matn] / Mirach Chagʻri Oqtosh –Toshkent: «Factor press», 2021. – 168 b.

Mirach Chagʻri Oqtosh Antaliyaning Manavgat tumanida tavallud topgan va boshlangʻich oʻquv yillarini Manavgat oʻrta maktabida tamomlagan. Mirach Chagʻri Oqtosh oʻzining ilk mualliflik kitobini maktabda yuqori sinflarda oʻqib yurgan kezlari kitobxonlarga taqdim etgan.

Butun Turkiyada oʻzining minglab muxlislariga ega boʻlgan Mirach Chagʻri Oqtosh hozirda ham oʻqish, ham oʻz mualliflik kitoblarini ommaga taqdim qilish bilan mashgʻul va mashhurdir.

"Toʻsiqlarga qaramay sevdik" yozuvchining eng talabgor va eng koʻp adadda chop etilgan kitoblaridan sanaladi.

Turk tilidan

Nodirabegim Jamshid qizi tarjimasi

UDK 821.512.161-31 КВК 84(5Туц)

ISBN 978-9943-7253-1-7

- © "FACTOR PRESS" nashriyoti, 2021-y.
- © Mirach Chagʻri Oqtosh, 2021-y.



Hech narsaga qaramay sevganlar uchun...



Toʻsiqlarga qaramay sevdik

Bu kitob tunda boshini yostiqqa qoʻyar-qoʻymas uxlab qoladigan darajada begʻamlar uchun emas, baxti toʻkis boʻlganlar uchun ham emas.

Qayta-qayta ishonch bildirib, oxiri alam va xomxayollari bilan qolganlar uchun, sariq chaqaga chiqqanlar uchun va shunga ham qaramay baribir sevganlar uchun, ishonganlar uchun, yarim yoʻlda tark etilganlar uchun yozildi.

> Oʻzi yarim boʻlgan holda, boshqalarni toʻldirganlarga...

Baribir sevdik.



Inson sevishni boshlaganida yashashni ham boshlaydi.

Uilyam Shekspir



Toʻsiqlarga qaramay sevdik



Kechirish va unutish aqlli insonlarning intiqomidir.

Friedrix Schiller

Ulardan mening bir farqim boʻlishi lozim edi. Xuddi ular kabi boʻlib, ularga oʻxshashim mumkin emasdi. Mening ulardan mutlaqo bir farqim boʻlishi kerak edi. Ular deganda, masalan otam... Mening undan katta farqim boʻlishi lozim edi. Esimni taniganimdan beri, shu yergacha yashagan hayotimda undan mutlaqo farqim boʻlishi uchun oʻta ehtiyotkorlik bilan harakat qildim. Bu ehtiyotkorlikka yangi tugʻilgan chaqaloqni ilk bor qoʻlga olishni misol qilish mumkin.

Bir ayolni ikki norasidasi bilan yarim yoʻlda tashlab odamdan farqim bo'lishi uchun qo'limdan nima kelsa shuni qildim, qilyapman va bundan keyin ham shunday bo'ladi. Agar uylangan ayolimdan o'g'il farzand tugʻiladigan boʻlsa, unga buni hayotining falsafasiga aylantirib olishi uchun "Kelajakda oila qurib, farzand koʻradigan boʻlsang, ularni aslo yarim yoʻlda tashlab ketmasliging kerak" degan nasihatni miyasiga singdirardim. Ehtimol, men bir ayolni ikki farzandi bilan ulkan hayot ummonining beshafqat toʻlqinlarida yolgʻiz tashlab ketgan bir otaning o'g'li bo'lishim mumkindir, ammo men aslo bunday ota bo'lmayman va mening ham oʻgʻlim boʻladigan boʻlsa, uning bunday ota boʻlmasligi uchun tish-tirnog'im bilan kurashaman, kerak bo'lsa oʻzimni fido qilaman! Siz ham bu soʻzlarimning tirik guvohisiz...



Baʻzan qasos olish ham yaxshi, chunki insonlarga asl haqiqatni koʻrsatadi. Biroq qasos oʻti sizning jilovingizni oʻz qoʻliga olishiga yoʻl qoʻymasligingiz darkor. Intiqom tuygʻusi sizni emas, siz uni boshqarishingiz kerak.

Eng avvalo meni otamdek e'zozlab, hurmat qilgan insonlarim qattiq ranjitishdi. Koʻnglimni ogʻritishdi. Xayollarimni chippakka chiqarishdi. Hattoki, bularni amalga oshirganlaridan zavq olgandek koʻrinishardi. Oddiy bir inson bunday voqealardan keyin kin saqlab, nafrati qoʻzgʻar ekan, ammo bularning hech biri mening qalbimga na kinni va na nafrat tuygʻularini soldi. Chunki mening otamdan va menga zararlari tekkan insonlardan bir farqim bo'lishi kerak edi. Va men bu farqni ular kabi birovni ranjitib, chilparchin qilib, yarim yoʻlda qoldirib, ortimga ham qaramay ketish bilan amalga oshirolmasdim. Tangrining har bergan kuni bir xil boʻlmaydi-ku, deya oʻzimni ovutib, bir kuni, albatta, quyosh yuragimdagi ezgulik va mehr-shafqat tuygʻulari uchun qaytadan porlaydi deb ishontirardim. Meni ranjitgani uchungina bir insondan hech gachon nafratlanmadim. Aksincha, oʻzimni qilgan ishlarini unutgandek koʻrsatib, sabr qildim va kechirdim. Chunki men bir insondan qasos olishning eng yaxshi usuli uni kechirish deb hisoblayman. Agar biror kishidan qasosingni uni kechirgan holatda oladigan boʻlsang, ham qilgan xatosini oʻzi tushunib yetadi, ham ichida aybdorlik hissi uygʻonadi. Ammo kechirishingga qaramay hanuz bir narsalarni tushunib yetmayotgan boʻlsa, u insonni Allohga havola qilishdan boshqa chorang qolmaydi.



Sen – oʻzingdek boʻl. Seni ichingdagi mayda zarralaringgacha xafa qilib, ranjitganlarga qarshi xuddi ulardek muomalada boʻlma. Ularga bunday imkoniyatni berma. Nafrat ham bir tuygʻudir – uni hammaga ham sarflama! Arzimas insonlar uchun, hatto nafrat tuygʻuyingni ham zoye ketkazma.

Senga qilinganlarni unut, demayman. Zotan buning imkoni yoʻq. Bor-yoʻgʻi oʻzingni unutgandek koʻrsat va kechir. Bu seni pastga urmaydi, aksincha, yuksakka chiqaradi. Chunki sen, senga dardi va pushaymonliklari bilan kelgan insonni kechirib yuboradigan darajada bagʻrikeng va muruvvatlisan! Chunki sen ular kabi emassan. Chunki sen hamma qatori emassan. Chunki sensensan va sening ulardan eng katta farqing shunda!

Inson qismatim deb oʻylagani ajali boʻlib chiqishi ham ishqqa bogʻliq ekan.



Toʻsiqlarga qaramay sevdik



Endi sizga biz kabi sevadiganlar uchramaydi

Ketishlari mumkin. Bizni yoʻq deb hisoblasalar ham mayli. Hammasiga nuqta qoʻyishlari ham mumkin. Sevmasliklari mumkin. Behuda umid berishlari mumkin. Jonimizga azob berishlari mumkin. So'z berib, ustidan chiqmasliklari ham mumkin. Qoʻynimizni puch yongʻoqqa to'ldirishlari mumkin. Faqat shuni yoddan chiqarishmasinki, ketgan joylarida biz ularni sevganimizchalik boshqa birov ularga muhabbat qoʻymaydi. Chunki biz undan avval hech kim sevolmaydiganchalik go'zal va besarhad sevdik. Chunki biz undan avval biron kim ular uchun bir tukini ham qimirlatmas ekan, katta javobgarliklarning, buyuk fidokorliklarning ostida qoldik. Chunki biz ularga oʻtirgan joyimizdan sevishimizni izhor qiladiganlardan emasdik. Chunki biz asl oshiqlikning nima ekanligini juda yaxshi bilardik. Qalbimizdagi ishqqa buyuk bir ehtirom koʻrsatdik. Ehtimol, sariq chaqaga chiqqandirmiz, balki ogʻir yaralangandirmiz, ammo biz baribir sevdik! Ketish o'z ixtiyorlariga havola. Biz ularni isitish uchun jonimizga o't qalar ekanmiz, ular borib o'zgalarning yonida sovuq qotishadi. Toʻxtatmaymiz, ketishsin. Borgan joylarida zarracha ham sevilmaganliklarini koʻrishsin va buni suyak-suyaklarigacha his qilishsin. Qo'yavering, o'zlari yashab koʻrsinlar.

Ketish oʻz ixtiyoringga havola. Men seni isitish uchun oʻz jonimga oʻt qalar ekanman, oʻzgalar senga "Seni sevaman!" deydi, lekin sen sovuqqotasan...



O'rganmang

O'rganmang deganda ko'cha boshida ko'rgan itingizni yoki o'qiyotgan kitobingizni nazarda tutmayapman. Insonlarni aytyapman, insonlarni. Ularga oʻrganmang. Azob chekasiz, yarim qolasiz, xayollaringiz puch bo'lib chiqadi, pushaymon bo'lasiz. Keyin esa, boshqa birovga ishonishni qoʻyib turing, hattoki koʻchadagi boshini silashni istagan mushugingizga ham ishonchingiz qolmaydi. Insonlarga ishonishning badalini har doim eng ogʻir shaklda Sevasiz, ammo sevilmaysiz. Sogʻinasiz, biroq sogʻingan kishingiz tomonidan koʻrmaslikka olinasiz. Qadrlaysiz, lekin qadrlagan insoningizning hayotida eng qadrsizga aylanasiz. Butun borlig'im deb sevgan insoningizning hayotida zarracha oʻrningiz yoʻqligini koʻrib, buning azobini suyak-suyaklaringizgacha his qilasiz. Gapning indallosi shuki, hayotim davomida eng ogʻir zarbalarni eng ishonganlarimdan qayta-qayta yeb, to'yganimdan keyin insonlardan kutadigan boshqa hech narsam qolmadi. Ularga qattiq oʻrganmayman. Chunki kimga oʻrgansam, har doim azob chekaman, aldanaman, boʻlaklarga boʻlinaman va keyin parchalarimni yigʻolmay qiynalaman. Bularga giriftor bo'lishdan ko'ra, hech kimga bog'lanmayman. Siz ham insonlarga o'rganib qolmang. Ular o'ta shafqatsiz. Undan koʻra biror mushukka oʻrganing.

Oʻqiyotgan kitobingizga ovuning, ana oʻshanga oʻrganing. Masalan, oʻtirganingizda orom topadigan argʻumchogʻingiz boʻlsin, unga ega chiqing. Agar sevishni



istasangiz, moychechaklarni seving. Osmonni seving. Chagʻalaylarga non ushogʻi ulashishni seving. Yoki boʻlmasa, koʻchadagi daydi itni seving. Ammo qaytarib aytaman, insonlarni sevmang! Sevishga arziydigan shuncha goʻzalliklar bor ekan, ichingizdagi toza sevgini noloyiqlar uchun isrof qilmang.

Hamma narsa oʻz yoʻlida ketayotganida, toʻsatdan eng ishongan kishing ishonchingni poymol qiladi. Insonni eng koʻp qiynaydigan narsa mana shu.

Hayot qisqa, siz esa qalblarni chil-chil sindirmoqdasiz...



Toʻsiqlarga qaramay sevdik



Tangri kechirmasin

Mening aslo insonlarni osonlikcha qargʻaydigan odatim yoʻq. Laʻnatlashga munosib boʻlgan insonlarga ham koʻz yumaman. Menda shunday bir vijdon bor-ki, qalbimni sindirganga zinhor ayni ishni takrorlay olmayman. Menda hech qachon "Mening jonimga azob berdi, endi men ham qalbini parchalayman", degan qasos tuygʻulari boʻlmadi. Men hamisha Ilohiy adolatning odilligiga ishonib yashadim. Dilimni ogʻritib ketganni qargʻash oʻrniga, uni dilimning Egasi hukmiga havola qildim. Zero, U hamma narsaning eng afzalini biladi, dedim. Chunki biror insonni qargʻagan kunimning tunida koʻzimga uyqu kelmaydi. Koʻnglim gʻashlanadi...

Har doim boshqalar ranjimasin deya oʻzimni xafa qilaman. Oʻsha boshqalar meni ranjitganlar, azoblaganlar, tilka-pora qilganlar boʻlsa ham, baribir ularga ozor yetmasin deb oʻzimni qalqon qilaman.

Qargʻamayman, lekin pok qalbli insonlarning top-toza tuygʻularini kirlatganlarni Tangri kechirmasin. Sevgani uchun qoʻlidan kelganini emas, nafaqat qoʻlidan, balki koʻnglidan kelganidan ham ziyodasini qilganlarning barchasini oyoq osti qilganlarni ham Tangri kechirmasin. "Nima qilsam ham, meni telbalarcha sevadi", degan oʻyning bergan xotirjamligida tuygʻular bilan oʻynashganlarni ham Tangri kechirmasin. Qalbidagi muhabbat sabab, hovuchida nima boʻlsa, toʻkib-sochganlarni mensimagan insonlarni ham Tangri kechirmasin.



Hammadan qochib, sevgan insonini oʻzining qalb ummonining sohili hisoblab, birgina unga oshiqqan va talpingan, oxir-oqibat uni boʻroni dahshatli ummon ichiga gʻarq qilib ketganlarni ham Tangri kechirmasin. Sevgan insonlariga qoʻrgʻon boʻlishni istaganlarni koʻchada qoldirganlarni ham Tangri kechirmasin. Hayotida yagona suyanadigan ustuni hisoblab, ular suyangan ustunlarini qulatgan insonlarni ham Tangri kechirmasin. Ranjigan, ezilgan va tilka-pora qilingan holda, faqat sevgani sababli kechirib yuborgani uchun pushaymon qilganlarni ham Tangri kechirmasin.

Sevgan inson tark etmasin. Sevmaydigan inson aslo kelmasin. Sevadigan odam sevgisini his qildirsin. Quruq izhor bilan kifoyalanmasin.

Ey, Tangrim! Koʻpgina insonni vijdonim sabab kechirdim. Ammo oʻtinaman, Sen kechirma. Chunki Sen qulingga bergan va Senga ishongan bu qalbga ziyon yetkazdilar. Men kechirdim, ammo yolvoraman, Sen kechirma.



Minnatdorman

Hayotimga kelib-ketgan insonlarning menga yetkazgan aziyatlari uchun ulardan minnatdorman. Agar hozir ulardan birortasi hayotimda mavjud boʻlganlarida. men bu minnatdorlik tuyg'usiga ega bo'lolmasdim. Nima uchun deysizmi? Chunki hozir ularning sovasida ehtiyotkorman va qalqonlarim bor. Qadamlarimni yanada shaxdam bosayapman. Avvalgidek insonlarga osonlikcha ishonib ketmayapman. Toʻgʻrirogʻi, ishonolmayapman. Masalan, oldingidek qiziqqon emasman, hislarimni jilovlay olaman. Avvallari birgina sms xabar havajonlantirgan meni, hozir, hatto quchishlar ham hayajonga sololmaydi. Shuncha vaqtdan beri "Shoshma, shunga ham ishonib koʻraychi, balki u ishonchimni oglar, balki bu safar hammasi o'zgacha bo'lar", deb o'ylaganim boisidan orgamdagi pichoq izlarining kolleksiyasi uchun ulardan garzdorman. Toʻgʻri, bu azob beradi, ogʻritadi, ammo ulgʻaytiradi.

Ishonch bogʻlab, koʻngil qoʻygan insonlaringiz sizni yolgʻiz tashlab ketishidan gʻazablanmang. Ulardan nafratlanmang. Balki ularga rahmat ayting. Sizni ulgʻayishingizda va oʻsishingizda, oʻzingiz uchun, munosibini tanlashingizda va bundan keyin yana ham ehtiyotkor boʻlishingiz uchun yordam berishgani va beparvo insonlarning toʻdasiga oʻylamay kirishning oqibati qanday boʻlishini oʻrgatganlari uchun, hatto ulardan qarzdorlik hissini tuying. Agar ular boʻlmaganida, hech narsaning farqiga bormay, qalbimizdagi xolis tuygʻularimiz bilan qiymatsiz insonlarning qalblarida shu zaylda sudralib oʻtib ketardik.



Ammo yaxshiyamki, ularga ishonganda bizni yolgʻiz tashlab ketishdi, yarim yoʻlda tashlab ketishdi. Jonimizning qiynalishi muhim emas. Asl masala kimning qandayligini vaqtida koʻrishdir. Hamma narsaning asl yuzini koʻrganingdan keyin, qayerdan boshlab ortga qaytma, buning senga zarari yoʻq. Muhimi hissiz insonni butun qalbingdan chiqarib tashlashingdir. Shu bilan unga nisbatan tuygan qarzdorlik hissingni ham, unga qoʻygan muhabbatingni ham qaytarib olgan hisoblanasan!

Meni umuman ahamiyatga olmaganing uchun sendan gʻazablanganim yoʻq. Havotir olma, qargʻash sira xayolimga kelgan emas. Sening soyangda qalbingning asl holatini koʻrdim. Buning uchun sendan qarzdorman. Bir paytlar senga butun borligʻim deya nazar solar edim-ku, endi esa sendan sening sharofating bilan voz kechayapman.



Baribir ishonaman

Biz sevishdan va sevilishdan boshqa narsaga umid qilmaydigan insonlardan edik. Qalbimizni parchalashdi, Bir kuni qisqa bir jumla oʻqigandim: "Ehtimol men har doim yoningda bo'lolmasman, ammo iforim hamisha sen bilan birga bo'lsin. Qo'llarimning taftini doimo qo'llaringda his qil. Bilaklarimizni har on bir-biriga yopishgan deb faraz qil. Buni shuuringga muhrla. Seni juda qattiq sevaman!" Shu jumla atab yozilgan insonning oʻrnida boʻlishni va shu qadar kuchli sevilishni istardim. Ammo guvohi boʻlganingizdek, kuchli sevilishni bir chetga qoʻyib turing, qarshimizdan chiqqanlar qalbimizdagi tuygʻularni abadiy deb oʻylab, ahamiyatga olishmaydi. Boshida o'zlarini hammadan boshqachadek his qildirib. oxir-oqibat, aslida, ularning ham hech kimdan farqi yo'q ekanligini ko'rsatishadi. Ehtimol buni uddaburonlik deb o'ylashar, lekin insonlarning tuyg'ulari bilan o'ynashish ganday insoniylik qonun-qoidalariga kelmasligini bilishmaydi.

Biroq shunday bo'lsa ham, men bir joylarda hanuz moychechakdek nozik qalb egalari borligiga ishonaman.

Agar unday boʻlmaganida, moychechaklar bunchalik xushboʻy taratmasdi. Moychechaklarning bu qadar yoqimli ifor taratishining biror sababi boʻlishi aniq. U ham moychechak isi taralgan tuygʻulardir. Balki boshqa bir insonlarning ichida, balki oʻzga bir tuygʻularning ichida, balki boshqa muhabbatlarning ichida, ammo mutlaqo bir joylarda moychechak misol nozik qalbli insonlar bor. Va



shubhasiz, eng chiroyli shaklda sevadiganlar mutlaqo moychechak misol zarif qalbli insonlardir.

Taassufki, biz bir moychechak donasi edik va bizning koʻz oʻngimizda boshqa gulni hidlashdi. Bu ham bizning eng katta chorasizligimiz, ularning esa eng ogʻir aybi edi.



Orzuimizdagilar

Bu hayotda atrofimizga goʻzal qalbli insonlarni yigʻishimiz kerak. Mushkulotga yoʻliqqaningda ortini oʻgirib ketadigan emas, aksincha, senga bagʻrini ochib, taskin beradigan insonlar lozim. Bergan mehrmuhabbatingni va qiymatingni his qilib, oʻzgaradigan emas, yanada samimiy boʻladigan insonlar lozim. Qilar ishni qilib qoʻyib, uzr soʻraydigan emas, oʻzini kechirim soʻraydigan holatgacha olib kelmaydigan va qadrlagan insonni boshida koʻtaradigan insonlar lozim. Biron joyga oʻtirganingda, ikkita choy buyurib, choyni qachon tugaganini va oʻtgan vaqtni payqamay qoladigan darajada bir-birimiz bilan jipslashib ketadigan insonlar lozim. Faqatgina baxtiyor onlarda emas, qaygʻuli kunda ham oʻrtoq boʻladigan insonlar lozim.

Eng mayda narsalardan bahona topib, ketadigan emas, qolib, barcha muammolarni yechish uchun birga harakat qiladigan insonlar lozim. Kishining yarasiga tuz bosadigan emas, oʻsha yaraga malham boʻladigan insonlar lozim. Koʻrgan har qanday aloqalarga aldanadigan emas, sadoqat va vafoning nima ekanligini idrok qiladigan insonlar lozim. Kuladigan voqeaga bir paytda kulib, gʻamga botadigan biror voqeadan birga taʻsirlanib, birga kuyinadigan insonlar lozim. Birgina qarashimizdan bizni tushunadigan insonlar lozim.

"U buni yoqtirmaydi, u buni yemaydi, u buni kiymaydi," deydigan darajada yaqindan taniydigan insonlar lozim. Anglaydigan insonlar lozim. Tushunadigan



Misonlar lozim. Tushunishni eplaydigan insonlar lozim. Odam boʻlish oson. Bizga koʻchada, uyda, odamlar orasida, yolgʻizlikda, hech narsaga qaramay, inson boʻlib qolishni uddalagan insonlar lozim. Eʻtibor bering, inson boʻlib qolishni uddalagan deyapman. Insoniylikni faqat "inson" soʻzida qoldirmagan insonlar lozim.

Xayollar bizniki. Hayot esa sizniki. Biroq hammamiz hissizmiz.



ggware Vashab oʻtilganlar

Bu hayotda atrofimizga goʻzal qalbli insonlarni yigʻishimiz kerak, dedik, shunday emasmi? Toʻgʻri, lekin hech qaysimiz bu borada uddaburon emasmiz. Masalan, bolaligimda qoʻlimga tushgan pullarni yigʻishga harakat qilardim, ammo ikkinchi yo uchinchi kuni koʻnglim shokolad yoki boshqa biron narsa tusab qolardi va yiqqan pullarimni birpasda sarflab yuborardim. Bolaligimda men yigʻishni istagan va eplab yigʻolmagan oʻsha pullarga qilgan muomalamni, ulgʻayganimda insonlar menga nisbatan qoʻllay boshlashdi va bu hanuz davom etmoqda.

Insonlar shu qadar shafqatsizki, senga orqalarini oʻgirib ketish uchun sening ogʻir ahvolga tushishingni kutib oʻtirmaydi. Insonlar shu qadar shafqatsizki, qadrlayotganingni sezishi bilan darhol oʻzgaradi va sendan uzoqlashishni boshlaydi. Insonlar shu qadar shafqatsizki, miyalarida uzr soʻrashni fazilat deb oʻylab, qalbingni tilka-pora qilgandan keyin kechirim soʻraydi va bu ham yetmagandek, qilgan ishi uchun oʻzini juda oliyjanob inson deb hisoblaydi.

Insonlar shu qadar shafqatsizki, buyurtirilgan choyni ham sovutishadi. Insonlar shu qadar shafqatsizki, hatto eng ogʻir kuningda ham dard ustiga chipqon boʻlishadi. Insonlar shu qadar shafqatsizki, oʻrtada tark etib ketishga arzirli sabab yoʻq ekan, ketish uchun bahonalar izlashadi. Insonlar shu qadar shafqatsizki, umid berishadi, sevaman deyishadi, xuddi hech qachon ketmaydigandek harakat qilishadi va natijada yoʻlning oʻrtasida tashlab



ketishadi. Insonlar shu qadar shafqatsizki, yarangga malham boʻlishning oʻrniga, tuz bosib, joningni battar qiynashadi. Insonlar shu qadar shafqatsizki, koʻrsatilgan har bir eʻtiborga nisbatan eshiklarini lang ochishadi. Insonlar insoniylikdan shu qadar uzoqki, ortga qaytish uchun ishlab chiqarilgan hech qanaqa chipta oʻrtadagi masofaga chek qoʻyolmaydi.

Men orzu qilgan narsalar nomunosib insonlarga tuhfa qilingan kundan buyon hayotning samimiyatiga ishonmayman.



Aldanganlar guruhi

Aldangan insonlarning yuragida koʻtarib yuradigan dardlarini yaxshi bilaman. Hattoki, juda yaxshi bilaman. Ushbu dardga qarindoshlik rishtalari qadar yaqinman. Bir insonning aldanishi faqatgina boshqasiga almashtirilishi yoki oʻrniga boshqasi qoʻyilishi degani emas. Sevgan insonga berilgan soʻzning ustidan chiqmaslik ham aldashning bir koʻrinishidir. Aldashning va aldanishning ham bir qancha koʻchasi mavjud. Men oʻsha koʻchalarning borsa kelmasiga kirgan va u yerdan soppa-sogʻ chiqqan bir insonman.

Insonlar menga "Sen hali juda yosh boʻlsang, bunchalik dard-alamni qachon koʻrib ulgurding?" degan tushuncha bilan qarashadi. Hammamiz ham odam bolalarimiz. Ahamiyatga olmaslik bizning fitratimizda bor, buni tushunaman. Ammo sizga bir tavsiya: hech kimning dardini zinhor kichik sanamang. Kun kelib, oʻsha kichik sanagan dardingizni burningizning tagida koʻrib, keyin nola qilasiz.

Yaxshisi mavzuni burmaylik, aldanmoq dedik... Toʻgʻri, aldangan inson qayerga bormasin oʻsha yuragida koʻtarib yurgan qaynoq va top-toza ogʻrigʻi bor-ku, ha, ha, aynan oʻsha ogʻriq... Bu ogʻriqni totganingiz bormi? Shu ham savol boʻldi-yu, albatta, bor. Yoʻqsa, aldanmagan inson qolibdimi oramizda?

Aldandik biz, al-dan-dik! Qoʻlimizda, hovuchimizda nima boʻlsa berdik, lekin aldandik. Oʻzimiz yarim boʻlgan holda, yarim qolganlarni toʻldirdik, baribir aldandik. Biz



yana har doimgidek yarim qolganlar rolini oʻynadik va hech kim tomonidan toʻldirilmadik. Bunga muhtoj ham emasdik. Chunki yarim qolishga ham odatlangandik.

Niyatimiz toza edi – hamisha yoningdaman, deganlarga aldandik. Ming shukrki, aldagan tomon aslo biz boʻlmadik. Chunki aldanishdan ortib unga fursat topmadik. Biroq topganimizda ham biz birovni zinhor alday olmasdik. Chunki biz moychechak misol zarif qalbli insonlar edik. Agar aldaganimizda moychechaklarning yoniga sira yarashmasdik.

Sizni sevgan insonlarni aldaydigan darajada subutsiz boʻlmang. Qolganini tuzatsa boʻladi.



Hammadan qochib, faqatgina bir inson bilan ovunishga Ishq deyilsa, Sen eng goʻzal ishqsan

Yashab turib, oʻlish nima ekanligini uni sevganimdan keyin bildim. Yuragim urayotgan boʻlishiga qaramay, qora tuproqning ostida yotgan jonsiz bir tanadan farqim yoʻq edi. Koʻrmaganim bir shu qolgandi, buni ham koʻrdim, paymonam toʻldi. Bu oʻta ogʻir bir yuk edi. Sevgan insoningning koʻzlariga boqqan har lahzangda, uning ham sening koʻzlaringga har boqqanida, oʻzingni emas, mutlaqo boshqa birini koʻrishning beradigan ogʻrigʻini izoh qilish oʻta mushkul va ogʻir. U koʻzlarimga qaraganida, sevgan kishisini, oʻlgan sevgilisini koʻrardi. Men ham unga boqqanimda, menda sobiq sevgilisini koʻrayotganini koʻrardim... Men u uchun bor-yoʻgʻi bir oyna edim. Yana oʻsha film, yana oʻsha yakun – koʻrinib turganidek men bu sevgida ortiqcha edim.

Ismimni qoʻyib turing, hatto borligimdan ham xabari boʻlmagan bir qizga nisbatan yuragimda oʻt boʻlib yonayotgan bu ishq meni har kuni oʻz ummoniga choʻktirardi. Choʻkayotganimning sababi suzishni bilmasligimda emas, unga meni choʻktirishi uchun ruxsat berganimda edi. Men har qancha urinib, bu jazavasi tutgan boʻronli ummondan suzib, sohilga borsam-da, uning sevgan odami uchun ichiga oqizayotgan koʻz yoshlariga choʻkib ketardim.

Yuragimdagi unga nisbatan tuygʻularim sababli, uning koʻz yoshlariga meni choʻktirishi uchun har kuni llozat berdim. Buni u xohlamadi, oʻzim istadim. Jonimning



ogʻrigʻini suyak-suyaklarimgacha his qilsam ham, bizdan sira voz kechmadim. Balki biz degan narsaning oʻzi yoʻq edi, men shunday faraz qilgandirman. Hammasiga qaramay, agar choʻkayotgan paytimda qutilishga uringan boʻlsam, nomardman. "Sevaman" dedim va faqatgina sevish bilan kifoyalanmay buni his qildirdim.

Natijadami? Yana yoʻqotgan men boʻldim...

Insonlar tomon bir qadam tashlashga ham madorim yoʻq edi. Ammo sen tomon yugurishdan sira toʻxtamadim.

Hech narsaga qaramay sizga ishongan va sevishda davom etgan insonlarni qoʻldan chiqarmang.



Toʻsiqlarga qaramay sevdik



Bu hikoya seni koʻrgan onimda boshlandi

Istanbulda ikki yil yashab, keyin Antaliyaga qaytib ketdim. Koʻchib yurish tashvishi meni yaxshigina charchatgandi. Istanbul juda goʻzal shahar edi, ammo gavjumligi halovatimni olgandi. Antaliyaga joylashganimdan keyin bamaylixotir nafas olishni boshlagandim. Qayerda boʻlmaylik, baribir insonning oʻz tugʻilib oʻsgan shahri chindan ham boshqacha boʻlar ekan. Bu oʻtgan muddat oraligʻida buni juda yaxshi angladim.

Yangi uyga koʻchib oʻtganimdan keyin oʻqishimni ham boshladim. Ammo negadir qayta koʻnikolmadim. Nimaiki yuz bermasin, bir narsaga boshidayoq koʻnglim isimasa, jahannamning otashi kelsa ham foydasi boʻlmaydi. Agar boshidayoq koʻnglim chopmasa, keyin ham chopmaydi.

Kasallik alomatlarining yanada ortishi natijasida bobomga limfoma saratoni degan tashxis qoʻyildi. Bir qancha muddatdan soʻng kasallik avjiga olib, uni toʻshakka mixlab qoʻydi va kimyoterapiya boshlandi. Bobom juda ozib-toʻzib, suyaklarini sanasa boʻladigan holga kelgandi. Ikki oydan ziyod kasalxonada qoladigan boʻldi va keyin bu oylab davom etdi.

Nimani xohlasam, boʻlmaslikka qasam ichgan davrlarning yomgʻirli bir chorshanba kuni soat 12:15 da bobom yotgan kasalxonaning sakkizinchi qavati oxiridagi derazaning yonida uning yigʻlab turganini koʻrib qoldim. Yomgʻir tomchilari derazaga tomar ekan, uning koʻzyoshlari



yanoqlariga tomardi. Biz turgan qavatdagi hamshiralar tushlik qilishga chiqishgani uchun koridorda hech kim yoʻq edi. Beligacha tushgan tim qora sochlari bilan koʻz yosh toʻkar ekan, derazaga kelib urilayotgan yomgʻir tomchilarini tomosha qilayotganga oʻxshab koʻrinardi.

Sekingina yoniga yaqinlashdim va "Senga nima bo'ldi, ahvoling yaxshimi?" deb so'radim. "Meni holi qoldir", deya javob berdi. Boshqa hech narsa demay, u yerdan uzoqlashdim. O'sha damda u meni ko'rmaganga olgandi. Ammo men uni bobom yotgan palataning yon tomonidagi palatada ko'rgandim. Kasalxonadan turli xil dori-darmonlar hidi anqib turishiga qaramay, men uning iforini his qilgandim. Uning o'zgacha bir ifori bor edi. Bobomning yoniga kirdim va biroz muddat o'tganidan keyin palatadagilar bilan xayrlashib, kasalxonadan chiqdim. Bobomning yonida o'sha kuni xolam qolgandi. Xolalarim o'zaro kelishib olgancha, kunora navbati kelgani bobomning yonida qolardi. Bu kelishuvga onam ham qo'shilgan edi.

Bir kuni bobom gazeta oʻqishni yoqtirgani uchun, kasalxona doʻkonchasidan gazeta sotib olib, toʻgʻri palataga chiqaman dedim. Doʻkon yonida koʻzim yana unga tushdi. U ham nimalardir xarid qilayotgandi. Men gazetani olib, darhol doʻkonchadan chiqdim. Liftning yoniga kelganimdan bir ikki daqiqa oʻtib u ham keldi. Liftga chiqib, sakkizinchi qavatga birga koʻtarildik. Liftda toʻrt kishi edik. Sakkizinchi qavatga chiqquncha, qolgan ikki kishi boshqa-boshqa qavatlarda tushib qoldi. Yolgʻiz oʻzimiz qolganimizda ham gaplashmadik.



Liftning tovushi quloqlarimizni shangʻillatar, koʻzlarim esa liftning ochiladigan eshigiga qadalgandi. Birdan lift eshiklari ochildi va u chuqur nafas chiqarib, "Rahmat", dedi. Ochigʻi, buni hech kutmagandim. Biroz dovdiradim va bir ogʻiz ham soʻz demay, bobomning palatasiga kirdim. Gazetasini berdim, bobom menga mamnun chehrasi bilan boqdi. "Nabira degani mana shunday boʻladi" degandek past ovozda mingʻirlab qoʻydi. Unga qarata men ham shunday deyishni istardim, ammo nachora, borligining oʻzi yetadi deya koʻnglimdan oʻtkazdim. Bir kun boʻlsa-da boboligini koʻrmagan boʻlsam ham, baribir u mening jondan aziz onamning otasi edi

Palatadan chiqqanimda deraza yonida yana uni koʻrdim. Yana orqasini menga oʻgirib olgandi. Sochlari yana yoyilgan, beliga chirmashib turardi. Sochlaridan taralayotgan shampun hidini yoʻlakning boshidan ham seza olardim. Bir muddat unga tikilib turganimdan keyin ortiga oʻgirildi va nigohi menga tushdi. Jilmaygandek boʻldi, keyin esa, "Bu yerga kelsangchi", dedi. Bir muddat dovdirab turganimdan soʻng "Shu turishda yaxshi, axir xoli qolishni xohlaysan-ku!" dedim. Keyin u qoʻllarini pidjagining choʻntagiga solgancha, menga yaqinlashdi va "Oʻtgan kun uchun aybga buyurma, juda tushkun edim. Oʻylashimcha, seni biroz ranjitgan koʻrinaman", dedi.

- Boʻlishi mumkin, dedim.
- Qani, yur. Seni choy bilan siylayman. Meni yomon xotira bilan eslab qolma.
 - Men choyni xushlamayman.



- Unda qahvaga nima deysan?
- Ma'qul.
- Unday boʻlsa, sen meni liftning yonida kut, men tezda ichkariga kirib chiqay, dedi.

Kelishib olganimizdan keyin men ham palatada bir koʻrinib, uni liftning yonida kutdim. U darrov keldi va kasalxonaning oshxonasida oʻtirib, dildan suhbatlashdik. Jemre ichkilik va qimor sababli oilasidan yuz oʻgirgan va hozirda lemfoma saratoni tashxisi qoʻyilgan bir otaning qizi ekan. U adabiyot fanining bitiruvchisi, ammo sohasini davom ettirolmaganlardan biri ekan. Otasining qilmishlari onasini va Jemreni adoyi tamom qilibdi.

Otasi ichkilik va qimorni deb ulardan yuz oʻgirgan, keyin uydan chiqib ketgan, qoʻlidagilarini, choʻntagidagilarini, umuman, bisotidagi bor-budini yoʻqotganidan keyin pushaymon boʻlib, uyiga qaytib kelibdi. Jemre va uning onasi noilojlikdan ishonib, oʻsha odamni yana qabul qilishibdi. Ilgari oʻziga toʻq oila boʻlishgan ekan. Ammo otasining hayotiga ichkilik va qimor kirib kelganidan keyin butun bor-budlaridan ayrilishibdi.

Oʻsha kuni uning hikoyasini astoydil tingladim. Mening hikoyamga oʻtish uchun fursat topolmadik. Men gapirishdan koʻra koʻproq qarshimda oʻtirgan insonni tushunish uchun butun diqqatimni jamlashni yoqtirganim sababli oʻsha kuni ham faqat uni tinglagandim. Oxirgi vaqtlarda ichidagilarni birovga toʻkib solmagani uchun toʻlib ketgani koʻrinib turardi. U shunchalik shirali ovozda gapirardiki, jumlalarining birontasini ham boʻlmadim.



Bo'lolmadim. Gohida seni tushunishlarining o'rniga, sen kimnidir tushunishing ham insonni yaxshigina Unchlantira oladi. Uni shu tarzda tanidim. Bizning yoʻlimizni kesishtirgan narsa vijdonlarimiz edi. Jemre oʻzidan yuz oʻgirgan otasini kechirgan va ayni damda kasalxonada uning yonida edi. Men ham yillar boʻyi onamga "Bu bolalardan senga foyda yoʻq, ularni mehribonlik uyiga toshirib yubor" deya, meni va ukamni mehribonlik uyiga topshirishi uchun onamga bosim oʻtkazib, bizni koʻchaga haydagan bobomning yonida edim. Yo'llarimizni vijdon birlashtirganidan tashqari, oʻsha kuni tanishganimizda ikkimizning yuzimizda ham g'am zohir bo'lgandi. Jemre meni tanimas edi, lekin kitoblarimni ko'rgan edi. U kitob mutolaasi uchun ajratadigan har bir fursatini qadrlaydigan insonlardan edi. O'z sohasini davom ettirolmaganiga garamay, oilasiga koʻmak berishi lozimligi uchun mayda yumushlar bilan band bo'lgan va otasining betobligi sababli oxirgi ishlaydigan joyidan ham boʻshashga majbur bo'lgandi.

Bir qancha vaqt oʻtib, Jemrening otasiga kasal-xonadan javob berishdi. Biz boʻlsa, yana bir necha kun kasalxonada qoldik. Ammo shu fursat ichida Jemre bobom va meni yolgʻiz tashlab qoʻymay, bizni koʻrgani keldi. Uning bu harakati sadoqatli inson ekanligining belgisi edi. Kichik narsalarga ham katta ahamiyat beradigan inson boʻlganligim uchun u kasalxonadan chiqqanidan keyin bizni koʻrgani kelishi meni baxtiyor qilgani bilan birga juda taʻsirlantirgandi ham. Hattoki u bir kuni kasalxonaga kelganida bobomga oʻqishi uchun gazeta olib kelib, bizni



hayratga solgandi. Aynan, oʻsha kuni u hayotimdagi oʻrnini chinakamiga mustahkamlagandi. U buni koʻzboʻyamachilik uchun emas, haqiqatan ham vafodor bir inson boʻlganligi uchun amalga qilgandi. Hozirgi vaqtda bunday insonlarni uchratish deyarli imkonsiz boʻlsa-da, men shunday qiz bilan tanishganim uchun ich-ichimdan sevinardim.

Kunora navbat almashib qolayotgan xolalarimning ancha horigan va ezilganlarini sezganimdan keyin, bobomning yonida ikki kun oʻzim qoldim. Bobomning yonida qolgan kunimning yakshanba tongida Jemre kichkina savati bilan xonaga kirdi. U yakshanba kuni navbatchilik qiladigan hamshira bilan tanish boʻlganligi uchun biz turgan qavatga yeguliklar solingan savatni bemalol kiritgan, bobom ikkimizga nonushta uchun turli xil yeguliklar olib kelgandi.

Damolish kunidagi ilk nonushtamizni kasal xonaning onkologiya (saratonga chalingan bemorlarni davolash boʻlimi) qavatining bir xonasida qilgandik. Men bu nonushtani besh yulduzli mehmonxonadagi yoki boshqa biron hashamatli joydagi hech qanday nonushtaga almashmasdim. Almasholmasdim. Oʻsha kuni ichimda chinakam baxtni his qilgandim. Unga bu uchun qancha rahmat aytsam ham kam edi. Men birgina minnatdorchilik bilan kifoyalanib qololmasdim.

Oʻzimni undan qarzdordek his qildim. Kelasi hafta yakshanba kuni ertalab koʻzlarimni ochganimda soat toʻqqizni koʻrsatardi. Uygʻonishim bilan oʻz-oʻzimga "Qani, bir quchoq moychechak ol. Eshigiga bor va uni olib, unutilmas bir yakshanba nonushtasini tashkil qil",



dedim. Fursatni boy bermay, oʻrnimdan turdim va ustimni almashtirib, yoʻlimni gul doʻkoniga qarab burdim. U uchun moychechaklardan goʻzal guldasta tayyorlatdim. Hayotimda ilk bor ayol kishi uchun moychechak xarid qilayotgandim. Buning hayajonida uyiga eltadigan yoʻlni unutdim. Uning koʻchasiga kirganimda, ichimda taʻriflab boʻlmaydigan baxt-u saodat barq urar, qorin boʻshligʻimda goʻyo kapalaklar parvoz qilayotgandek tuyilardi. Uyining yon tomoniga mashinamni joylashtirib, qoʻlimga telefonimni oldim va eng avval unga sms xabar joʻnatib, keyin esa qoʻngʻiroq qilmoqchi edim. Koʻzim bexosdan yon tomondagi oʻrindiqda turgan moychechaklarga tushdi. Negadir jilmaydim. Keyin esa unga aynan shunday xabar yozdim:

"Jamol Surayyoning ta'kidlaganidek, baxtning nonushta bilan bogʻliqligi boʻlsa kerak. Qolaversa, u yoningdaligida sen orom topadigan inson bilan qilinadigan nonushta boʻlsa ayni muddao... Qani, uygʻon. Uyingning yonidaman. Tayyorlanib chiq, birga nonushta qilishga keldim".

Sms xabarni joʻnatganimdan soʻng Jemrega qoʻngʻiroq qildim, ammo u javob bermadi. Yana qoʻngʻiroq qildim, baribir goʻshakni koʻtarmadi. Kamida oʻn marta qoʻngʻiroq qildim, undan sado chiqmadi. Yarim soatdan koʻproq uning uygʻonishini mashinaning ichida kutdim. Soat oʻn birga yaqin bir xabar keldi. Qarasam Jemredan ekan:

- Nimalar boʻlyapti?
- Nimalar boʻlyapti deganing nimasi? Chindan ham



yozgan xabarimga munosabating shumi? Birga nonushta qilamiz, sen xursand boʻlasan deb oʻylagandim.

 Afsusdaman, ammo borolmayman, degan javobni olganimdan keyin qoʻlimda telefonni tutgancha bir muddat gangib qoldim.

Bir moychechaklarga, bir telefonga qaradim. Bu qanday tasodif boʻldiki, oʻsha paytda mayin tovush bilan radioda "Men eng katta xatoni senda qilibman, tosh qalbingdan ishqni izlabman, bunga noloyiq ekansan", deya xonish qilardi hofiz...

Jemredan kelmasligi toʻgʻrisidagi xabarni olganimdan soʻng biroz sukut saqladim. Keyin esa birgina "Yaxshi", deya oldim. Moychechaklarni ham orqa oʻrindiqqa tashladim. Chindan ham juda xafa boʻlgandim. Xursand boʻladi deb oʻylagandim, yanglishibman.

Baʻzan baxtiyor holda koʻrishni istagan insonlarimiz uchun bir narsalar hozirlaymiz, keyin ularning bunga nisbatan befarqliklarini koʻrib shashtimiz tushadi va tomogʻimizda achchiq bir taʻmni his qilamiz-k, oʻsha tongda menda ham aynan shunday hol yuz bergandi. Undan ranjiganimni va gʻazabimni oshkor qilmay, uyga borib uxladim. Uygʻonganimda esa kun allaqachon qoraygan ekan. Telefonga qaradim. Jemredan xabar kelibdi, unda shunday yozilgandi:

"Mendan xafa boʻlmading, toʻgʻrimi? Xayolim senda qoldi. Agar kecha kechqurun ogohlantirib qoʻyganingda, men ham shunga qarab tayyorgarligimni koʻrardim. Shunday boʻlsa ham uzr soʻrayman. Buni toʻgʻirlasak boʻladi deb oʻylayman". Men esa unga ranjigan boʻlsam



ham, xafa emasligimni aytdim. Ichki ovozim esa "Nega yolg'on gapiryapsan? Ertalab bo'g'zingda his qilgan o'sha achchiq ta'm haqida unga aytib bersang bo'lmaydimi." deya meni siquvga olardi.


"Xafa emasman. Bor-yoʻgʻi oʻtgan hafta meni quvontirganing uchun men ham senga kutilmagan sovgʻa qilishni istagandim. Ataylab ogohlantirmadim. Havo juda ochiq edi. Tashqarida qilingan nonushta ikkimizga ham xush yoqadi deb oʻylagandim. Pijamalaring bilan kelsang ham boʻlardi. Ammo mayli, oʻtgan ishga salovat", deya xabariga javob berdim.

Undan esa, "Men u ishni evaziga nimadir qaytar yoki meni ham quvontir deb qilmagandim. Shunchaki koʻnglim shunga buyurgandi. Oʻzingni qarzdor deb hisoblama", degan javob keldi.

Bor-yoʻgʻi unga atab olgan moychechaklarimning qalbi singandi...

Mirach Chagʻri Oqtosh

Yaxshiyam borsan, degan insonlarni yoʻqotish Insonni chinakamiga charchatadi.



To'siqlarga qaramay sevdik



Gohida hech narsani istamaysan. Hech kimdan va hech narsadan umiding boʻlmaydi. Koʻzlaring hech kimni koʻrishni istamaydi. Faqatgina bir insonni orzu qilasan va birgina oʻsha inson bilan ovunishni istaysan. Faqat oʻsha Inson bilan gaplashganingda, birgina uni yonidaligingda oʻzingni xotirjam va kuchli his qilasan. Mendagi his ham xuddi shunday edi. Uning yonida oʻzimni juda ahamiyatli va kerakli hamda kuch-quvvatga toʻla his qilardim.

Kun oʻtgan sari bir-birimizga oʻrganib bordik.

Hozir turgan joyimdan oʻtmishimga, sevgan insonlarimga, qadrlagan insonlarimga va muhim sanaganlarimga bir qur nazar soldim. Hammasi sariq chaqaga qimmat edi. Arzimaganlarga nimalarni vaʻda berdim, kimlarni sevdim, nimalarni fido qildim, nimalarni boy berdim. "Shu qadar qisqa muddat ichida meni baxtli qila olgan inson uchun nimaga borimni bermas ekanman?" deb oʻzimdan soʻradim. Hayotda koshki deyishdan nafratlanadigan inson ekanligim ham unga ishonishim uchun muhim roʻl oʻynardi.

"Ehtimol yana yoʻqotarman, ammo bu gal yoʻqotadigan men boʻlmasam yaxshi boʻlardi", dedim oʻz-oʻzimga. Chunki insonlarni yoʻqotishdan juda charchagandim va shu boisdan ham ancha vaqtlardan beri yana yoʻqotish azobini totmaslik uchun hayotimga hech kimni kiritmayotgan edim.

Ulkan nurashlarni boshdan oʻtkazganing uchun, yarim yoʻlda tashlab ketilganing uchun, ogʻriqni suyaksuyaklaringgacha his qilganing uchun yana qayta bularga yoʻliqmay deb oʻzingni muhofaza qilishni boshlaysan va



hech kim hayotingga dahl qilishiga izn bermaysan. Yaqin yoʻlatmaysan, ishonolmaysan, hadiksiraysan. Ammo biroz vaqt oʻtib, yana sevib qolasan. Qoʻrqsang ham yuragingni sevishdan mahrum qilolmaysan va oʻzligingni oshiqlikdan topasan.



Dard deganing soʻz uqmaydi, faqat zabtiga oladi

Onamning ikkinchi turmushi besh yil davom etib, oxiri eri bilan ajrashishga qaror qilishdi. Bu xabarni eshitib, eng koʻp kichik ukam Yigit uchun juda qaygʻuga botdim. Bu qaygʻu meni ancha vaqt notinchlikka tushirib qoʻydi.

Yigitning ham boshdan kechiradiganlari meniki bilan bir xil boʻlishini sira istamas edim. Chunki otasizlik naqadar ogʻir va achchiq boʻlishini juda yaxshi bilardim. Shu boisdan mening boshdan kechirganlarim Yigitning ham boshiga tushmasin deya onam va uning turmush oʻrtogʻining yoniga borib, bu toʻgʻrisida gaplashdim. Ammo devorga gapirgandek boʻldim. Ular allaqachon bir qarorga kelishgan va oʻzaro kelishilgan holda sudga ham ariza topshirishgan edi. Vaqt oʻtib esa, onamning xiyonat koʻrganini bildim va oʻsha kasni odam oʻrnida koʻrib, yoniga borib gaplashganim uchun oʻzimdan nafratlandim. Biroq u vaqtda bulardan bexabar edim-da... Insonlar shu qadar tuban, shu qadar jirkanchki, bunga oʻsha damda yanada amin boʻldim. Onam bilan u odam ajrashdi va Yigitning vasiyligi onamga berilgandi.

Yigitning esa hech narsadan xabari yoʻq, hali bolaligiga borardi. Mening yonimda otam yoʻqligini qoʻyib turing, hatto akam ham yoʻq edi. Albatta, ukam uchun otasining oʻrnini bosolmayman, lekin bir aka sifatida umrim boricha, qoʻlimdan kelganicha uning yonida boʻlaman, ammo qaniydi bu koʻrgulik uning ham boshiga tushmaganida...



Bu dardni totishingni sira istamasdim, ammo nachora, koʻngli yarim boʻlib ulgʻayadiganlarning karvoniga xush kelibsan, ukajon...

Yarim koʻngil bilan ulgʻayish nima ekanligini faqatgina koʻngli yarim boʻlib oʻsganlar biladi, qolgani safsata. Erkatoy-u tantiqlar, toʻkis oilada mehrga choʻmilib oʻsayotganlar bu dardning nimaligini bilmaydi. Tunning qaysidir qismida, karavotining bir chetiga oʻtirgancha, yostigʻini gʻijimlab yigʻlash nima ekanligini ular bilmaydi... Oʻzini himoyasiga oladigan otasi yoʻqligini, bu tamgʻani umrbod koʻtarib yurish nima ekanligini...

Bilishmaydi...

Yarim koʻngil bilan oʻsayotganlarga salom...



Jemre bilan bir oyga yaqin koʻrishmadik. Oramizdagi munosabat shunday holga kelgandiki, oʻtgan oy oralig'ida bir-birimizni qattiqroq sog'inaylik hatto suratlarimizni ham joʻnatmagandik. Shu deh holatda ham bir-birimizga bogʻlanib bordik. Biz faqat ovozlarimiz bilan diydorlashardik. Bu esa sogʻinchimizni yanada oshirgandi. Oʻz uyimga qaytganimdan keyin Jemre meni sohil bo'yiga chaqirdi. Sohil bo'yidagi bir o'rindiqda oʻtirib, boʻlib oʻtganlar toʻgʻrisida gaplashdik. Bir-birimizni chindan ham juda sogʻingandik. Bu ikkimizning har bir holatimizdan koʻrinib turardi. Biz goʻyoki shuncha vaqtdan beri uchrashishi va bir-birini to'ldirishi kerak bo'lgan ikki Insonlar edik. Shu vaqtgacha eng pokiza tuygʻularimizni nomunosib insonlarga sarf qilgan boʻlsak-da, baribir birbirimizga koʻngil qoʻygandik. Bunga oʻsha damda ham men, ham u hamda biz oʻtirgan oʻrindiq guvoh edi.

Havo sovuq edi. Biz oʻtirgan yerning roʻparasidagi koʻchada Starbucks bor edi. Ikkimizga qahva olish uchun koʻchaning narigi tomoniga oʻtib, Starbucksga kirdim. Ikkifta qahva oldim. Ishchi mendan stakanning ustiga qanday ism yozish kerakligini soʻraganida, oʻzimning stakanimga "Bir umr..." Jemrening stakaniga esa, "Ishq tomon..." deb yozdirdim.



Qahvalarni olib, biz oʻtirgan oʻrindiq tomon yoʻnaldim. Jemre stakanidagi yozuvni koʻrib, menikiga nima yozilganiga qiziqsinib qaradi. Ikkisini yonma-yon olib kelganda "bir umr ishq tomon..." degan yozuvni oʻqib, koʻzlari quvonchdan porlab ketdi. U ilk bor oʻshanda meni qattiq bagʻriga bosgandi.

Bir muddat koʻzlari jiqqa yoshga toʻldi va yigʻlab yuboradigandek holga tushdi. Sababini soʻraganimda esa, "Iltimos meni uyga tashlab qoʻy", dedi. Mashinaga o'tirganimizda Jemre moychechak ifori taralayotganini sezdi va mendan "Nega mashinangning ichidan moychechakning hidi kelyapti?" deb soʻradi. Jemre bu savolni berguncha orqa oʻrindiqda qolgan moychechaklarni oʻzim ham esdan chiqargandim. Soʻng orga oʻrindigga qoʻlimni uzatib, allagachon soʻlib ulgurgan moychechaklarni olgancha, unga "Moychechaklar soʻlganida juda xushboʻy taratadi. Oʻsha tongda birga nonushta qilamiz deb uyingga borgan kunim bularni sen uchun olgandim. Sen esa kelmasdan soʻldirding", deya savoliga javob berdim. Koʻzlarida anduh zohir boʻldi va meni yana bir bor bagʻriga bosdi. Keyin Jemreni uyiga tashlab qoʻydim.

Qish fasli. Jemrega yanada qattiqroq bogʻlangandim. Suhbatlarimiz koʻpaygan, har kuni qoʻngʻiroqlashib turar va bu ham kamlik qilib, tez-tez uchrashardik. Bir-birimizga juda qattiq bogʻlanib qolgandik. Antaliyaning har bir burchagini aylanib chiqardik. Hatto kiyimkechaklarimizni ham birga xarid qilardik. U birgaligimda goʻyo huzurning tizzalariga choʻzilganman-u, halovat



degan narsa eng yoqtirgan musiqalarimni chalgancha, yelkamni silayotgandek boʻlardi. U menga shunday hislarni tuydirardi. Faqat men tushunmaydigan va menga negadir gʻalati tuyiladigan bir narsa bor edi. Jemre meni har gal oʻsha sohil boʻyiga chaqirardi. Sababini bilmadim-u, ammo bu menga gʻalati tuyilardi. Bir muddat bu mavzuni ochmadim.

Jemre bilan ilk bor kinoteatrga tushganimizda koʻrgan filmimiz "Ayla" edi.

Chindan ham mukammal bir film edi. Filmning koʻzlarim jiqqa yoshga vigʻlab oxirigacha toʻlib. yubormaslik uchun oʻzimni zoʻrgʻa ushlab turgancha tomosha qildim. Filmning soʻngida esa, oʻzimni tutib turolmay yigʻlab yubordim. Ayniqsa, kinoda ota qiziga "Otalar farzandlari uchun kurashadi. Ularga bergan soʻzlarining ustidan chiqish uchun yashaydi", degan qismida oʻzimni judayam yomon his qildim. Ming afsuski, hamma ota ham bergan soʻzining ustidan chiqolmaydi. Unisi ham mayli, hamma ota ham farzandining hayotida ota nomi bilan saqlanib qololmaydi. Bizning bergan soʻzlariga sodiq qolib, biz uchun kurashadigan otamiz boʻlmadi. Aksincha, otalarimiz biz uchun kurashishi kerak bo'lgan yerda, biz ularning ortidan tashlab ketgan g'ambilan kurashdik. Bu dardlar va olib borgan anduhlari janglarimiz bizni bolaligimizdayoq ulgʻaytirib qoʻygandi. Bu mavzuda Jemre bilan hamdard boʻlganligimiz uchun film uni ham ta'sirlantirib yuborgandi. Jemre otasi bo'lib turib, uning borligini his qilmaganlardan edi. Menda esa hech qachon ota devoladigan odamning o'zi yo'q edi.



Oʻz vazifa va burchlarini ado etmasa-da, Jemrening ota deydigan bir insoni bor edi. Natijada ikkimiz ham ayni dardning oʻljalari edik. Kinoteatrdan chiqqanimizdan keyin Jemre menga qahva olib keldi. Bir-birimizga navbat bilan qahva olib kelish, munosabatlarimizning odati tusiga aylangandi. Bu safar u qahva stakanlariga bir narsalar deb yozdirgandi. Mening stakanimning ustiga "Ayni dardlar bilan..." unikida boʻlsa, "Birgalikda..." deb yozilgandi. Oʻsha kuni biz qahvamizni ayni dardlarning sharafiga ichdik.



G'alata qal'asiga sen bilan birga...

Gʻalata qalʻasiga chiqish uchun navbat kutish ham ishq bilan bogʻliq...

Jemrening qaysarligini deb G'alata qal'asiga chiqishga qaror qildik. Aslida, samolyot bilan ham ketishimiz mumkin edi. Ammo birgalikda uzoq yo'l vurishni xohladik va Istanbulga boradigan avtobusga chipta oldik. Bir kun davomida maqsadimizga yetib, ketgan kunimizning tungi mahalida Antaliyaga qaytib kelmoqchi edik. Yoʻl bizni charchatgan edi, ammo bir-birimizni gʻoyat sevganimiz va oldinda ilk bor G'alata qal'asiga birga chiqishning zavqi bunga arzirdi. Arzidi ham. Yoki men shunday oʻylagandirman, bilmadim. Biz Istanbul avtobus bekatiga kelib tushgan tongimizda, kasalxonada qilgan nonushtamizchalik chiroyli boʻlmasa-da, qahvaxonada o'tirib, nonushta qildik. G'alata qal'asining rivoyatini bilib turib, G'alata gal'asi tomon yo'l oldik. G'alata gal'asi tomon har qadam bosganimiz sari meni ulkan hayajon va g'ussa qamrab olar, tushkunlikka solayotgan edi. Bundan avval G'alata qal'asiga hech kim bilan birga chiqmagandim. Jemre G'alata qal'asiga birga chiqayotgan ilk insonim edi.

Shanba kuni edi. Haftaning oxiri boʻlganligi sababli Gʻalata qalʻasiga chiqish uchun odamlar uzun navbat tizib olishgandi.

Navbatga qoʻshilganimizdan keyin koʻzim birdan Gʻalata qalʻasining nariroqdagi choyxonaga tushdi. Bir muddat oʻtib, choyxonaga qadalgan koʻzlarimni Jemre oʻziga qaratdi. Keyin Gʻalata qalʻasiga chiqdik. Jemre menga



biroz gʻalati va sovuq muomala qilavotgan edi. Gʻalata qal'asiga chiqqanimizda yuqoridagi kafeda ishlaydiganlar Iemre bilan salomlashishdi. Ofitsiantlardan biri Iemrega garab, "Ahvoling galay, oʻzingga kelib goldingmi?" deganini eshitib qoldim. Oʻsha onda gap nima haqidaligini bilmasam gizigganimni oshkor gilmagandim. to'g'risidagi rivoyatning rost yo yolg'onligini bilmasakda, ayni lahzada goʻzallikdan huzurlangandik. Quyoshli bir havo edi va chagʻalaylar Gʻalata qalʻasining tepasida biz uchun qoʻshiqlar kuylashardi. Gʻalata qalʻasidan chiqqanimizdan soʻng Jemre "Yuraqol, anavi qahvaxonaga kirib, bir narsalar ichamiz", dedi. Men esa bir ogʻiz ham gapirolmadim. Oʻsha onda oʻzimni juda yomon his qilar, ammo buni Jemrega sezdirmasdim. Hayotim boʻyi oʻzimni eng chorasiz va notavon his qilgan kunim, avnan Gʻalata gal'asidan chiqib, Jemre bilan qahvaxonada o'tirgan kunim edi. Chunki u yer Zumro bilan ilk tanishgan joyimiz edi. Boshqa joyda oʻtiraylik deyolmadim. Oachonlardir sevgan insoning bilan borgan joylaringning yonidan oʻtganingda yoki oʻsha joyda boshqasi bilan birga oʻtirganingda qalbingda simillaydigan ogʻriq - hayotning biz bilan qiladigan bir oʻyini edi.

Oʻsha kuni biz choy buyurgandik, ammo men choyni ichmasdan sovutgandim. U yerdan chiqqandan keyin biroz Gʻalata qalʻasining koʻchalarida aylandik va oʻtirib baliq bilan non yedik. Qaytish vaqtimiz yaqinlashgani uchun avtobus bekatiga qaytdik. Antaliyaga qaytishimizda avtobusda Jemrening Gʻalatadagi sovuq va gʻalati muomalasi xayolimdan ketmadi.



Oʻzini xuddi men uning qoʻlidan ushlab, majburlab olib borgandek tutardi. Bu holat meni anchagina bezovta qildi. Yana hech narsa demadim. Biror narsa yuz berganida, doim bir chetga chiqib, oʻzimni xuddi hech narsa boʻlmagandek tutishimning boisi, qarshimdagi inson men aytmasam ham, nima gapligini oʻzi tushunib olishi nchun edi. Biroq men jim boʻlgan sarim, buning tili yoʻq ekan deb oʻylashib, battar boshimga chiqishdi. Qarasam, bu usulning foydasi yoʻq, keyin men ham kim nima qilsa yuziga aytishga qaror qildim. Bilasizmi, buning foydasi hor ekan. Ancha yengillashganimni his qildim. Vaholanki, doimiy tarzda ichimga yutib yurishim va qarshimdagi insonlar xatosini oʻzlari tushunib olishini kutishim oʻta ketgan ahmoqona ish ekan. Buni juda kech angladim.

Roʻyobini topadi deb oʻylamayman-u, ammo qilgan xatolarini, ochgan jarohatlarini siz aytmasangiz ham oʻzlari payqaydigan insonlar bilan yoʻlingiz kesishishini tilayman...

Mirach Chagʻri Oqtosh

Butun borligʻingiz bilan sevgan insoningizning hayotida zarracha oʻrningiz yoʻqligini koʻrganingizda qalbingiz ogʻriqdan titraydi.



To'siqlarga qaramay sevdik



Doktorlar uydagilarga "Bu odamning har bir kunini gʻanimat biling", degancha bobomga kasalxonadan javob berishdi. Har kimyoterapiyaning vaqti kelganida uy bilan kasalxona oʻrtasida halak boʻlardik. Jemrening otasi ham hanuz kimyoterapiya muolajasini davom ettirayotgan edi.

Yana o'sha dilimni xufton qiladigan haftaning ma'lum kunlarining ma'lum soatlarida Jemrening g'oyib bo'lib qolishlari ko'paygandi. Chunki Jemre yoʻqolib qoladigan maʻlum kun va soatlarda u bilan sira ham bogʻlanolmasdim. Qoʻngʻiroq qilsam, goʻshakni koʻtarmasdi. Xabar yozsam, javob yozmasdi. Keyin esa mendan osongina qutilardi. Bu ishi ichimga g'ulg'ula solgan edi. Men ham sira erinmay, u har safar yoʻqolib qoladigan chorshanba kunining tongida barvaqt uygʻonib, Jemrening uyi yonida, meni ko'rmaydigan bir pana yerga vashirindim va uni kuzatish uchun uydan chiqishini sabr bilan kutdim. U soat ikkiga yaqin uyidan chiqdi. Borgan joyigacha uni uzoqdan kuzatib bordim. Bir qabristonga kirib ketganini koʻrdim. U qabrlar oralab yurib, atrofi moychechaklar bilan oʻralgan bir qabrga kelib toʻxtadi. Moychechaklarni koʻrganim zahoti qalbimga qabrning atrofidagi moychechaklarning sonicha qoʻrgʻoshin quyilgandek bo'ldi. Bu moychechaklar men Jemrega atab olgan moychechaklarim edi.

Oʻz-oʻzimga "Bu qanaqasi boʻldi?" dedim. Jemrening ortidagi qabrning panasiga yashirinib, uning qabr bilan gaplashayotganini tingladim. Bu ishimning odam oʻz joniga suiqasd qilishi bilan biron bir farqi yoʻq edi.

Jemre yum-yum yigʻlashni boshladi. Uning



oqayotgan koʻz yoshlarini koʻrdim va yoniga borib, koʻzyoshlarini artgim keldi, ammo ichimdagi gʻazab va alam tuygʻulari bunga yoʻl qoʻymadi. Ayni dam Jemrening yigʻlayotganidan ham koʻra muhimroq narsa mening ahmoq qilinganim edi. Jemrening koʻzyoshlarining oʻrnini chinqiriqli tovushi egalladi va u shu yoʻsinda qabr bilan gaplashishni boshladi.

"Axir nima uchun? Nima sababdan meni yolg'iz tashlab ketding? Albatta, sen uchun bu muammo emas. Sen u yerda xotirjam uxlayapsan, azobini esa men chekyapman. Tushlarimga kirasan, men seni tutolmayman. Buning beradigan ogʻrigʻini hech kimga izohlab berolmayman. Hech kimga aytolmayman. Seni unutolmayman. Ammo sen boʻlmagan hayotga allaqachon koʻnikishimkerakekan, men seningeng mayda belgilaring ni ham unutolmayapman! Qanday qilib seni bunchalar sevishim mumkin? Hayotimda yoʻqsan, biroq men oʻzimni sensiz tasavvur qilolmayman. Uni sevishga urinyapman. ammo eplolmayapman. Mensizlikka sira koʻnolmagan insonning, menga atab olgan moychechaklarini xuddi avvallari sen menga keltirgandek, endi men senga keltirayapman. Unga qilayotgan bu nohaqligimning badalini qanday to'layman, bilmayman. Sevaman deb oʻylagandim, bu yarani u bilan birga davolayman deb o'ylagandim, lekin undan ham battar dardga giriftor boʻldim. Balki meni chin dildan sevgan insonning uvoliga qolarman. Agar sen ketmaganingda bularning hech biri yuz bermasdi. Men ham boshqasini sevishga urinmasdim. Shu boisdan sendan biroz xafaman. Biroq joyingda tinch



yot. Senga boʻlgan sevgimni qayerga borsam ham, kim bilan birga boʻlsam ham, qalbimda asrayman..."

Jemre bu soʻzlarni qichqirib soʻzlar ekan, koʻz yoshlarim yanoqlarimni yuvdi. U meni koʻrdi. Koʻzimiz koʻzimizga tushdi. Koʻrdi-yu qotib qoldi. Hech kutilmaganda koʻzimiz koʻzimizga tushgandi.

Qoʻngan shohidan endi uchib ketaman deganida ovchining toʻriga tushgan nozik bir kabutar kabi ojiz va chorasiz edi. Va biroz uyalgan... Jim turdik. Daraxtlar jim turdi. Qabr toshlari jim turdi. Moychechaklar jim turdi. Eng koʻp men jim turdim. Goʻyo barcha tomirlarim gapirmaslikka qasam ichgandek jim turdim. Bir moychechaklarga, bir unga qaradim. Keyin esa ularni oʻsha joyda yolgʻiz qoldirib, sukutda, xayollari chilparchin boʻlgan va sevganiga pushaymon boʻlgan bir suratda uyga qaytdim. Yomgʻirli bir chorshanba kunida uchratgan sevgilimdan boshqa chorshanba kuni voz kechdim...

"Men bunga arziydigan nima qildim?" deya oʻzimga savol berar va oʻzimni yigʻidan toʻxtatolmasdim. Telefonim jiringladi. Qarasam, u ekan. Koʻtardim, lekin gapirmadim. U yigʻlagancha gap boshladi: "Men unga ham, senga ham, oʻzimga ham, ishqqa nisbatan ham nohaqlik qildim. Qaytib aslo yoʻlingdan chiqmayman", dedi. Mendan nimalardir deyishimni kutdi. Sukutimni buzmaganimdan soʻng goʻshakni qoʻydi. "Ketma", deyolmadim. Ichimdan bir narsalar nurab tushar ekan, "ketma" deyolmasdim.

Ayni damda menga Izmirdan joʻnatgan e-mail xabarini oʻqiyapman. Otasining muolajasini ammasining qistovi bilan Izmirda davom ettiradigan boʻlishibdi



va shoshilinch tarzda u yerga joʻnashibdi. Izmirda imkoniyatlar koʻproq ekan, ammasi shunday debdi. U xuddi oramizda boʻlgan narsalarni darrov unutgandek edi.

Yana kimnidir sevishning badalini bir oʻzim eng ogʻir shaklda toʻlashim kerak edi. Va yana shunga amin boʻldimki, bizning hikoyamizda baxtli yakun uchun oʻrin yoʻq edi.

Yonimdaligini his qilganimda chindan ham sevadi deb oʻyladim. Vaholanki, bir oʻlik bilan aldanibman. Ahmoq qilinibman! Yaraga darmon sifatida foydalanilibman. Inson deyishga ham tilim bormaydi, ammo sobiq sevgilisini unutolmagan bir insonni sevibman. Notoʻgʻri insonga ishonibman. Aslida, qanchalik haq ekan Emre Aydin "Bilaman, aslida birov birovni haqiqatan ham sevmaydi", deya taʻkidlar ekan...

Endi tushunayapman nega meni oʻzligimdan ayirib, boshqa qolipga solishga uringaningni. Endi tushunayapman, nega meni oʻzgartirishga harakat qilganingni. Endi tushunayapman nega meni har doim sohil boʻyiga chaqirganingni. Endi tushunayapman nega meni Gʻalata qalʻasiga olib borganingni. Sen oʻlgan insonni mening qiyofamda yashatishga urinib, menga bu razillikni ravo koʻradiganchalik shafqatsiz ekansan.

Men seni hech qanday manfaatsiz, sababsiz, ayblashlarsiz sevdim! Men seni hech narsaga qaramay, shu iflosliklarning ichida ham top-toza sevdim! Sen oʻlgan odamni yashatishga urinib, yashayotgan insonni oʻldirding! Sen meni tiriklayin yerga koʻmding! Men bilanligingda uni har kuni yashatib, meni har kuni



oʻldirgan ekansan. Men bu razilliginga arziydigan nima qilgandim senga? Bu savolning javobi senga asoslarsiz ishonganimmi? Men senga ishondim! Ammo hayotimning eng katta xatosini senga ishonib va seni sevib qilgan ekanman. Hech qanday toʻsiqlarga qaramay sevishimga arziysan deb oʻylagandim, yanglishgan ekanman. Oʻzimni koʻrib turib olovga tashlabman-a? Ahmoqman! Mening koʻzlarimning tub-tubiga boqib turib, uvolimga qolding. Sening ham uvolingga qolishsin.

Senga soʻnggi soʻzim: boshimga solganlaring boshingga tushmagunicha oʻlma...



G'alata qal'asidan uzr so'rayman

Oʻlgan sevgilisi bilan avval borgan joylariga men bilan borgan, sobiq sevgilisini erkalagan soʻzlari bilan meni ham erkalagan bir qizni sevibman. Insonlardan yarasiga darmon sifatida foydalanadigan bir insonga ishonibman. Bunga arzimas ekan, keyin bildim.

Men ham Gʻalata qalʻasiga oshiq edim. Toki Jemrening oʻlgan sevgilisi bilan Gʻalata qalʻasida tanishganini va birgalikda Gʻalata qalʻasiga chiqishganini bilgunimgacha... Bu haqiqatni bilganimdan keyin Gʻalata qalʻasidan nafratlandim. Uzoq muddat na nomini tilga oldim, na u bor koʻchaga kirdim. Ammo biroz muddat oʻtib, tushundimki, u bunga loyiq emas. Men oshigʻi boʻlgan Gʻalata qalʻasiga ortimni oʻgirishimga u munosib emas. Chunki u bunga noloyiq va arzimaydigan bir inson edi. Nomunosib insonni deya bir muddat gʻazabimga yengilib, nafrat hissim qoʻzgʻagani uchun Gʻalata qalʻasidan uzr soʻrayman.

Gʻalata qalʻasiga oshiq boʻlmaydilar, Gʻalata qalʻasi shusiz ham Ishq timsolidir.

Mirach Chagʻri Oqtosh

Sadoqat va vafo nimaligini bilmaganlarga sevish taʻqiqlansin.



To'siqlarga qaramay sevdik



Oshiq insonning bahonasi bo'lmaydi

Agar bir insonning qalbida seni sevish uchun mittigina xohish bo'lsa, u sening finjonni qanday ushlashingga ham oshiq bo'la oladi. Hatto tishning kovagiga ham sigʻmaydigan bahonalar topib, sevishdan qochayotgan insonning harakatlari bo'lgan senga tuygʻularining tugaganini bildiradi. Oʻrtadagi masofalarni toʻsiq bilib va boshqa mayda narsalarni asos qilib koʻsatgan holda, seni sevishdan va sen bilan birga boʻlishdan qochgan inson uchun bir tukingni ham qimirlatma. O'zingni bekorga ovora qilma. Chunki bunday turdagi insondan na senga yoʻldosh chiqadi va na yor chiqadi. Chiqsa yo dard chiqadi yo yara chiqadi. Sevadigan inson sen bilan chindan ham birga bo'lish niyatida bo'lsa, uning yo'lini hech narsa to'solmaydi. Senga haqiqatan ham ko'ngil qo'ygan inson oʻzini sensiz tasavvur qilolmaydi. Behudaga chiranma, sevishning o'rniga bahonalar to'qigan insonlarning qalbi ishq uchun torlik qiladi.

> Oʻzingni ovora qilma, qalbi yoʻq odam ishqni tushunmaydi.



Oʻrtadagi masofalarni toʻsiq bilgan insonning sevgisidan yaxshilik chiqmaydi

Menga oʻrtadagi masofalarni bahona qilma. Umr yoʻldoshi oʻlganiga necha yillar boʻlsa ham, hanuz uni sevib, sodiq yashayotgan qanchadan qancha insonlar bor. Qora tuproq bilan qorishgan insonni hamon ilk kundagi kabi qalbida yashatayotgan insonlar bor. Aslida, masofa deganing sening qalbingda. Asl masofa – oʻzingsan. Menga nafasimchalik yaqin boʻlib turib, olislikni tanlagan oʻzingsan. Bizning baxtli boʻlmasligimiz uchun, birga boʻlmasligimiz uchun qoʻlingdan kelganini qilgan oʻzingsan.

Sening masofa deganing bor-yoʻgʻi bir qogʻoz parchasi edi va hamma narsa birgina chiptaga bogʻliq edi, hamma narsa birgina chiptachalik yaqin edi. Biroq sen buni bir davlat muammosi kabi kattalashtirdingki, masofalarni roʻkach qilib, buni oʻzingga bahona qilib olding. Shunga qaramay men barcha chiptalarimni sen uchun oldim. Senga olib boradigan yoʻllar uchun oldim. Aslida sira mavjud boʻlmagan "biz" uchun oldim. Meni sevmagan sen uchun oldim. Mendan tashqari hamma narsa va har kimga qiziqadigan, ammo menga kelganda har gal koʻrmaslikka oladigan sen uchun oldim! Senga yetaklaydigan har bir qadamimda oʻz jonimga oʻt qaladim. Asli oshiqlik bu edi, jonim azoblansa ham aslo orqaga qadam bosmadim.

Bir inson yuragi urishdan toʻxtaganida emas, bir qalbda azasi ochilganida oʻladi.



Men har on sen tomonga...

Mening qalbimdagi senga oid sevgining goʻzalligi bilan, sening oʻsha sevgini his qilmasligingning badbaxtligi ajal bilan olishadi.

"Oz narsa bilan qanoatlanmaydigan odam, koʻp narsaga erisholmaydi", deyishadi, ammo men oz ham deb boʻlmaydigan sening yoʻqliging bilan qanoatlandim.

Sen mening qilgan ishlarimni shunchaki orqaga suyanib, beparvolarcha tomosha qilding. Sendagi qanday vijdon boʻldiki, sen uchun dard chekib, adoyi tamom bo'lganimni ko'rib turib, hech narsani his qilmading. Chunki yuraging toshga aylangan. Sen hayotimning butun borlig'i ekansan, men sening hayotingda nuqtachalik qiymatga ega emasdim. Ehtimol aynan shuning uchun meni sevmagandirsan. Biroq shuni bilib qoʻyishingni istardim men, meni sevib qolishi uchun hech kim bilan bunchalik andarmon boʻlmadim. Kimgadir tuygan sevgim uchun bunchalik ahamiyat bermadim. "U bunga arziydi", degandim, adashibman. Arzimas ekansan. Seni shu qadar sarhadsiz sevganmanki, shuncha harakatimga qaramay sen uchun bir nuqtachalik ahamiyatsiz boʻlsam ham, meni sevmasliginga qaramay, men uchun butun borliqsan! Men senda yoʻq ekanman, sen mening qalbimdan zarracha ham kamaymading.

Men seni hammadan koʻproq sevgan odamman, sen meni bir lahza ham sevmagan insonsan. Seni sevishni boshlagan ondan tugab bordim. Sen tomondan sariq



chaqaga chiqarildim. Sensiz edim. Yolgʻiz edim. Chorasiz edim. Ammo baribir senga oshiq edim. Bu ogʻriqni har kuni qon-qonimgacha his qilsam ham, voz kechmadim. Men har doim senga keldim. Hech qachon meniki boʻlmagan senga! U uchun zarracha qadrim yoʻq holda, menda sira tugashni bilmagan senga! Bormanmi, yoʻqmanmi ahamiyat ham bermagan senga! Sevgim bilan qiziqmagan senga!

Har on senga... Har on dardga... Har on ishqqa...

Boshi berkligini bilsam ham, baribir oʻsha koʻchaga kiradiganchalik seni sevgandim. Meni unut, buni unutma...



Ota mehrini koʻrmaganlarga...

Ota mehri nimaligini bilmagan, his qilmagan, ayniqsa, bayramlarda, tugʻilgan kunlarda va yana boshqa muhim kunlarda bunday mehrdan mahrum bo'lgan bir insonni hech narsaning yoʻqligi bilan qoʻrqitolmaysiz. Chunki u yarim boʻlib qolishni, tark etilishni va qaygʻuning eng tubini koʻrib boʻlgan. Qolgan narsalardan mosuvo boʻlish uni choʻchitmaydi. Vaholanki, u koʻnikishi kerak bo'lgan eng og'ir narsaga ko'nikib bo'lgan. Endi uni nima bilan ham qo'rqita olardingiz? Nimaning yo'qligi bilan ham sinay olardingiz? U yolgʻizlik nima ekanligini yaxshi biladi. Men ham bu dardning bir bo'lagi bo'lganligim uchun bu dardning nimaligini yaxshi bilaman. Mening ham qadrlagan insonlarim bor edi, sevgan insonlarim bor edi. Bergan qadrimga munosib qadr topmaganimda yoki sevilmaganimni his qilganimda hech qachon bunga hayron bo'lmadim. Anduhga tanish bo'lganligim uchun meni bu turdagi sinovlar ko'pam qiynamadi. Har doim "Shusiz ham otamiz bizning qalbimizda ulkan bo'shliq ochib ketgan, boshqalar toʻldirishini kutish kulgili boʻladi", deya bu vaziyatdan chiqib ketardim. Ota mehrini koʻrmay ulg'aygan inson kuchli bo'ladi. Har qanday dardning oʻtkazmoqchi boʻlgan bosimi uni yengolmaydi.

Oʻsha mehrsizlik bilan koʻngli yarimlilik birlashib, u insonni himoya qilish uchun juda mustahkam bir qalqonga aylangan va hech qanday tarzda, hech narsaning yoʻqligini unga yaqin yoʻlatmaydi. Qolaversa, himoya qilishning eng goʻzal shaklini oʻsha insonlarda koʻrasiz. Chunki himoya



qilinganligini his qilmaganligi uchun bu tuygʻuning yoʻqligini ular yaxshi biladi va sevgan insonlarini mahkam bagʻrilariga bosib, ularni juda chiroyli shaklda himoya qiladi. Ota mehrini koʻrmay oʻsgan insonning qalbi sevgi va muruvvat tuygʻulariga boydir. Ota mehridan mosuvo boʻlgan bir insonning qalbi, sevgining yoʻqligini yaxshi his qilgani uchun koʻngil qoʻygan insonini juda qattiq sevadi.

Bunday insonlarga tez-tez duch kelishingiz mumkin. Chunki farzandining boshiga ogʻir kunlarni solgan, sogʻinch va armonda qoldirib ketgan otalarning soni talaygina...

> Qalbimdagi otam ochib ketgan boʻshliqni sen toʻldirmoqchimiding? Qoʻysangchi...



Baxtli yakunlar biz uchun juda yiroq

Birovning baxtiga koʻz olaytirgan joyimiz yoʻq. Kimnidir sevilganini koʻrib, havasga berilganlardan ham emasmiz. Chunki biz yolgʻizlik bilan bir butunlashdik. Vaqtida biz ham juda sevgandik. Ayrimlarga bor mehr va e'tiborimizni bergandik. Ammo shunga qaramay, na birov tomonidan sevildik va na kimnidir hayotida yoʻqotishdan qoʻrqadigan insoni boʻla oldik. Biz bor-yoʻgʻi jonimizni bergudek sevgan insonlarimiz tomonidan sariq chaqaga ham olinmaydiganlardan edik va eng koʻp yoʻqotganlardan edik. Shu vaqtdan boshlab, baxtli boʻlish uchun astoydil harakat qilmay qoʻydik. Chunki baxtli yakunlar biz uchun yiroq. Juda yiroq... Va biz ikki qadam ham tashlolmaydigan darajada horidik. Sevib-sevilganlar, visolga erishganlar va haqiqiy ishq nimaligini qon-qonigacha his qilganlar gashtini surishda davom etishsin. ushbu baxtning Qolganlar bizga tegishmasin! Hech qaysingizning volg'on sevgingizdan bizga foyda yoʻq, loaqal zararingiz tegmasin, kifova.

> Ishonch tuygʻuyimni yoʻqotishimda Ishongan insonlarimning xizmati katta.



Sevilmasang, sevma

Ehtimol har nedan ortiq sevib, o'zing sevilmagandirsan. Bor mehr va e'tiboringni berib, oxiri oʻzingni yer yuzidagi eng qadrsiz insondek his gilgan boʻlishing mumkin. Balki yarim yoʻlda tashlab ketilganlardandirsan? Bularning qaysinidir boshingdan o'tkazganingni yaxshi bilaman. Ammo sen ham meni tushun, bu boshingga solinganlarning badalini qarshingdan chiqqan toza qalbli insonlarga toʻlatmasliging lozim. Bundan avval aldanganman deya buning hisobini qolgan insonlardan soʻrashga haqqing yoʻq. Hayotingni ostin-ustun gilib, keyin tashlab ketgan bir vijdonsizni deb, yuzingni gul-gul yashnatadigan bir insondan oʻchingni olishga haqli emassan. Yoʻqsa seni oʻsha nomussiz insonlardan qanday farqing bo'ladi? To'g'ri, yana o'tgan kunlardagi azobni cho'chishingda jon bor, lekin hammaga bir tortishdan koʻz bilan qarashing notoʻgʻri. Koʻngling singani boshqaning ham dilini sindirmasliging kerak. Agar yaralanganing uchun kimnidir yaralaydigan bo'lsang, sening ulardan zigʻircha ham farqing qolmaydi, bunga yoʻl qoʻyma. Yaralandingmi? Yaralama! Aldandingmi? Aldama! Sevilmadingmi? Sevma! Bu sen aytayotgandek oson ish emas deysanmi? Agar xohlasang, juda oson ish. Seni sevmagan, qadrlamagan insonning yonida qolmaysan, vassallom! Unutildingmi? Seni unutganga sen ham barcha eshiklaringni yopasan. Seni koʻrmaganga oladiganga koʻr, seni eshitmaganga oladiganga kar bo'lasan, tamom.

Ishq oʻzining azobini totishga davʻat qiladi, agar shunga arzisa, tot.



Agar ketar boʻlsang, kelma

Quloq sol, men o'ta ta'sirchan bir insonman. Burjim baliqemas, lekin mengaboshida katta e'tibor qaratib, keyin birpasda qoʻl siltab ketadigan boʻlsang, oʻtirib, yosh bolaga oʻxshab yigʻlayman. Menga sevaman deb turib, ammo bunl his qildirmasang, tunlari uygum qochadi. Chunki men hech gachon birovning tuygʻulari bilan oʻynashmayman. Kimningdir uvoliga qolishni istamayman. Agar ketish uchun keladigan bo'lsang, yaxshisi kelma. Chunki ketar bo'lsang bardosh qilolmayman. Ikki kun o'tib unutadi deb o'ylama, modomiki men senga o'rgangan ekanman. unutolmayman. Atrofingga bir qara. Hamma qachondir ketish uchun bir-birining hayotiga kiradi. Ammo sen ketma. Ketar bo'lsang, kelma! Sen hammaga o'xshama. O'zingni mendan mahrum etma. Menga sevishingni aytib, ikki kundan keyin goʻyib boʻladigan boʻlsang, meni bunday sevma. Zero men shu hayotimdan mamnunman.

> Ketish uchun keladigan boʻlsang, ovora boʻlma. Buning uchun qalbimda joy yoʻq.



Biz tugadik

Meni nega sevmading deya endi seni savolga meni sevmaganing toʻgʻrisidagi Chunki uitmayman. myollarga berilolmaydigan darjada horg'inman. Agar wagan bo'lsang ancha vaqtdan buyon senga sevgimni Whor gilmayapman. Ayni damda hamma narsadan shu qudar qattiq charchadimki, hatto biron bir narsalarni izga solish uchun harakat ham qilganim yoʻq. Harakat qilgan taqdirimda ham bir narsalarning sira oʻzgarmasligini vaxshi bilaman. Endilikda hech kim mening yonibarzimasligini kuyishimga tushunayapman. Senga keladigan bo'lsak, bunchalik qattiq ko'ngil qo'yganim hammani shunday sevar ekan degan o'yni miyangga keltirmasin. Bu sevgi faqat senga qaratilgan edi. Ammo oxir-oqibat sen tomondan sariq chaqaga sotildi. Shuni qoʻyishingni istardim, men birovni hayotimga osonlikcha kiritadiganlardan emasman. Ammo seni toza sevdim. Yangi tugʻilgan goʻdakning isi kabi begunoh va sof, Ilk bor suvga tushgan qayiqning suzib borishni istagan sohili singari chorasiz va yolg'iz... Biroq endi bularning ahamiyati yoʻq. Maʻlum boʻlgan yagona narsa shuki, endi bu soʻzlarimning va bizga tegishli nima boʻlsa hech birining ahamiyati qolmagani. Shunday soʻldirdingki, yuragimda sen deb ochilgan moychechaklarni, endi hech qanday tashrifing yashnatolmaydi.

Endi ishq bizni yoʻqlab kelmaydi. Chunki biz ustiga beton quyilgan tuproqning ostida qolgan va endi sira ochilmaydigan ikki dona moychechak urugʻlarimiz...



Sen vijdonsizlikning inson qiyofasidagi koʻrinishisan

O'n birinchi noyabr shanba kuni Istanbul kitob yarmarkasida men tashkillashtirgan taqdimot marosimiga kelgan o'quvchilarning kitoblariga dastxat qo'yayotib, navbatda turgan odamlarning ichida koʻzim tuygus unga tushdi. Yuzlab insonlar orasidan yana uni payqagandim. Turgan joyimda tosh qotdim. Koʻzim tushgan qiz Zumro edi. Menga shunday tuyilyaptimi yo bu rostdan ham oʻshami deya u turgan tomonga bot-bot nazar soldim. Ha, men koʻrgan inson aynan u edi. Sochlarini juda kalta qilib kestirganiga qaramay uni tanigandim. Bu haqida hech kimga aytolmadim. O'sha ondagi hayratimni va azobimni birovga sezdirmay, hech kimga hech narsa demay, xuddi hech narsa bo'lmagandek ishimda davom etdim. U men tomon yaqinlashgan sari ichimdagi hayajon va sarosima yanada ortdi. Bu shunday bir ilojsizlik ediki, buni ta'riflab boʻlmasdi. Men tomon yana biroz yaqinlashganida yonida begona bir yigit borligini koʻrdim. Keyin bir Zumroga, bir oʻsha yigitga razm soldim. Koʻrinishidan ular sevishganlar edi. Ammo yonidagi yigitning o'zini tutishidan hech narsadan xabari yoʻqligi koʻrinib turardi. O'sha damda ichimdagi tovush "Bunchalar bo'lishing mumkin emas!" deya hayqirardi. O'sha kuni bir Zumroning navbatda turganiga, bir meni yonimga boshqa bir yigit bilan kelganiga hayratlangandim. Ustiga-ustak uning ustida tanish yopinchig'i bor edi. Buni ataylab qilgani ma'lum edi. Navbat ularga kelganida oyoq-



qoʻlim boʻshashdi. Ular men tomonga yaqinlashishdi. Ilk diqqatimni tortgan narsa uning iforining oʻzgargani boʻldi. "Xoʻsh, bizga ham beradigan moychechaging bordir?" dedi beadab yuz ifodasi bilan tabassum qilgancha, stolim ustidagi moychechaklarga ishora qildi.

Men ham "Bizda moychechaklar munosiblarga tortiq qilinadi" dedim. "Menga sevaman dema, men bilan turmush qur" degan kitobimni oldimga qoʻydi va "Ulkan muhabbat bilan Zumrodan Jan uchun..." deya dastxat qo'yib berolasanmi, dedi. O'sha damda bir kitobga, bir Zumroga, bir Janning hech narsadan bexabar yuziga boqdim. Afsuski, dastxat qoʻyishga majbur bo'ldim. Boshqa hech narsa deyolmadim. Kitobga dastxat yozib boʻlganimdan keyin stolning ustida turgan moychechaklardan ikki donasini oldi va birini kulgancha Janga uzatdi. Ular ketganidan soʻng, men ham bir-ikki daqiqaga ijozat soʻrab, gavjumlikdan tashqariga chiqdim. Hojatxonaga kirib, eshigini qulflagancha o'sha yerda nafasim bo'g'ilib qolguncha yig'ladim. Birov eshitmasin deb sassiz yigʻladim. Mening qalbimni shu tarzda sindirib, shu tarzda yoqib, shu tarzda azoblab, boshqa bir jonga hayot beradigan darajada shafqatsiz insonni deb o'sha kuni oʻzimni shu qadar nochor his qil dim. Keyin esa yuzqo'limni yuvib, xuddi hech narsa bo'lmagandek o'sha kunga yakun yasadim. U o'sha kuni meni azoblash uchun, yaralash uchun, yerga urish uchun qo'lidan kelganini gilgandi. Oradan shuncha vaqt o'tib, qarshimdan nega bu yoʻsinda chiqqaniga tushunolmasdim. Zumroni sevib yurgan vaqtlarim Merich degan yigit mening o'rnimni



egallagani uchun gʻazablanib yurardim. Ammo endi bilsam bekorga gʻazablangan ekanman. Nomussizlik bu qizning qonida bor ekan. Hozirgi sevgilisidan ham qandaydir maqsadda foydalanayotgan edi, lekin yigit shoʻrlikning bundan xabari yoʻq edi.

Bilasiz, ayrim insonlar bor insonlarning tuygʻulari bilan oʻynashdan, ularni azoblashdan, chilparchin qilishdan va yaralashdan huzurlanishadi. Sindirgan qalbining ohidan, puchga chiqargan har xayolining oʻlimidan zavqlanishadi. Ana oʻsha insonlardan biri Zumro edi. Uni tanigan kunimga laʻnatlar yogʻdirdi. Ammo hammaga Xudo bor. Bir kuni qilgan ishlarining badalini toʻlashadi.

Bir kuni oʻzing kabilarga yoʻliqishingni tilab qolaman...



O'limni sira xushlamadim

Ma'lumki, hammamiz bir kun kelib oʻlimni tatib koʻramiz, ammo men bu jarayonni sira xushlamayman. Odamni sevgan insonlaridan judo qiladigan, bagʻridan yulib oladigan va ogʻir sukunatni yuzaga keltiradigan oʻlimni sira xushlolmadim. Ayniqsa, hayotiga nuqta qoʻyilgan yosh bolalarning oʻlimiga sira rozi boʻlolmadim. Hali bolalik davrini surib ulgurmagan, bahor kelganida qoʻshnilarning eshigiga boychechak aytib borolmagan, maktabga borib, alifboni oʻrganolmagan bolalarning yoqasiga yopishadigan oʻlimni sira hazm qilolmadim. Ayniqsa, eng avval begunoh va ma'sum insonlarni olib ketadigan oʻlimni sira xushlamadim. Va hammasidan ham bizga Allohning omonati boʻlgan ayollarga yopishgan oʻlim balosini sira qabul qilolmadim.

Hayot ekanligiga qaramay men uchun bir oʻlikdan farqi boʻlmagan, hatto ota deyishimga ham arzimaydigan bir insonning bizni nochor holimizda tashlab ketganini qabul qilolmadim. Ota degan odamining mehrini bir kun ham his qilmagan insonlarning olgan jarohatlarini qabul qilolmadim. Koʻchalarda dir-dir titragan qarovsiz hayvonlarning nochorligini qabul qilolmadim. Qoʻshnisi ochlikdan oʻlar holda ekan, oʻzi toʻq uxlaganlarni qabul qilolmadim. Baham koʻrmaydiganlarni qabul qilolmadim. Aslini olganda men koʻp narsani qabul qilolmadim. Hayotdan boshqa. Hayotni va hayotga doir narsalarni baham koʻrishni biladiganlardan boshqa.

Hayot qisqa. Qushlar parvoz qilar ekan, sev meni...



Baʻzi bir voz kechishlar chorasizlikdan vujudga keladi

Hammadan ham koʻra senga ehtiyojim bor paytlarda boshqalarning yaralariga malham boʻlganing uchun seni kechirmayman. Sening barmogʻingga zirapcha kirsa mening jonim ogʻrirdi. Darding - dardim, baxting - baxtim edi. Ammo endi men juda charchadim. Meni hammasidan ham ko'ra nima charchatganini bilasanmi? Sendan kutadigan e'tiborimning yo'qligi meni ezishi... Senga bogʻlagan umidlarimning ostida qolgan vaqtlarimda menga bir bor bo'lsa-da, qo'l cho'zmaganing... Eng ko'p sen bilan birgaligimda tinchlanishim kerak boʻlgan holda. eng koʻp sen bilan birgaligimda charchashim... Baxt va halovat tuygʻularini sendan tuyishim kerak holda, eng ogʻir azoblarni sendan totishlarim... Meni senga tegishli nima bo'lsa, hammasi charchatdi... Qolganini o'zing tushun. Senga nisbatan his qilgan sevgimga bo'lgan hurmatimdan juda ajoyib tarzda foydalanding. Bizni yarim goldirib, oʻzgalar bilan qanoatlanding. Bundan keyin shularning beradigan vijdon azobi bilan yasha. Bu dard senga yetib ortadi. Allohga omonatsan...

Uni kipriklarigacha oʻzimniki qilgandim. U esa u uchun bir tukini ham qimirlatmagan kas tomon ketdi.



Yolgʻizlikni bagʻringga bos

Hozirgi davrda kimning yuragi kim uchun urayotgani noma'lum. Biz shunday bir zamonga duch kelib goldik. Xuddi hamma eng toza tuygʻularini boshqalar uchun sarf qilgan-u, menga hech narsa qolmagandek his qilaman. "Nonni katta tishlasang ham, gapni katta gapirma!" devishadi-ku, men na nonni katta tishlaydigan va na gapni katta gapiradiganlardan emasman. Shunchaki men endi hech qanday tarzda sevilishga umid qilmayman. Chunki insonlar allagachon sevgining, ishonchning, sadoqatning, durustlikning va eng asosiysi vijdonning boshiga yetishgan. Hozir hamma bir-birini jarohatlaydi, aldaydi, tashlab ketadi. Bunday davrda eng maqbuli yolg'izlik bilan ovunish deb o'ylayman. Oddiy insonlar kabi har suv berganga chechak ochishning oʻrniga yoki suv tutgandan yordam kutishdan koʻra suvsiz qurib, yoʻq boʻlishni afzal koʻraman.

Har suv berganga chechak ochishdan koʻra, yolgʻizlikdan qurib, bitganim yaxshiroq.



Sizlar so'qirsiz

Zotan siz gayerda bir yuraksiz, his-tuygʻusiz, qadrlamaydigan, aksincha, siz muhabbatingizni sevganingiz sari boshingizga chiqishni koʻzlaydigan odam bo'lsa, o'shalarni topib, sevasiz. O'zingizni juda aqlliman deb oʻylaganingiz uchun nozik tushunchalarga va nozik qalbga ega boʻlgan kishilarni koʻzingiz koʻrmaydi. Chunki siz chindan sevgan insonning muhabbatini koʻrolmaydigan darajada koʻrsiz! Siz bergan muhabbatingizni oyoqosti qilib ketganlarni deb chindan sevadigan insonlardan oʻchingizni olasiz. Xuddi oʻzingiz ishonchli bir odamdek, sizni sevgan insonlarga "Men hech kimga ishonmayman!" deysiz. Ayni shu asnoda siz sevgan toshyurak insonlarni bilmadim, sizni nechinchi bor aldayotganini bilishingizga qaramay, yana ularni kechirasiz va qayta ishonch bildirasiz. Sizni chindan ham sevgan insonlarga agar shu imkonni berganingizda ular sizni gul-gul yashnatardi, ammo siz buni koʻrolmaysiz. Aniqrogʻi koʻrishni istamaysiz. Aldaganni, xiyonat qilganni qayta-qayta kechirasiz. Sizni chindan sevganga parvo qilmaysiz. Sizni benuqson sevib, sevgingizga ega chiqadigan insonlarni koʻrolmaydigan darajada koʻr, oʻsha insonlarning hislarini ahamiyatga olmaydigan darajada qalbsizsiz!

Sof qalblarni yolgʻon sevgingiz bilan iflos qildingiz. Endi boʻlsa toza qalblilarning orzusidasiz, ammo uzoq kutasiz.

Mirach Chagʻri Oqtosh

Yanglish insonlarni deb siz qalbini sindirgan durust insonlarning ohi yoqangizni bir umr qoʻyib yubormasin.



Toʻsiqlarga qaramay sevdik



Uzr soʻraydigan ishlar qilishning oʻrniga, meni bagʻringga bosish uchun shoshil!

Uzr soʻraganingiz bilan siz sindirgan qalb avvalgi qaytib qolmaydi. Uzr so'rashni fazilat deb hisoblab, insonlarni ikki qadam ham tashlolmaydigan ahvolga solmang. Uzr soʻrash ajoyib xislat emas. Bir insonning dilini ogʻritib qoʻygandan keyin uzr soʻrab, kerilib yurmang. Zero eng ahamiyatlisi, avval ranjitib, keyin kechirim soʻrash emas. Eng muhimi nima ekanligini bilasizmi? Inson oʻzini uzr soʻraydigan holatgacha olib bormasligi. Toʻgʻri, hamma inson ham xato qiladi, buni sira inkor qilmayman. Farqli tomoni shundaki, siz qoʻlingizda turgan stakanni bilib turib yerga tashlab, keyin oʻsha siniq stakandan suv ichishga harakat qilyapsiz. Soʻngra oʻsha stakandan uzr soʻrayapsiz. Ammo sindirib boʻlgandan keyin so'ragan kechirimingiz hech narsaga yaramaydi. Menga qalbimni sindirishlariga oʻrganib kelsak. ketganman. Ehtimol sizga gʻalati tuyilishi mumkindir, lekin mening galbimni sindirishganida emas, eng koʻp biror inson mendan uzr soʻraganida dilim ogʻriydi. Insonlarning qalbini ogʻritib, keyin hech narsa boʻlmagandek uzr so'ramoq qarshingizdagi insonning yarador qalbiga zarracha ham malham boʻlmaydi.

Mendan kechirim soʻrama! Oʻzingni mendan uzr soʻraydigan holatgacha olib kelma. Shu ikkimizga ham yetadi.



Mening koʻzim har on senga boqadi

Bekorga ovora boʻlma, men oʻzimning feʻlimni Juda yaxshi bilaman. Bu yosh boladek oʻjar qalbimga sira gap uqtirolmayman. Bilasan, u juda quloqsiz. Seni hech narsaga qaramay sevishda davom etadi.

Bekorga ovora boʻlma, sendan uzoqlashish uchun bosgan har qadamim meni sening qarshingdan chiqaradi. Yuragim qon aylantirishdan tashqari bir sen uchun uradi.

Bekorga ovora boʻlma, senga va ikkimizga tegishli boʻlgan hamma narsani unutish uchun qilgan har bir harakatim meni sening hayotingning qoq markaziga olib borib qoʻyadi.

Sen qoldirgan jarohatlarni silash uchun qoʻlini uzatgan hamma jonimga yanada koʻproq azob beradi. Mayliga, bularning hech biri yuragimda sen nihoya yasashga urinayotgan sening yodingni zarracha ham oʻchirolmaydi. Soʻngan va qayta tiklanmaydigan tuygʻularimni tiklashga urinayotganlar vaziyatni battar chigallashtiradi. Meni battar charchatishadi. Chunki men seni baribir unutmayman... Unutolmayman...

Chunki ishq degani unutilishga nomunosib! Haqiqiy oshiqlikning sharti, dard zabtiga olganda ham qalbdagi ishqqa sodiq qolmoqdir.

Oʻzingni unuttirishning yoʻlida qilmagan ishing qolmadi. Biroq barcha urinishlaring behuda. Men kirgan har bir koʻchamda senga qanday duch keladigan boʻlsam, sen ham oʻzing nuqta qoʻyishni istayotgan shu ishqning ichidan oʻzingni topasan. Yonimga kel va meni eshit.



Bekorga ovora boʻlma! Meni ham oʻylamay qoʻyaqol. Oʻzim biror yoʻlini topaman. Sening sevging bilan tugʻilmadim, sensizlik bilan ham oʻlib qolmayman. Sen menda yashayotgan oʻzingni oʻldirishga urinsang-da, mening qalbim ikkimizni ham asrab-avaylaydi.

"Oʻzingga yaxshi qara", dema menga. Bilasan, men baribir oʻzimdan koʻp senga ishq-la qarayman...



Qoʻrquv tuygʻusi insonga xos

Har bir inson sevilishni istaydi. Shuningdek, sevilishni istashi bilan bir qatorda yana o'sha azoblarni boshdan kechirishdan qattiq qoʻrqadi. "Yana oʻsha hol takrorlansa-chi?" deydi. "Bu ham avvalgilariga o'xshagan bo'lsa-chi?" deydi. "Endi men qanday qilib birovga ishonaman, ishonchimni bu safar ham suiste'mol qilishsachi?" deb choʻchiydi. Sevib sevilmaslikdan, yana oʻzini sevgani uchun pushaymon boʻlgan oʻsha oʻtmishdagi kunlardan topishdan qoʻrqadi. Qadrsizlanishdan, yarim yoʻlda tashlab ketilishdan qoʻrqadi. Ammo bu qoʻrquvning insonga his qildiradigan xavotirini bir Allohning quli tushunmaydi. Hamma ham boshida sevaman, oʻlaman, sen uchun togʻni talqon qilaman, degan vaʻdalar bilan keladi. Keyin qarasang, oradan ikki kun ham o'tmay, ko'z o'ngingdan g'oyib bo'ladi. Eng yomoni esa qaytib hech kimni sevmasligimiz, ishonmasligimiz kerakligini, oʻzimizdagi borini fido qilgan insonlarimiz oʻrgatishadi. Ishonganlarimiz boʻlsa, har doimgidek adashmaydi.

Ayniqsa, inson halovat topishni istagan joyida bezovta boʻladi. Eng koʻp shu narsa hislarga ziyon vetkazadi.

Qancha koʻp sevsangiz, shuncha koʻp azoblanasiz. Sevilgan inson esa bundan faqat rohatlanadi.



Yuragingiz faqat bir insonni deb ursin

Hayotida birov boʻlishiga qaramay, koʻzi to'ymagan, begonalardan nigohini to'smagan, ochko'z va begonani koʻrsa qosh-koʻzi oʻynaydigan insonlardan jirkanganimchalik bu hayotda boshqa biron narsadan iirkanmadim. Bu narsa erkak yoki ayolga tegishli narsa emas. Bu insonning tabiatiga bogʻliq boʻlgan masala. Zero hayotida koʻngil qoʻygan insoni boʻla turib, koʻzi olma tergan odamning sevgisidan qanchalik manfaat bor? Qolaversa, oʻzimdan kelib chiqadigan boʻlsam, sevaman degan insonimga tegishli bo'lishni va u ham menga sodiq ekanligini his qilishning beradigan lazzat hamda baxtni atrofdagi hech kimga va hech narsaga alishmayman. Vaholanki, hozirgi zamonga kelib, faqatgina bir insonga sodiq bo'la olish san'at darajasiga chiqqan deb hisoblayman. Ammo ming afsuski, hamma inson ham "san'atkorlik" darajasiga ko'tarilolmaydi. Sevganiga sadoqatli bo'lish hammaning ham qo'lidan kelmaydi. Sevgisida sobit qolomaydi. Yo yarim yoʻlga yetmay tashlab ketadi yo xiyonat qiladi yoki boʻlmasa oxiri sevaman degan insonining la'natiga duchor bo'ladi. Yoki ham sevaman deydi, ham atrofdagilardan na koʻzini, na umidini uzadi.

Begonalarga koʻzlari koʻr boʻlib, faqat siz bilan kifoyalangan, atrofdagilarning tovushlarini eshitarga quloqlari kar boʻlib, birgina sizning ovozingizga mahtal boʻladigan, qisqasi sadoqatning timsoli boʻlgan insonlarga duchor boʻlishingizni tilayman...

Agar sevmoq san'at bo'ladigan bo'lsa, sen qalbimning eng go'zal asarisan.

Mirach Chagʻri Oqtosh

Qalbning qasami kimnidir sevib qolgunga qadardir.



Toʻsiqlarga qaramay sevdik



Mening qalbim soxta ishqlar uchun toʻq

Men seni sensiz ham seva olaman. Istasang, me ni oʻz holimga qoʻy, men seni sensiz qanday sevisli mumkinligini koʻrsataman. Agar iloji boʻlsa, sen meni sevma. Chunki ikki kundan keyin meni sevganingni minnat qilasan. Meni sevganingning yukini gardanimga ortasan va bu ham yetmagandek meni oʻsha holatda yolgʻiz tashlab ketasan. Qoʻyaver, men senga boʻlgan ishqim bilan sensiz ham baxtiyor bo'laman. Chunki sen menga o'zing bilan zarba berasan, undan koʻra men senga olislardan termulay. Koʻzlarimni yangidan ochgan har bir tongimda senga boʻlgan sevgimni yangilay. Yonimga bir kun boʻlsada kelma, hayotimda mavjud boʻlmasang ham, men senga bo'lgan ishqimni manguga saqlay. Qo'yib ber, men seni sendan soʻroqsiz, sendan iznsiz, sensiz, bizsiz sevay. Qoʻyib ber, bir insonga nisbatan qoʻyilgan muhabbatga u bo'lmasa ham sodiq qolish mumkinligini insonlarga koʻrsatib qoʻyay. Qoʻyib ber, sevgan insoni yonida boʻlmasa ham, yashash uchun ishqning oʻzi kifoya qilishini ularga isbotlab beray. Hozirgi davrda bir-birini ogʻizda sevib, bir tomon voz kechishi bilan narigi tomon ham darhol voz kechishini va koʻpchilikning tillarda doston sevgisi aslida, shu darajada omonat ekanligini ishqqa isbotlab beray.

Soʻnggi soʻz oʻrnida chin oshiqlarning qargʻishiga qolganlarga shivirlayman: "Yelkangizda koʻtarib yurgan bir qancha insonning la'nati bor ekan, boshqasi bilan baxtiyor boʻlolmaysiz..."

Seni sevishim uchun senga ehtiyojim yoʻq. Chunki endi qalbimda soxta munosabatlarga oʻrin toʻq.



Tirikligida qadrini bilmaganlaringiz uchun...

Antaliyaga joylashganimdan keyin qarshi tomondagi xonadonga Nasiba ismli bir xola koʻchib oʻtdi. Ilir muddat bu xolamning uni ham chiqmadi. Keyin esa koʻchish tashvishlari orqali bir-birimiz bilan tanishdik.

Nasiba xolam yolgʻiz oʻzi yashar, ushbu xonadonga ham bir oʻzi koʻchib kelgandi. Xuddi qolgan umrida birovga ehtiyoji yoʻqdek, barcha buyumlarini oʻzi tashib kirgizgan edi. Men ham bolaligimda berilgan tarbiyaga muvofiq tarzda hijolat tortgancha Nasiba xoladan nima uchun eshigimni taqillatmaganini soʻraganimda, "Qoʻyaver, oʻgʻlim. Men oʻzim epladim", degan qisqagina javobni oldim. Qoʻlidagi buyumlar eski boʻlishiga qaramay, uning uchun oʻzgacha qadri borligi koʻrinib turardi. Va nigohim tuyqusdan televizorning yonida turgan fotoramkaga tushdi. Ramkaning bir tomonida Nasiba xola va narigi tomonida esa notanish kishining surati bor edi.

Suratga tikilib qolganimni koʻrib, Nasiba xola biroz oʻz hikoyasidan gapirdi:

"Uni ilk bor koʻrganimda yoshim oʻn yettida edi. Tabiiyki, oʻsha paytlari shaharlarimiz hozirgidek rivojlanmagan edi. Biz oilam bilan qishloqda yashardik. Uni biz istiqomat qiladigan qishloqda uchratgandim. Men uni sevib qolgandim, oʻgʻlim. Uning yoshi menikidan biroz katta edi. Shu zaylda oradan ikki, uch yil oʻtdi. Bizning munosabatlarimizga otam rozi boʻlmadi. Qishloqning badavlat oilalaridan birining oʻgʻliga uzatish uchun oylab meni siquvga olishdi. Men esa yoqtirmagan insonim



bilan turmush qurib, hayotimni zaharlamoqchi emasdim. Biznikilarning menga oʻtkazayotgan bosimlariga munosib javob berdim. Biz Bahjot amaking bilan birga qochib ketdik. Yaʻni, shu yoʻl bilan turmush qurdik. Bir-birimizga atalgan sevgi va hurmat tuygʻulari yillar davomida goh unday, goh bunday oilamizni saqlab keldi Oilamni kechirgandim, lekin ularga nisbatan gina bilan yashadim. Ammo oʻzingdan qolar gap yoʻq, oiladan voz kechib boʻlmaydi. Bahjotning oʻlimi meni tamoman gangitib qoʻydi. Uning oʻlimidan keyin tushib qolgan boʻshligʻimdan oʻzimni chiqarolmadim.

Yoningda turgan stol bilan ikki oʻrindiq, bizning uyimizdagi suyukli goʻshamiz edi. Sen oʻtirgan divanda ozmuncha uxlamaganmiz. Sovutkichim, pardalarim, gilamim, kir yuvish mashinam, hatto birgalikda qahva ichgan finjonlarimizni ham oʻsha kundan buyon asrab kelaman. Ehtimol u oʻlgan boʻlishi mumkindir, qaro tuproqqa koʻmilgan boʻlishi mumkindir, ammo men unga boʻlgan muhabbatimni qalbimga koʻmib yubora olmayman. U mening har nafasimda yashaydi. Men uni koʻchib oʻtgan shu uyda ham yashataman. Goʻyo yonimdadek faraz qilaman. Chunki boshqa choram yoʻq. Hayot juda achchiq, Mirach oʻgʻlim. Hayotning bergan shu qisqa muddati ichida haqiqiy baxtni topganingdan nima foyda? Baribir bir kuni hammasi tugaydi. Bir umr birga umrguzaronlik qilgan boʻlsang ham oxiri yoningda faqat xotiralar qoladi..."

Oʻsha kuni Nasiba xolam bilan birgalikda koʻz yoshlarimizga egalik qilolmadik. Ochigʻini aytsam, oʻsha kuni goʻyo Nasiba xola oʻtmishdagi sevgan insonlarimni



va meni sevishini aytgan hammani qarshimga yigʻib keldi va ularga "Sizning sevgingizga tupuraman! Koʻrib qoʻying, sevgi degani mana shunaqa boʻladi!" degandek boʻldi.

Men o'sha suhbatdan keyin anchagacha o'zimga kelolmadim. Ammo Nasiba xola allaqachon bu dardga ko'ngan, qayerga borsa ham o'lgan turmush o'rtog'ini qalbida tirik holda koʻtarib yurardi. Xolaning bu hikoyasi menga bot-bot "Nahotki bunaqa muhabbat hali ham bor bo'lsa?" degan savolni berardi. Chindan ham Nasiba xolaning Bahjot amakiga nisbatan tuygan muhabbati meni gattig ta'sirlantirgan edi. Va o'sha onda hech kim tomonidan bu darajada sevilmasligimga yana bir bor amin bo'ldim. Amin bo'lganim sari azoblandim. Chunki hozirgi zamonning insonlari bir-birini bu darajada go'zal sevolmaydi. Goʻzal sevishni qoʻyib turing, umuman sevolmaydi. Sevmaydi. Chunki ularga bu qiyinchilik tug'diradi. O'lganidan keyin ham sevgan insoniga sodiq qolib, unga bo'lgan tuyg'ularini ichiga qamab, undan aslo voz kechmagan bir ayol edi Nasiba xola. Bir hozirgi zamonaning sevgisiga qarang, bir umr yoʻldoshi oʻlganiga qaramay, uni va unga bo'lgan muhabbatini shu ongacha tirik saqlashni uddalagan, hatto uyidagi buyumlarni ham u bilan birga ishlatganman deb oʻzgartirmagan, agar o'zgartirsam, unga xiyonat qilgan bo'laman, go'rida bezovta boʻladi deb oʻylaydigan darajada buyuk muhabbat bilan seva bilgan Nasiba xolaga qarang. E'tibor bilan qarang.

Chunki bu hayotda bunday goʻzal qalbli insonlarga osonlikcha duch kelmaysiz. Ehtimol bunaqalar oʻn



mingtadan bittaga toʻgʻri kelar. Oʻlgan insonga nisbatan yillab sodiq yashashni hamma ham eplolmaydi. Oʻlgan inson bilan birgalikda unga boʻlgan sevgisini ham tuproqqa topshirishadi. Ortidan uch kun motam tutib, keyin dardini ham unutishadi. Sevgan insoni oʻlsa ham unga boʻlgan tuygʻularini qalbida yashatishga hech kim harakat qilmaydi. Bunday narsa haqida birov oʻylab ham koʻrmaydi. Ikki kun toʻkadigan koʻzyoshlari, keyin esa usiz yashashga qiladigan harakatlari... Sanab tugata olmaymiz, yana bir qancha urinishlari. Koʻrib turganingizdek ular zamonamiz insonlari...

Hayotligida qadrini bilmaganlaringiz ertaga oʻlim rahna solganida buyuk armoningizga aylanadi. Lekin keyin vaqtni ortga qaytarib boʻlmaydi. Sevgingiz bir oʻlchovli boʻlmasin. Sevgan insoningiz oʻlgan taqdirida ham uning xotiralari bilan yashashni istaydiganchalik goʻzal boʻlsin...

Koshki Nasiba xolaning yuragini va muhabbatini klonlashtirishning iloji boʻlsa edi. Agar shunday imkoniyat berilsa, xolaning yuragini klonlashtirib, zamonamiz insonlarining koʻtarib yurgan yuraklariga almashtirgan boʻlardim. Koshki qoʻlimda boʻlsaydi.

Sizni yaxshi koʻraman, Nasiba xola.



Insonlarni oʻzingiz xohlagan qolipga solib emas, boricha qabul qilib seving

Bir insonga koʻngil qoʻyib, keyin uni oʻzgartirishga minish – goʻyo bir gulni bandidan uzib, soʻlmasligini kutishga oʻxshaydi. Bu bir ahmoqona, bir keraksiz va bir xudbinlarcha kutishdir.

Insonlarni faqat oʻz manfaatlaringiz yoʻlida sevasiz. Qarshingizdagi insonning ham oʻz tuygʻulari va hislari bor, buni sira tushunmaysiz. Oʻzingizga qanday qulay boʻlsa shunday sevasiz. Agar sevadigan boʻlsangiz, manfaatlaringiz yoʻlida emas, oʻzgartirishga harakat qilib emas, boricha qabul qilib, seving. Unday sevolmaysizmi? Unda behudaga birovga umid berib, unda koʻnglingiz borligini aytmang. Bir gul yulib olinganidan soʻng ikki kun oʻtib, qoʻlingizda soʻlib qolishi afzalmi yoki bir gulga mehr berib, vaqtida suv quyib, uni bandidan uzmagan holda parvarishlab, har kuni iforidan bahramand boʻlish afzalmi? Hech narsani oʻzingizga qulay holga keltirib sevmang. Ishqingizning chegarasi siz koʻngil bogʻlagan insoningizni oʻzgartirish darajasida boʻlmasin.

Va qarshingizdagi insondan sizga boʻlgan hislarini isbotlashi uchun oʻzgarishini zinhor talab qilmang. Zero isbot va dalilga kuni qolgan sevgidan biror yaxshilik chiqmaydi. Qolaversa, bir insonga nisbatan qilinishi mumkin boʻlgan eng tuban nohaqlik – bu uni oʻz manfaatlaring uchun oʻzgartirishga urinishdir. Bir insonga nisbatan qilinishi mumkin boʻlgan eng buyuk fidokorliklardan biri esa uni boricha qabul qilmoqdir.



Oʻzing tanla. Yo xudbinga aylanasan yoki bir moychechakni yulishning oʻrniga uni oʻz bandida sevib, har kun uning chiroyidan bahra olasan...

Sizni boringizcha qabul qilib, koʻngil qoʻygan insonlarni seving. Oʻz manfaatlari yoʻlida oʻzgartirmoqchi boʻlganlarni emas.



Koshki sira uchrashmaganimizda edi

Koshki sen bilan sira tanishmagan boʻlganimizda edi. Ismingdan, borligingdan va tuygʻularingdan boxabar boʻlmasam qaniydi... Agar charchogʻimning ustiga charchoq qoʻshishingni bilganimda, qasam ichib aytamanki, ismingning bir dona harfini ham tilimga olmasdim. Agar biz tanishmaganimizda hamma narsa pokiza boʻlib qolardi. Masalan, "Seni sevaman!" degan izhorlarning biror maʻnosi qolardi. Bir finjon qahva stolning ustiga yanada qaynoqroq holda yetib kelardi. Musiqalar quloqqa taʻsirliroq eshitilardi. Agar biz sen bilan tanishmaganimizda shu ishq deganlari insonlarga yanada ishonchliroq tuyulardi. Hech kim yolgʻonlarga aldanib qolmasdi.

Men shu vaqtgacha qarshimda kim turgan boʻlsa ham, eng mayda hisni tuymagan holda "Seni sevaman" degan yolgʻonlar toʻqimadim. Boʻyimdan baland gaplarni gapirib, keyin oʻsha gaplarning orqasiga berkinmadim. Agar sevsam, sevdim dedim. Aksincha boʻlsa, his qilmagan tuygʻularim haqida bong uradigan darajada tubanlashmadim. Ammo sen menga nisbatan zarracha ham sevgini his qilmagan holda, boʻyingdan baland yolgʻonlar toʻqib, doim menga umid berib kelding... Sen tubansan va shu boisdan ham seni sira tanimagan boʻlishni istardim...

Hamma narsa sen ila goʻzal boʻlishiga ishonardim. Vaholanki, sen eng katta dardim ekansan, yanglishgan ekanman.



Sen qalbim uqmaydigan soʻzsan

Biron bir shaharni faqat u yashayotgani uchun Sen xushlamaydigan narsalar uning uchun sevimli ekanligini bilganingda, oʻzing ham oʻsha narsalarni boshlaysan. Hammadan, hamma narsadan, hattoki butun borligdan ham qochib, faqat u bilan ovunishni istaysan. U to'g'risida "Sen undan afzallariga loyiqsan. Senga undan boshqa odam qurib qolganmi? U senga umuman munosib emas!" deganlarga quloqlaringni berkitgancha eshitmaslikka olib, faqatgina uning ogʻzidan chiqadigan kalomlarga quloq solasan. Uning ovozini gul tuvaklariga ekishni xohlaysan. Hatto tark etilganingdan keyin ham uning ortidan qoldirib ketgan azoblariga sodiq golib, yashashda davom etasan. Begonalar bilan birga ekanligini koʻrsang ham, u uchun baxtiyorliklar sogʻinasan. Tinglaydigan har bir musiqangning naqoratida unga duch kelasan. U endi o'zgasiga tegishli ekanligini bilsang ham oʻqigan har bir kitobingda uni eslatgan jumlalarning ostini chizasan. U tomonidan koʻrmaganga olinayotganingni his qilib tursang ham, koʻzlaring undan boshqasini koʻrmaydi.

Iforiga toʻyolmay, isini bir xumga qamab qoʻyishni istaysan. Aslida, eʻtibor berib qarasangiz, inson chindan koʻngil qoʻyganida koʻp narsa istamaydi. Shunchaki bu qadar goʻzal tuygʻularga munosib insonning oʻzi yoʻq. Ammo shu yoddan koʻtarilmasinki, zolimning zulmi bor boʻlsa, mazlumning Allohi bor.

Xotirjam boʻl, hozir qalbimda emassan. Chunki endi qalbim sensiz halovat ichida. Seni yuqorida sanab oʻtganlarimni qilishga tayyorchalik, qiladiganchalik



qattiq sevdim. Sen yashayotgan shaharni nafas olib, chiqarayotganing uchun sevdim. Xushlamagan narsalarim sening sevimli narsalaring ekanligini bilib, men ham ularni sen bilan birga sevdim. Hammadan qochdim. Butun insoniyatdan yuz oʻgirib, bir senga keldim. Sen bilan ovunishni istadim. "Sen undan afzallariga loyiqsan. Senga undan boshqa odam qurib qolganmi? U senga umuman munosib emas!" deganlarga quloqlarimni berkitdim. Seni ayblagan hammaga qarshi chiqdim. Endi boʻlsa oʻsha insonlarning oldida uyatdaman...

Oʻzimni sening soxta muhabbating bilan ovutdim. Men seni, hatto "Seni istamayman!" degan oʻsha soʻzingni ham balkonimdagi gul tuvaklariga ekishni istaydigan darajada telbalarcha sevdim. Meni yarim yoʻlda tark etganingda ham, ortingdan qoldirib ketgan azoblarga sodiq yashagancha, ularga, hatto gard ham qoʻndirmadim. Meni tugatib, mana koʻrib qoʻy degandek koʻzimning oʻngida oʻzgalar bilan vaqtichogʻlik qilishingga qaramay, seni baxtli boʻlishingni istadim. Tinglayotgan har musiqamning naqoratida, oʻqiyotgan har bitta kitobimning har jumlasida senga duch kelishimga qaramay, oʻsha musiqani tinglashda va oʻsha kitobni oʻqishda davom etdim.

Yer yuzida mavjudligimga shubha qiladigan darajada meni koʻrmaslikka olganingda ham koʻzlarim sendan boshqasini koʻrmadi. Seni bagʻrimga bosgan vaqtimda iforingdan ich-ichimga toʻldirib olishni istaydigan darajada senga oshiq edim. Bularning barchasini faqat seni sevganim uchun qildim. Pushaymonmanmi? Oʻlgudek!



Albatta, sening yuraging yoʻqligi uchun bunday tuygʻularning farqiga bormaysan. Agar inson sevib qolsa, yuragi uning jilovini oʻz qoʻliga olar ekan va oʻzi istagan tomonga burar ekan. Ovozing boricha sevma deb baqirsang ham u bunga sira quloq solmas ekan. Qalbingga soʻzingni oʻtkazolmas ekansan. Men ham oʻtkazolmadim. Noiloj edim. Chunki oshiq edim. Ammo oshiqligimni deb qadrsizlandim. Hozir tashlab ketgan joyingdan senga shivirlayman: Noloyiqsan!

Senga borimni fido qilgan holda sevganimni bilib turib qadrimni yer bilan yakson qilding. Butun boringni berib sevgan insoning ham sening qadringga yetmasin.



Qo'ldan chiqarmang

Hech qachon sevmagan insonlar baxtiyor ekan. Toʻgʻrirogʻi, shunday deyishadi. Ammo men buning yoʻlyoʻrigʻi qandayligini bilmayman. Ochigʻi bu toʻgʻrisida aniq bir fikrim yoʻq. Oʻylashimcha, buning aniq qonun-qoidasi boʻlmaydi. Ammo bir narsani aniq bilamanki, chinakamiga baxtni his qiladigan on – bu sevgisiga munosib inson bilan uchrashgan va u tomonidan qadrlangan ondir. Oʻsha Insonni deb voz kechgan narsalariga uning arzishini his qilgan ondir. Inson haqiqiy baxtni ana oʻsha lahzada his etadi. Qolaversa, bir inson sevishni va sevilishni bilgani kabi oʻzi uchun amalga oshirilganlarga loyiq boʻlishni ham bilmogʻi kerak. Masalan, fidokorliklarga, u uchun tortilgan azobga, unga ajratilgan vaqtga, oʻziga berilgan qadrga, qalbiga mehmon boʻlgan muhabbatga munosib boʻlishni bilishi kerak.

Biz bunday turdagi insonlarga hali duch kelib ulgurmadik. Ammo bir kun sizning yoʻlingizdan shunday inson chiqadigan boʻlsa, oʻsha inson shubhasiz bu hayotda siz yoʻliqqan yagona moʻjizangizdir. Uni qoʻldan chiqarmang.

Sizni tushunishni uddalagan, siz uchun qoʻllarini duoga ochgan, sizning baxtli boʻlishingizni istagan va sizni chinakamiga sevgan insonlarni qoʻldan boy bermang. Albatta, bunday insonlar yer yuzida qolgan boʻlsa...



Xotiralar burchagi

Insonning sogʻinib, qoʻmsagan onlari boʻlgani kabi oʻsha damlarni endi ortga qaytarishning iloji yoʻqligini ham yaxshi biladi. Ba'zan chorasizlik ummonining tubiga shu qadar chuqur shoʻngʻib ketamiz. Gohida oʻzimga "Hozir qoʻlimizda mavjud boʻlmagan narsalar balki biz uchun yaxshilikkadir?" degan savolni beraman. Keyin esa bir muddat sassiz qolib, oʻylashga tushaman. Ammo aniq javobini topolmayman. Chunki ushbu savolning javobini topgan taqdirimda ham hech narsa oʻzgarib qolmaydi. Oʻtkazib yuborilgan lahzalar qaytib kelmasligini yaxshi bilaman. Shunchaki hayot bilan hamohang gadam bosyapman. Chunki hayot biz bilan o'yinlar o'ynaydi, biz esa bor-yoʻgʻi u bilan birga hamqadam boʻlamiz. Bu yoʻlda ba'zan to'siqlarga uchraymiz, ba'zan pastga qulaymiz, gohida esa keskin burilishlar qilamiz... Aslida, hayotning yoʻllari hamisha oʻngir-choʻngir. Asosiysi, inson oʻz yoʻlini topa olishidir.

Masalan, men doim bolalik davrimdagi biror yerga mehmonga borganimizda yoki bir chekkada uxlab qolganimda, ertalab koʻzlarimni ochsam oʻzimni oʻz yotogʻimda, ustim koʻrpa bilan yopilgan holatda koʻrgan davrlarimni sogʻinaman... Qoʻmsagan onlarimdan yana biri maktabdan qaytayotib hovlimizga kirishim bilan onam tushlik uchun pishirayotgan boʻgʻirsoqlarining isi dimogʻimga urilishi va butun hovlini shu is tutib ketishi... Yozgi taʻtillarda sinfdosh doʻstlarim bilan bolalar oromgohlarida haftalab qolib ketishimiz...



Mening xotira burchagim sizlarnikidan biroz farqi boʻlishi mumkin. Ayrimlar sevgilisini quchishni, sevgan insonining ovozini, qoʻllarini sogʻinadi. Ehtimol bu tabiiydir. Ammo mening aynan bir insonga bogʻliq boʻlgan xotiralarim va sogʻinchim yoʻq. Gapning qisqasini aytadigan boʻlsam, men yoʻqotganlarimning orasidan bolaligimni eng koʻp sogʻinaman. Biroq endi u davrlarga qaytib boʻlmasligini yaxshi bilaman. Menimcha, hayotning eng ogʻriqli nuqtasi shu boʻlsa kerak. Biz esa hayotga shu ogʻriq bilan hamohang qadam bosamiz.

Boshingda otang va onang omon boʻlsa-da, qalbdagi eng katta armon bolalikka qayta olmaslikdir...



Sevgining mohiyati

Ishqning asl mohiyatini bilmaguncha huzur va saodatga erisholmaysiz. Qani, menga aytingchi, sizningcha ishqning asl mohiyati nimada? Tanishganinga hali ikki kun boʻlgan odamga sevgi izhor qilib, oʻzingni va uni aldashdami? Yoki bir-biriga moyillik tuygan qalblarning bir yerda kesishishidami? Ikki yurakning bir vujudda yashashiga erishishdami? Yo boʻlmasa bir-birovni baxtli qilishdami? Yoki chindan ham sevib, sevilmaganini bilgan holda unga nisbatan his qilgan tuygʻularidan bir on boʻlsada tonmaslikdami?

Ehtimol siz uchun biroz sodda tuyulishi mumkindir, ammo oʻylashimcha, ishqning asl mohiyatini ushbu jumla oydinlatadi: "Asl oshiqlik – yordan mahrum boʻlganda ham sevishda davom etmoqdir..." Har qanday inson sevib qolishi, oshiq boʻlishi yoki shunchaki yoqtirib qolishi mumkin. Bu juda tabiiy holat. Negaki biz insonmiz, taʻsirchan mavjudotlarmiz. Albatta, bu soʻzlarim hammaga ham taalluqli emas. Har qanday inson odam boʻlmagani kabi, men tilga olgan nozik tuygʻular ham hammaga birdek beriladigan narsalar emas.

Mavzudan chetlashib ketmaylik. Biz har doim koʻngil qoʻygan insonimiz bizni ham sevishini istaymiz. Tuygʻularimizga munosib javob olishni xohlaymiz. Ammo bu oshiqlik emas, kutishdir. Lekin biz buni anglamaymiz. Toʻgʻrirogʻi, anglashni istamaymiz.

Shunga qaramay, ayrim ikki tomonli muhabbatlarda ham xolislik boʻlishi mumkin, ammo har ikki tomonli munosabatlarni ham samimiy va rost sevgiga quriladi, deb aytolmaymiz. Albatta, ikki tomonli sevgi



mavjud. Buni ikki qalbning oʻrtadagi masofa qanchalik olis boʻlsa ham bir-biriga talpinishidan bilishingiz mumkin. Ammo men bir-biriga munosib boʻlgan-u, lekin ikkisining oʻrtasida togʻlar va uzun yoʻllar yastangan boʻlishiga qaramay, baribir sevgisidan tonmagan insonlarning sevgisiga va samimiyatiga ishonaman, sevishini iddao qilgancha, har Xudoning bergan kunida bir-birini zaharlab, zarar berganlarnikiga emas. Ularniki sevgi emas, yaltiroq jildga oʻxshaydi. Bilasiz, bizda hamma yaltiragan narsaga uchadi. Haqiqiy sevgi sovuq havoda asqotadigan toʻqima sviterga oʻxshaydi. Kim birgina oʻsha sviter bilan qanoatlansa va isinadigan boʻlsa, ishq oʻsha insonga yarashadi. Zotan ishq degani boriga qanoatlanib, shukr qilish emasmi?

Balki oshiqdirsiz. Kimnidir jondan ortiq sevarsiz. Ammo bir tomonli munosabat bilan faqat bir joygacha borishingiz mumkin. U ham kuchingiz va sabringiz yetgan yerning soʻnggi manzilidir. Allaqachon voz kechgan boʻlishingizga qaramay, oʻsha damgacha sevishni uddalagan boʻlsangiz, koʻnglingiz xotirjam boʻlaversin. Qayerda boʻlsangiz ham haqiqiy baxt bir kuni eshigingizni taqillatadi.

Eslatma: Bir inson sizni chindan sevish yo sevmasligini bilmoqchi boʻlsangiz, bu munosabatni xohlamasligingizni aytganingizdan keyin qoʻl siltab ketadimi yoki yanada qattiqroq kurashadimi, shunisiga eʻtibor bering. Aynan shu vaziyatda uning qanday yoʻl tutishi sizga boʻlgan munosabati qatʻiy yoki beqaror ekanligini koʻrsatadi.

Yor tark etgan boʻlsa-da, Uni sevishda hanuz davom etishga Ishq deyiladi.



Ko'nikasiz

Ishonch bildirasan-u, ishonching puchga chiqadi, koʻnikasan. Koʻngil qoʻyasan-u tark etilasan, koʻnikasan. Oilmagan fidokorliging, sarf qilmagan harakating, to'kmagan ko'zyoshing, his qilmagan azobing qolmaydi, ammo kelib-kelib oʻrningga qiymatsiz bir almashtirishadi, ko'nikasan. Eng yaqin do'stingdan eng og'ir zarbani yeysan, ko'nikasan. Hatto o'z otang seni tashlab ketgan boʻlsa ham, qolganlar seni sevishiga umid gilasan, ammo u yerda ham xato gilasan, ko'nikasan. Eng koʻp ishonganlaring tomonidan qazilgan chohlarga gulaysan, koʻnikasan. Bu safar adashmayman, bu safar yaralanmayman deb o'ylaysan, ammo ko'zlaringni ochsang, oʻzingni qop-qorongʻu bir tunnelning ichida koʻrasan, ko'nikasan. Qisqasi, sen insonsan! Yengolmayman deb o'ylagan narsangni yengasan, usiz yasholmayman degan insoningsiz ham yashaysan, qaytib turolmayman degan joyingdan oyogga turasan. Chunki sen insonsan va har ganday dardga bardosh qila olasan.

Barchamiz hayotda nimagadir bardosh qilib yashaymiz. Hech qachon koʻnikolmayman degan narsalarimizga esa kun kelib koʻnikamiz.



Sizda qalb degan narsa yoʻq

Qalbida muhabbati boʻlgan inson vafoli boʻladi. Ammo bu his sizga begona. Vafodor insonning qiyofasiga kirib olib, har kulib boqqanga eshik ochdingiz. Har suv uzatganga kurtak yoydingiz. Begona insonlarga ham xuddi hayotingizdagi yaqin insonga qaragandek qaradingiz. Oʻtkinchlarga ham sizga "sevaman" degan insonlarga bogʻlangandek bogʻlandingiz. Sizni doim yangi insonlar qiziqtirardi, undan nariga o'tolmadingiz. Asl narsaning ma'nosini bilmadingiz. Haqiqiy bilan qalbakini airatolmadingiz. Faqat bir insonga tegishli bo'lish nima ekanligini bilmadingiz. Sizga nisbatan eng go'zal tuvgʻularni uvol qildingiz. Sevmaydigan insonlaringizga umid berdingiz. Bu ham yetmagandek, eng go'zal shaklda sevadigan insonlarni hissiz insonga avlantirdingiz. Ulkan ma'noga boy bo'lgan narsalarni oddiylashtirdingiz. Chunki o'zingiz ham oddiysiz!

> Eng goʻzal tuygʻularni isrof qildingiz, zero, isrof eng ogʻir gunohdir. Bu ham sizning boʻyningizga bir yuk boʻlsin.



Biz hech qachon benuqson sevilmadik

Insonlar doim tuygʻularimga nisbatan ojizligimdan foydalanishdi. Zero boshimga nimaiki tushgan bo'lsa hamma-hammasiga koʻngilchanligim va qarshimdagi insonni oʻzimdek oʻylashim sababidan boʻldi. Sevgi borasida kimning eshigini taqillatsam, yuzimga qarsillatib yopilgan eshiklar haqida gapiraymi, yo bor-u yogʻimni oʻrtaga tashlab sevgan holda shu bilan kifoyalanib qolmay, sevishimni isbot qilishimga qaramay, boshqalarga almashtirilganimni aytaymi yoki vaqtida qiymati ikki chaqaga qimmat boʻlgan insonlarning yaqinlarim boshiga solgan ogʻir koʻrguliklarning oʻrnini tuzatish uchun qilgan harakatlarim haqida gapiraymi? Ammo shunga qaramay, mening yoʻlim vafo, sadoqat, qadr-qimmat va fidokorlik tuyg'ularining asl mohiyatini anglagan insonlar bilan sira kesishmadi. Kesishgan bo'lsa ham oxiri doim hijron bilan yakunlandi. Insonlar sizning ogʻriqli nuqtangiz qayerda joylashganini bilganida bundan juda yaxshi foydalanishadi. Ammo bunda bir haqiqatbor, kimgadir koʻngil qoʻygangizda hamma narsa oʻzgarib ketadi. Kimgadir ishonmaslik va sevmaslik uchun ichgan qasamlaringizni aynan shu onda buzasiz. Zero biz hammamiz aynan mana shu nuqtada yoʻqotamiz. Men boshqa birov ochgan jarohatni tuzatishga maibur emasdim.

Men boshqa birovlar ochgan yaraga malham qoʻyishga majbur emasdim. Men notoʻgʻri insonlarga ishonishning va suyanishning badalini toʻlashga majbur emasdim. Bularni qilishga umuman majbur emasdim.



Ammo men hammasini qildim. Ortigʻi bilan qildim! Nomard insonlarga omonat qilingan qalblarning zararlarini doim men qopladim. Toptalgan ishonchlarni avvalgi holatiga har gal men keltirdim. Soʻngan tuygʻularga qaytadan men jon berdim. Noloyiq insonlarga atalgan toza sevgining totini oʻsha noloyiq insonlar totar ekan, men Xudoning har bergan kuni oʻsha sevgining jafosini chekdim. Oxir-oqibat esa sevgisiz va eʻtiborsiz bir chekkaga uloqtirilgan ham men boʻldim.

Hayotingizga kiritish u yoqda tursin, hatto koʻchada koʻrsangiz Allohning salomiga arzimaydigan insonlarning toshga aylantirgan qalblarini deb oʻsha pokiza ishqlarga hasratda qoldik. Bizga qarab, hech narsani his qilmayapman deyishdi, endi menga his-tuygʻular begona, hatto qalbimni his qilmayapman, deyishdi. Oʻzlaridan ham koʻra yuraksiz insonlar mavjuddek, "Sen bundan koʻra yaxshilariga munosibsan!" deyishdi. Ammo hamma ayb bizga bu soʻzlarni aytganlarda emas, boshida oʻzlarini ishonchli odamdek koʻrsatib, keyin xayollarni puchga chiqarib ketgan vijdonsizlarda edi.

"Menga ishon" deya ishonchni poymol qilib ketganlarning bogʻi bahor, tuproqlari yomgʻir koʻrmasin...



Bir kun kelib...

Insonni har gal "Axir men shularga arzirmidim?!" deyish charchatadi. Biz munosib bo'lmagan azoblarni boshdan kechirishimiz joʻsh urgan tuygʻularimizni borgan sari so'ndirib boradi. Bu borada qo'lidan hech narsa kelmayotgani uchun inson o'zini juda notavon his qila boshlaydi. Bu narsa esa hayotga toqat qilishimizni qiyinlashtiradi. Ular oʻzlari noloyiq boʻlgan tobora baxt-u saodatning gashtini surishayotganida, biz oʻzimiz munosib bo'lmagan azoblarning jafosini chekdik. Ishonib, qalbimizni ochgan insonlarimizning bizga qoldirgan armonlari bilan kurashib yashadik. Lekin borgan sari bu giyinchiliklarning sovasida toblandik va bundan sira ham nolimadik. Noloyiqlar yashayotgan baxtli hayotning ham oxiri bor, biz buni bilardik. Kun kelib, mutlago hamma oʻziga munosib hayot bilan taqdirlanishi kerak. Ammo baxtli bo'lishga munosib bo'lgan insonlar bir chekkada o'z dardlari bilan kurashayotganida, oʻzingizga nomunosib baxtga ega ekanligingizni dardmandlarga koʻz-koʻz qilib yashadingiz. Chunki sizda baxtga noloyiq ekanligingizni tan oladigan vijdonning oʻzi yoʻq edi. Siz bu haqiqatni hech aachon koʻrolmaydigan darajada xudbin edingiz.

Ehtimol bugun emasdir, ammo bir kun kelib bizning ham ekkan moychechaklarimiz gullaydi...



Ilk boʻlish afzalmi yoki soʻnggi boʻlishmi?

Hamma birinchi boʻlishga harakat qiladi. Zero birinchi boʻlish bilan birga oxirgi boʻlish ham muhim ahamiyatga ega. Ammo bu tomoniga hech kim eʻtibor bermaydi. Yoki eʻtibor berishni istamaydi. Ilk boʻlish afzalmi yoki soʻnggi boʻlishmi, degan savolning javobini oʻzimning shaxsiy tushunchalarim orqali siz bilan boʻlishishga harakat qilaman.

Ilk soʻzi oʻta chuqur bir maʻnoga ega soʻzdir. Ushbu soʻz oʻz ichiga juda koʻp maʻnolarni jamlagan. Soflik, ishonch, ma'sumlik, azob, qayg'u, nadomat singari... Hayotingning soʻnggi bekati boʻlib qolish uchun kelganlarning ham "ilk"larga oʻxshab ketganlardan farqi bo'lmaydi. Menimcha bir insonning hayotida birinchisi bo'lish o'sha insonning hayotida chuqur bir iz qoldirish degani. Men uchun birinchisi emas oxirgisi bo'lib golish mantiglidek tuyuladi. Sababi bir insonning hayotida birinchisi ekaningiz, ming afsuski, oxirgisi boʻlib qolishingizni bildirmaydi. Atrofga qarang. Diqqat bilan garang. Hayotimizga ilk o'laroq kirgan insonning oxiri boshqasiga tegishliligini koʻrasiz. Muhimi birinchi boʻlishda emas, birinchi bo'lish bilan bir qatorda oxirigacha qolish, soʻnggi boʻlib qolishdir eng muhim masala. Agar hamma ish "ilk" bo'lish bilan bitganida hamma bir insonning hayotiga ilk boʻlib kirganidan keyin koʻngli xotirjam tortardi. Biroq oxirgisi bo'lib qolish zahmatli ish bo'lganligi uchun hech kim bunga jiddiy yondashmaydi.

Aslida, hayotiga birinchi boʻlib kirgan insoningizga oʻtkazgan ta'siringizning oʻndan birini qoʻllasangiz, oʻsha



insonning hayotida oxirgisi boʻlib qolishingiz mumkin. Qisqasi, men "ilk boʻlish afzalmi yoki soʻnggi boʻlishmi?" degan savolga, albatta, oxirgisi boʻlish, degan javobni beraman...



Ado bo'ldim

Hamma narsadan charchadim. Qadrlab, gadrsizlanishdan charchadim. E'tibor berib, ahamiyatga olinmaslikdan charchadim. Sevib, sevilmaslikdan charchadim, Aldanishdan charchadim, Ahmoq qilinishdan charchadim. Xiyonatdan charchadim. Yaralanishdan charchadim. Ayrim narsalarga doim koʻz yumishdan charchadim. Meni tinglashlarini istagan insonlarim tinglamasligidan charchadim. Bu safar hammasi yaxshi boʻladi, deya umid bogʻlagan narsalarim avvalgidan ham rasvo bo'lishidan charchadim. "U shunga arziydi", deb yuksak baho bergan insonlarim aslida hech narsaga arzimasligiga guvoh boʻlishdan charchadim. Yuragimga yaqin olgan insonlarimga begona bo'lishdan charchadim. Dastlabki garorlarimning ta'siridan charchadim. Insonlarning bahonalariga aldanishdan charchadim. Arzimas insonlar boshimga solgan kulfatlarni daf qilishdan charchadim.

Men hamma narsadan haddan ziyod charchadim. Hech qayerda va hech kimning yonida orom ololmaydigan darajada charchadim. Kimdir menga "Bir ogʻiz ham gapirma, shusiz ham men seni juda yaxshi tushunaman!" degancha mahkam quchish ehtimoli yoʻqligini bilib yashashdan charchadim. Men charchashdan ham charchadim. Menga ozgina boʻlsa-da, mehnati singgan hammadan minnatdorman...

Inson degani charchashdan ham charchaydimi? Charchaydi. Charchatishadi.



Sizning haqqingiz yoʻq

Sizni sevgan va sizdan koʻngil uzolmagan insonlarning dilini ogʻritib, ulardan xohlaganingizcha foydalanishga haqqingiz yoʻq. Agar siz oʻsha pokiza tuygʻularini isrof qilgan goʻzal qalbli insonlarning qadrini bilgan boʻlganingizda, derazadan qaraganingizda gullarning tikonlarini koʻrishning oʻrniga bahorning va sevgining mujdasini keltiradigan moychechaklarni koʻrardingiz. Dunyoda faqatgina haqiqiy muhabbatning koʻp narsaga qodir ekanligini idrok eta olganingizda, haqiqiy ishqni oʻz ichiga olgan yurakka hech qanday yomonlik ravo koʻrilmasligi kerakligini payqardingiz.

Chorasizligidan taslim boʻlgan insonlardan foydalanishdan koʻra, ularni tushgan nochor vaziyatidan qutqarib oling. Hatto oʻzi tushgan nochor holatda ham sizni sevishdan bir on toʻxtamagan insonlarni pastga urmang. Tuygʻular oʻyinchoq emas, ular bilan zinhor oʻynamang. Orzular osonlikcha vujudga kelmaydi, ularni puchga chiqarmang. Hayotda faqat orzulari bilan ovunadigan insonlarning qoʻlidan shu imkoniyatni ham tortib olmang.

Siz boshiga tinmay qaro kunlar solgan insonlaringiz bir kun sizning halokatingiz boʻladi. Shunda sizni hech kim qutqara olmaydi.



Yonimdaligida vaqtni toʻxtatib qoʻyishni istagan insonimsan

Tomosha qilganlar juda yaxshi eslaydi "Amaliya" filmini. O'sha filmda "Inson vaqtni to'xtatib qo'yishni istagan joyiga tegishlidir" deydigan sahnasi bor. Juda toʻgʻri fikr, shunday emasmi? Inson chindan ham qayerda vaqtni toʻxtatib qoʻyishni istasa yo u oʻsha joyga tegishli yoki oʻsha verda abadiy qolishni istaydi. Qisqa va loʻnda. Bu vaziyatda mening qayerga tegishli ekanligimni tilga chiqarishga hojat bormikan? Albatta, bor. Men senga tegishliman. Butun borlig'im bilan senikiman. Gohida inson o'zi amin bo'lgan narsaning tasdig'ini qarshisidagi insondan eshitishni istaydi. Men senga tuygʻularimni izhor qilishdan tortinmayman. Boshi berk koʻcha ekanligingni bilsam ham, baribir qadamlarimni sen tomon buraman. Bilaman, sen moychechaklarni juda sevasan va men ularni aynan sen uchun yuragimning eng goʻzal joylariga ekib chiqdim. Eng pok tuygʻularimni senga atadim. Zinhor ularning uvoliga qolma! Yoʻlingga moychechaklardan poyandoz to'shayman-ki, qadam bosishga ko'zing qiymasin...

Sen oʻz bandida ifor sochayotgan bir moychechak eding. Men seni uzish u yoqda tursin, hatto hidlashga koʻzim qiymasdi...



Puch xayollar

Inson surgan xayollari puchga chiqishidan ham yomonroq holat bo'lmasa kerak. Barchamiz ham hayot atalmish manzilga safarga chiqar ekanmiz, onda-sonda bunday koʻchalarga boʻylashga majbur boʻlamiz... Baxtli hayotga erishish uchun oʻzimizni urgan koʻchalarga, noto'g'ri qaror qilib kirgan ko'chalarga, arzimas insonlarga yuksak baho berib, bo'ylagan ko'chalarga, pok tuygʻularimizni gʻaraz niyatli insonlarga sarf qilgan koʻchalarga, mutlago xayollarimizni puchga chiqargan koʻchalarga boʻylaymiz umr boʻyi... Xayollari puch boʻlib chiqqan insonning tortadigan azobini ta'riflashga hojat bo'lmasa kerak? Vaholanki, ayrim dardlarni izohlab bo'lmaydi, ular faqat his qilinadi va shundagina buning qanday azobligi anglab yetiladi. Shuning uchun ham sarobga aylangan xayollarning insonga torttiradigan azobini tushuntirishga hojat yoʻq. Zero bu azobni bir bor bo'lsa-da totmagan insonning o'zi yo'q. Shu boisdan, hammamiz yaxshi bilamiz, noloyiq insonga ishonishning oxiri azob va uqubat olib kelishini. Ammo Tangrining buyukligini va kim kimning boshiga qanday kun solsa, u ham bir kuni ayni shu holatga tushishini aytmasdan oʻtishni istamayman. Axir aytishadiku: "Oʻkinma, Allohning nazaridan hech narsa chetda qolmaydi." deya...

Sizning ishtirokingizda surilayotgan xayollarni puchga chiqarmang. Sizga ishongan insonlarning nadomatiga aylanmang. Chunki birovning la'natiga qolgan odamga Allohning mag'firati yo'qdir...



Agar muhabbatingni oshkor qilmasang, qancha sevsang ham foydasi yoʻq

Sevgining chek-chegarasiz bo'lishi emas, uning sof va beg'araz bo'lishi muhim ekanligi haqida gapirdik. Fagat sevish bilan cheklanib golmay, balki uni his qildira olish ham kerak dedik. Qalbdagi muhabbatni oshkor gilish uchun fagat chiroyli izhorlar-u jimjimador soʻzlar yetarli emas dedik. Ammo chinakam sevish bilan birga chinakam sevilishning ham haqqini toʻlash kerakligi haqida gapirmadik. Albatta, ogʻzidan chiqqan "Sevaman" degan soʻzga butun borligʻi bilan kafil boʻlgan odamlarga biror e'tirozim yo'q. Ammo har bir inson sevilishning ham haqqini to'lashi kerak. Men aytmasdan o'tolmaydigan bu mavzuni qogʻozga tushirishimga sabab boʻlishgani uchun ayrim insonlardan biroz xafaman. Atrofdagi insonlarga qarang. Ularning hammasi ishq ummoniga g'arq bo'lishgan-u, ammo sevilishning qadrini hech biri bilmaydi. Qalbidagi sevgisiga egalik qilmaydi, unga sadoqat saqlamaydi. Sevilishning haqqini to'lash uchun moddiy boylikka hojat yoʻq. Bor-yoʻgʻi vafodor boʻling va sizga qalbidagi muhabbatini his qildirayotgan insonni mahkam bagʻringizga bosing, shu xolos.

Allohim, bizni qalbidagi ishqiga va unga qaratilgan muhabbatga sadoqatli boʻladigan insonlar bilan uchrashtir...



Men istamagandim

Menga notoʻgʻri vaqtda qarshingdan chiqqanimni aytding, ammo bu mening aybim emas edi. Men senga ayni kerakli paytda keldim. Ammo sen hanuz oʻtmishingga muhabbat bilan yashaganing uchun meni kaftingning orqasi bilan bir chetga surding. Xoʻsh, men sendan bir kun boʻlsa-da, voz kechdimmi? Aslo! Ketgan joyingga bir kuni qaytib kelasan va hidlab mast boʻlasan, deya sen tark etgan joyga moychechaklar ekib, kelishingni kutdim. Boshqalarga qanchalar goʻzal muhabbat qoʻyganingni olislardan tomosha qildim. Mendan boshqa hammani juda goʻzal shaklda sevding va sen uchun birgina men koʻrimsiz edim. Barchaning ustidan xuddi quyosh singari nurlaringni sochding, sen faqat men uchun bulutli va tund eding.

Sen oʻzga qalbning ummonida suzayotganda, men seni sevgancha, bir qancha harakatlarni amalga oshirdim. Ham kutdim, ham sevdim, ham voz kechmadim. hamda sening oʻzga bilan boshdan oʻtkazayotgan ishqiy sarguzashtlaringni tomosha qildim. Bularni amalga oshirayotib, qattiq azoblandim va ichimni tilka-pora qilayotgan bu azobni hech kimga sezdirmadim. Mayliga, dedim. U mening yakka-yolgʻiz dard yutishimga ham arziydi. Ming afsuski, arzimading. Men esa ayni shu nuqtada mahv boʻldim...

Koʻngling xotirjam boʻlaversin, sen voz kechgan ishqdan men ham voz kechdim.



Nonkoʻr insonning belgisi

Hammasidan ham insonning nonko'r sifatlisidan qo'rqish kerak. Hatto sen bir inson uchun amalga oshirayotgan eng kichik harakatingning ham oʻsha inson uchun qadri boʻlishi lozim. Qilayotgan fidokorliklaringni qadrlashi lozim. Bergan qadr-qimmatingni hayotida hech kim qo'li yetmaydigan yuksak o'ringa qo'yishi lozim. Ammo biz doim nonko'r sifatli insonlarga duch kelganimiz uchun na qilgan fidokorligimizning va na bergan qadr-qimmatimizning bir ahamiyati bo'lmaydi. Nima bo'lsa, bizga bo'ladi. O'sha inson uchun sendan avval hech kim qilmagan ishlarni qilasan. Hech kim sarflamagan vaqtingni sarflaysan. Hech kimdan koʻrmagan qadr-qimmatni ham sendan koʻradi. Ammo bularning evaziga nima olasan, bilasanmi? Tish-tirnog'ing bilan kurashganingning evaziga "Kim senga harakat qil, dedi? Men senga yalinganmidim?" degan javobni olasan. Aynan mana shu lahzada yiqilasan. O'sha inson uchun qilgan fidokorliklaringni va yaxshiliklaringni qaytarib olishni xohlaysan, ammo ololmaysan. Keyin achinasan. Oʻzingdan jahling chiqadi, gʻazablanasan. Ammo qoʻlingdan bundan ortiq hech narsa kelmaydi...

Mushuklarning nonkoʻrligi insonlarning nonkoʻrligi oldida hech narsa emas.

Mirach Chagʻri Oqtosh

Sening qilgan fidokorliklaringni hech kim koʻrmaydi. Ammo biror xatoga qoʻl ur, insonlarning ogʻzidan tushmaysan...



Toʻsiqlarga qaramay sevdik



Oshkor qilma

Azalda ayrim tuygʻular butunlay boshqacha edi. Hamma narsaning qadri bor edi. Hozirga kelib, hamma marsa shu qadar odatiy tusga aylandiki, go'yo hech narsaning ahamiyati qolmagandek... Aslida, ayrim narsalar oʻz-oʻzidan odat tusiga aylanmadi. Bu narsa Insonlar tomonidan amalga oshirildi. Avvallari oʻz histuygʻularini va muhabbatini yashirgan odam yutqazardi. Ya'ni kimdir tortinganidan yoki bo'lmasa, his-tuyg'ulariga munosib javob ololmas ligidan xavotirlanib, barcha hislarini galbiga koʻmgani va hech kimga churq etmagani uchun yutqazardi. His-tuygʻularini va muhabbatini yashirmay, oshkor qilganlar esa yutgan hisoblanardi. Bir muddat "Sevgan insoning bilan qiziqmagan har lahzangda uni ozozdan yoʻqotib borasan!" degan iboraga amal qilgancha, birov-birovdan hech narsani yashirmadi. Ammo biz hozir shunday bir davrdamizki, insonlarda vafo degan narsaning nomi ham qolmagan. Odamlar uchun his-tuyg'ularning zarracha ham ahamiyati yoʻq. Endilikda his-tuygʻularini muhabbatini oshkor qilgan hamma yutqazadi. Nimaga deysizmi? Chunki oramizda sevgining qadrini bilmaydigan va tuygʻularga hurmat koʻrsatmaydiganlar har qadamda uchraydi. Munosabatlar esa ikkiga boʻlinadi: Ikki tomonlama sevgi va bir tomonlama sevgi.

Bir tomonlama sevgiga asir boʻlgan insonning tuygʻularini hech kim osonlikcha oʻldira olmaydi. Chunki u sevgisini qalbida yolgʻiz oʻzi koʻtarib yuradi. Unga hech kim hamrohlik qilmaydi va aynan shuning uchun uning



tuygʻulari boshqalarnikiga nisbatan mazmunli va umrluzun boʻladi. Shu boisdan men ham oʻz tuygʻularimni yolgʻiz oʻzim qalbimda saqlab yashayman. Sevsam ham, bu toʻgʻrisida Allohning quliga churq etmayman. Chunki endilikda men kimdir tuygʻularimdan, hatto xabardor boʻlishga ham arziydi deb hisoblamayman. Loaqal endi ichimdagi pokiza tuygʻularimni kimgadir oshkor qilib, gard yuqtirmayman va kimgadir koʻnglimni ochganim uchun pushaymon boʻlmayman.

Hozirgi davrda sevsang ham oshkor qilmasliging kerak. Chunki sevilganiga amin boʻlgan har qanday inson senga yuqoridan qarashni boshlaydi. Bora-bora bu munosabat seni qattiq azoblaydi...



Hammasi oʻtib ketadi, ammo shu bilan birga inson ham tugab boradi

Bizga kerak boʻlgan paytlari hech kim yonimizda yoʻq edi. Hayotimizning eng qorongʻu koʻchalariga yolgʻiz oʻzimiz kirdik. Ustimizga yopirilib kelgan dardlar bilan yolgʻiz oʻzimiz kurashdik. Oʻzdemir Asafning "Men dardlashishni istab, oʻzimni devorlarga urgan kechalarimda siz yonimda yoʻq edingiz!" degan vaziyatlarni bir oʻzimiz yengib oʻtdik. Yerga yiqilganimizda hech qachon qoʻlimizdan tutib, oyoqqa turgʻizadigan bir mehribonimiz boʻlmadi. Aksincha, bizni doʻst deb bilganlarimiz oyogʻimizdan chaldi. Biroz alamli, ammo biz uchun "doʻst" degan ibora faqat kitoblarda qoldi.

Hayotimizning eng ogʻir damlarida bizga kerak boʻlgan insonlar yonimizda boʻlmagani kabi, baʻzan, hatto oʻzimiz ham oʻzimizni ogʻir vaziyatlardan qutqarmadik. Ammo nima boʻlganda ham oxiri hammasini yengib oʻtdik. Va oxiri shunday xulosaga keldik: hammasi oʻtib ketadi... Hatto toqatim yetmaydi, degan narsalarimiz ham kim bilan birga boʻlmaylik, qayerda boʻlmaylik baribir oʻtib ketadi. "Men usiz yasholmayman!" deysan, ammo hammadan aʻlo yashaysan. "U boʻlmasa, hatto nafas ham ololmayman!" deysan, ammo usiz ham hamma narsani eplaysan. Toʻrt kunlik dunyoda hamma narsaga oʻrganasan. Bir qancha yoʻqotishlardan soʻng yolgʻiz oʻzing qolganingda, aslida, bu hayotda hech kim hech narsaga arzimasligini va hamma



narsadan bir kuni mahrum boʻlishingni anglab yetasan. Anglab yetasan-u, ammo bularni tushunib yetguncha oʻzing ham tugab borasan. Ado boʻlasan. Hissiz mavjudotga aylanasan.

Koʻp vahima qilma. Hali ne-nelarga koʻnikasan...



Moychechak yaproqlari

Moychechakning soʻnggi yaprogʻini yulganimizda "sevmaydi" deb chiqqaniga qaramay, bandini ham yulgancha, "sevadi" deb chiqarishga urinib, oʻzimizni ovutadigan darajada baʻzilarga koʻngil qoʻygandik... Xo'sh, oxiri nima bo'ldi? Hatto yaqiniga ham yo'lay olmadik. Sharafiga bor narsamizni fido qilganlarimizning yuraklari yoʻq edi. Kimni sevadi deb oʻylasak, sevmadi. "Ketmayman" deganlarning hammasi ketdi. "Doimo voningdaman" deganlar bizni oʻzgalarga almashdi. Moychechak yaproglari ana shunday insonlar uchun fido qilingan edi. Ammo ularning hech qaysisi bunga arzimadi. Meni kechiringlar moychechak yaproqlari... Bundan keyin yuragimning eng soʻlim goʻshasi sizlarga tegishli. Shuni angladimki, hech qaysi ishqning taqdiri bir moychechak vaprogʻiga bogʻliq boʻlmasin ekan. Moychechak oʻz bandidan uzilmay sevilsin, ishq esa qalblarda his etilsin...

Moychechak misol nozik qalbli insonlarning koʻnglini sindirmang. Eng muhimi, ularni qoʻldan boy bermang.



Hech qachon goʻzal shaklda sevila olmasligimning dalilini men oʻz onamda koʻrdim

Bu dunyodagi yagona aziz insonim va oradan qanday gap oʻtsa ham, men sevishdan sira voz kechmaydigan yagona ayol – bu mening onamdir. Ha, yuqorida toʻgʻri oʻqidingiz, u menga hech qachon goʻzal shaklda sevilmasligimni oʻrgatgan. Qanaqasiga, deysizmi? Bu haqida hozir gapirib beraman.

Bizning oilamizda onamning toʻylarda juda chiroyli raqsga tushishi haqida koʻp gapirilardi. Qoʻniqoʻshnilarning toʻylarida hammaning koʻzi davrada oʻynaganlarning ichida bir onamga qadalardi. Singlimning to'y oqshomi ham bo'lib o'tdi. Ammo onamning uni ham chiqmadi. Davrada raqsga tushishni qoʻyib turing, hatto birov bilan durust gaplashmadi. Men uni davraga tortib, qo'llarini raqsga tushirish uchun ko'tarsam, u bo'lsa qo'llarini pastga tushirib olardi. "Ona, sizga nima bo'ldi?" degan savolimga javob ham bermas edi. Men ham bir necha bor uni majburlab, davraga olib chiqdim va qo'llarini tutib, o'ynashga undadim. Ammo u yana qarshilik qildi. Men esa biroz qizishgancha, "Ona, sizga nima bo'lyapti?" deb so'raganimda, "O'g'lim, axir otang tuproqning tagida yotganida, men uning qizining toʻyida qanday oʻynayman? Qaniydi, u ham tirik bo'lsa-yu, shu kunlarni ko'rsa edi", deb yigʻlaganida joyimda qotib qolgan edim. Mening onam otamning vafot etganiga naqd yigirma yil boʻlganiga qaramay, uni bir on ham yoddan chiqarmagan va unga sadoqatda yashashdan zinhor charchamagan ayol edi.



U otamni shu darajada pokiza va poyonsiz sevgan edi. Va men ham oʻsha onda hayotimga kimni kiritsam ham, bu darajada goʻzal shaklda sevilmasligimni anglagandim. Tasavvur qilib koʻring-a, onam sevgan insonining oʻlganiga yigirma yil oʻtgan boʻlsa ham hanuz oʻsha ilk kungidek qaynoq koʻzyosh toʻkadigan ayol edi. Va shu ayol oʻsha kuni menga koʻrsatgan ediki, boshqa hech bir ayol meni u kabi sevolmas edi. Ammo bu meni ranjitmadi. Men oʻsha oqshom eng goʻzal muhabbatga guvoh boʻlgan edim. Bu menga yetarli edi...

Baʻzan haqiqiy sevgini his qilishga hojat qolmaydi. Chunki insonlarning birbiriga boʻlgan muhabbatini koʻrish ham insonning qalbini toʻydiradi.



Ishq dardi qachon o'tib ketadi?

Hayot qisqa. Eng avvalo, shuni tushunib yetishimiz kerak. Chunki toʻrt kunlik hayotda siz uni deb azoli chekayotgan insoningiz boshqa joyda va boshqa insonlar bilan hayot gashtini surar ekan, siz esa bu hayotning qiyinchiliklariga taslim bo'lgancha, hatto o'z joningizga qasd qilishni o'ylab yashashingiz aqlli odamning ishi emas. Hattoki bir bor bo'lsa-da, sevgini deb o'z joniga qasd qilishni o'ylash o'ta ahmoqona narsa. Sariq chaqaga ham arzimaydigan biri senga ortini oʻgirgani uchun oʻz joninga suigasd qilishga yoki shu haqida o'ylashga ham sening haqqing yoʻq. Alloh bergan jonini faqat Oʻzi oladi. Oʻzingga tashqaridan bir nazar sol. "Men qayerdaman va kim uchun dardlarni chekayapman?" deya oʻzingdan soʻra. Keyin esa sen uni deb dard yutayotgan inson shunga arzish yoki arzimasligi haqida oʻyla, taroziga sol. Oʻzingdagi dardlarni va oʻsha insondagi qadringni tarozining ikki pallasiga qoʻy. Xo'sh, qaysisi og'ir bosdi? Agar bu dardlar bilan anchadan buyon yolgʻiz oʻzing kurashib kelayotgan boʻlsang, afsusdaman, sen allaqachon ahmoq oshiq maqomiga erishibsan. Ammo seni xafa qiladigan yana bir gap aytaman, ishqning azobini faqat koʻproq sevgan tomon emas, ikki tomon ham birdek tortishi kerak. Bir tomon faqat koʻzyosh toʻksa, hech narsa yemasa, ichmasa, hayotini zaharga aylantirsa-yu, narigi tomon boshini yostiqqa qoʻyishi bilan darrov uyquga ketsa, bamaylixotir sayr-u sayohat qilsa, bu ishq emas, adolatsizlikdir, haqsizlikdir.

Inson kimnidir qattiq sevgani uchun bu badallarni yolgʻiz oʻzi toʻlashga majbur boʻlmasligi



kerak. Shuni ongingizga singdirib oling, kim uchundir alam yutayotgan bo'lsangiz, u shunga munosib bo'lishi zarur. To'rt kunlik umringizni nomunosib insonlarni deb zaharga aylantirmang. Bu hayotda hech bir inson unutilmas emasligini yaxshi bilamiz. Ammo ma'lumki, ba'zi dardlar vaqti-vaqti bilan totib ko'rilishi kerak. Ya'ni, balki qattiq koʻngil qoʻygandirsan, umringdan yillarni fido qilgandirsan, joningni bergandirsan, u bilan et va tirnoqqa aylangandirsan, ammo keyin ayrilasan, yarim bo'lib qolasan va o'sha damda buning azobini nima qilsang ham kamaytirolmaysan. Vaqt oʻtib, bu dardga koʻnikkancha yashashda davom etasan. Hammasidan ham yomoni bir muddat qoʻlingdan hech narsa kelmaydi. Shu sababli oʻzingni juda ojiz his qilasan. Shu muddat ichida gayerga borsang ham, kimning yonida bo'lsang ham, o'sha dard sen bilan birga yuradi. Unga aloqador bo'lmagan narsalar ham uni senga eslataveradi. Qayerga qarasang, ikkingizga tegishli boʻlgan xotiralarni koʻrasan. Ammo bir kuni hammasi oʻtib ketadi. Vaqt oʻtib, bir goʻzal tongda uygʻonasan va oʻsha yara endi joningni ogʻritmayotgan boʻladi...

Bu dunyoda hech kim voz kechib boʻlmaydigan inson emas. Voz kechiladigan insonni voz kechilmaydigan insonga aylantirgan voz kechishni istamagan insondir.

Mirach Chagʻri Oqtosh

Moychechaklarni oyoqlaringiz bilan ezib, oshiqqan gullaringizning tikanlari har yeringizga botib, azob berishini tilayman



To'siqlarga qaramay sevdik



Seva olmadim

Sendan keyin yuragim hech bir insonning yonida hapriqib ketmaganini payqaganimdan keyin hayotimga kimnidir kiritishga harakat qilmadim. Urinib koʻrishni (10'yib tur, hatto birov bilan tanishishga ham hafsalam hoʻlmadi. Goʻyoki boshqaga koʻngil qoʻyolmasin deb yuragimni oʻzing bilan birga olib ketganga oʻxshaysan. Xuddi o'tmishim bilan birga kelajagim ham sen bilan ketgandek... Sendan boshqa bir Xudoning bandasini sevolmayapman. Boshqa birovga nisbatan qalbimda iliqlik his qilmayapman, his qila olmayapman. Go'yo tugʻilganimda qulogʻimga aytilgan azon bilan birga bu hayotda sendan boshqaga koʻngil qoʻyolmasligim ham shivirlangandek... Men shunday bir bo'shliqqa tushib qolganmanki, na sendan oldin kimnidir chindan sevganman, na sendan keyin birovga koʻngil qoʻyolaman. Bu menga berilgan jazomi yoki chorasizlikmi, bilmayman. Birgina shu haqiqatni bilaman, men sendan boshqasini sevolmayman. Hatto sen bilan ayrilganimizdan keyin ham havotimga boshqa birovni kiritmadim. Menda qoldirgan jarohatingni o'zgasi bilan davolashga urinmadim. Vaqt bilan tuzalishini kutdim. Yaraga mikrob tushmasin deb, kimdir unga qoʻlini tekkizishiga ruxsat bermadim. Sening o'rningga kimnidir qo'yish uchun, hatto harakat ham qilib koʻrmadim. Meni dunyolardan ortiq sevishini iddao qilganlarni eshitmaslikka oldim.

Tuygʻularini koʻrmaslikka oldim. Vaqt oʻtib esa, oʻsha jarohat ortiq menga azob bermayotganini payqadim.



Vaholanki, jarohatim tuzalgan emas, yuragimdan ayrilgan ekanman. Oʻsha yurak bus-butunligicha sen ekansan.

Hammasi avvalgidek boʻlishiga zarracha ham umidim yoʻq. Ammo shunday boʻlsa-da, bilib qoʻyishingni istadim, sendan keyin hech kimning iforini dimogʻimgacha simirib, hidlamadim. Hech kimni oʻpa olmadim. Kimnidir qoʻllaridan tutolmadim. Qahva ichish uchun oʻtirgan stollarimda men ichmay sovutgan qahvalarning sonsanogʻi yoʻq. Chunki men ayrilgan kunimiz sendan boshqa hech qayerga va hech kimga keta olmaydigan darajada senda qolganman. Hatto endi onamning iltijolari ham meni oyoqqa turgʻazolmaydi. Men seni unuttirmoqchi boʻlganlarga bir kun ham izn bermadim. Ushbu qarorimda har doim sobit qoldim. Va bu shunday boʻlib qoladi.

Menda mavjud boʻlgan chorasizlik shu darajadaki, sendan qochib kirgan har bir koʻcha meni senga olib boradi...



Ishqning poyoni bormi?

Ayrim insonlar sevgiga ishonmaydi. Ayrim insonlar sevgisiz hayotini tasavvur ham qilolmaydi. Kimdir umr sevgining totini bilmaydi. Sevishni istasa ham, qoʻlidan kelmaydi. Chunki u oʻzini bir kuni hamma narsa tugashiga ishontirgan. Qolaversa, o'zim ham bir kuni hamma narsa poyoniga yetishiga oʻzini ishontirib, hech qanday tuyg'u uchun qadam bosmagan insonlar bilan hamfikrman. Lekin hamma narsa bir kuni tugaydi deb, boshdan kechirish kerak bo'lgan shuncha narsadan qochishga urinish menga mantiqli fikrdek tuyulmaydi. Agar mendan soʻraydigan boʻlsangiz, ishqning poyoni yoʻq. Uni oʻzlari tugatishadi. Qolaversa, chindan sevgan odam mayda ikir-chikirlarni deb sevgan insonidan yuz oʻgirmaydi. Agar sevishini iddao qilgan holda seni tark etayotgan bo'lsa, undan umidingni uz. Unday inson sevmaydi. U turdagi insonning sevgisidan senga yaxshilik chiqmaydi. Zero, ishqning poyoni bor deb oʻylaydiganlar ishqni oʻz miyalarida tugatishadi. Men bunga ishonaman. Agar ishq bor bo'lsa, u qanday tugashi mumkin? Buni menga tushuntirib berasizmi? Koʻngil qoʻygan, qadrlagan, hammadan qizgʻongan va avaylagan insoningga nisbatan his qilgan tuygʻularingni agar qalbingda yashatishni bilmasang, albatta, sevgi tugaydi. Ammo uni sen tugatgan hisoblanasan.

Agar koʻngil bogʻlagan insoningga yuragingdagi bor tuygʻularni his qildira olsang, oʻsha tuygʻularga sadoqat saqlay olsang, boshingga qanaqa qiyinchilik tushmasin,



voz kechib ketishning oʻrniga muammolarni yechish uchun kurashsang, oʻz muhabbatingni himoya qilsang ishq tugamaydi. Agar sevgan insoningizga nisbatan bularning hammasini qoʻllagan taqdiringizda ham bir narsalar nihoyalanayotgan boʻlsa, tugayotgan ishq emas, oʻsha insonning tuygʻularidir, jondan ortiq sevib, boringizni fido qilgan insonning nonkoʻrligidir. Ishq aslo tugamaydi. Uni tugatishadi.

Bu hayotda jonini bergudek sevganlarning qadri boʻlmaydi. Eng toza tuygʻular eng nomunosib insonlarga sarf qilinadi.

> Chindan sevgan insonni koʻrmaslikka olishadi. Nomunosiblarni doimo sevishadi.



Azob chekmay unutish mumkinmi?

Agar bir insonni azob chekmay unuta olsang va uning xotirasi qalbingni zarracha ham tirnamasa, demak, sevmagan ekansan. Agar sen qutulmoqchi hoʻlgan dard qayerga borsang, ortingdan borsa, har tong uygʻonganingda azobing kamaygan boʻlishni oʻrniga yanada ortgan boʻlsa, hamma qiyofalarni unga o'xshatayotgan bo'lsang, nafasing bo'g'ilayotgan bo'lsa, nazar solgan har yeringda uni koʻrishni istayotgan bo'lsang, demak, telbalarcha sevgan ekansan. Xo'sh, bu qadar sevgandan keyin unutish uchun qancha vaqt talab qilinadi? Sevib, ayrilgan insonning unutish davri qalbidagi sevgining hajmi bilan mutanosibdir. Gapning qisqasi, unutishning aynan tayinlangan bir muddati yoʻq. Kimdir bir haftada unutadi, kimdir bir oyda, kimdir bir yilda... Kimlar boʻlsa, umrining oxirigacha sevadi, qalbidagi ishqni butun umr ko'tarib yuradi... Bir insonni qanday va qachon unuta olishing toʻgʻrisidagi savolning javobi oʻzingning qalbingda yashiringan. Unutish, unutmaslik yoki unutishni istamaslikni yuraging belgilaydi. Sen boryoʻgʻi uning qarorini tasdiqlaysan. Yuragingning amriga "labbay" deya bo'ysunishga majbur bo'lasan. Ammo ko'p hollarda yurakning amri insonga azob beradi.

> Unuta olsang - havas, unuta olmasang - ishqdir...



Oshiqning yeydigan taomi - ovunmoq

Qalbida ishqi yoʻqdan mehr kutib, oʻzni ovutish edi mening qiladigan ishim. Sevmasligini bilib turib, sevadi deb oʻzimni aldardim.

Aslida, hech qachon boshlanmagan narsaning tugaganiga ishonishni istamasdim... Sira sevilmaganimni tan olishni istamasdim... Yolgʻon-yashiq va soxta umidlar bilan toʻla bir tushdan haqiqatlari bilan yuzimga tarsaki soladigan hayotda uygʻonishni istamasdim. Kerak boʻlsa, oʻsha yolgʻon-yashiq toʻla tushda oʻlishni istardim...

U menga befarqligini bilib turib, meni sevadi deb oʻzimni ovutib yashadim. Mendagi ishq meni sevmasligini bot-bot sezdirsa ham, meni sevishi haqida orzular qiladigan darajada ahmoqona bir ishq edi. Va bu ahmoqona ishqni deb arzimaydigan inson uchun oʻzimni aldab yashashdan nariga oʻtolmasdim... Ha, mana shu ahmoq seni boshlanmagan narsaning tugaganiga oʻzini ishontirishni istamaydigan darajada kuchli sevgan edi...

Yuragini yulib beradigan darajada sevganlar bisyor edi. Ammo u yuraklarning qadrini hech bilishmadi...



Umr qisqa. Yaqinlaringizni ranjitmang

"Xafa boʻlish va kechish uchun bahonalar qidirishning oʻrniga sevish va sevilish uchun choralar qidiring." degan hazrat Mavlono Rumiy. Aslida juda haq gapni aytgan. Ammo ming afsuski, hozirga kelib insonlar shu qadar hissizlashganki, notinchlikdan, nafratdan, urush-janjaldan, arazdan ozuqa olishadi. Bir insonni sevish uchun minglab sabablari bor holda, oʻsha insonni sevmaslik uchun hatto tishning kovagini ham toʻldirmaydigan bahonalar yaratadi.

Agar sevish uchun koʻpgina sabablaringiz bor boʻlsa ularni isrof qilmang. Ishoning, hayotingizga arazingiz, nafratingiz, urush-janjallaringiz goʻzallik olib kirmaydi. Albatta, urush-janjallar tabiiy hol, ammo bundan ozuqalanmang. Insonning hayotini faqatgina muhabbat tuygʻusi goʻzallashtirishga qodir. Bu haqiqatga ishoning. Bu goʻzallikni oʻz qoʻllaringiz bilan barbod qilmang. Toki hali tirik ekansiz, nafas olayotgan ekansiz, seving va sevgan insonlaringizning qadriga yeting.

Dunyoning ilmini bilishingizga hojat yoʻq! Sizni jondan ortiq sevgan qalbning qadrini biling, kifoya.



Go'yo sevadigandek rol o'ynaganlar uchun...

Vaholanki, sevmas ekansiz, oʻzingizni sevadigandek qilib koʻrsatmang. Insonlarning tuygʻulari va ularning ojiz tomonlari bilan oʻynashishni bas qiling. Ularning yaralarini battar qonatmang. Sizni sevgan insonlarning qargʻishiga qolmang. Ularning xayollarini chippakka chiqarmang. Nima boʻlgan taqdirda ham siz tomon kelgan insonlarning yuziga eshiklaringizni yopmang. Boshida umid berib, keyin yolgʻiz tashlab ketmang. Agar ustidan chiqolmasangiz vaʻdalar bermang. Oʻtkinchi insonlarni deb butun umr yoningizda boʻladiganlardan yuz oʻgirmang, ularni sariq chaqaga sotmang. Sizga ishonch bildirgan insonlarni qilgan ishiga pushaymon qildirmang. Toki kelgan ekansiz, butun umr yonida qoling. Unga koʻnglingizni ochgandan ikki kun oʻtib, tashlab ketmang.

Hali pushaymoniga aylangan insonlaringizni kunduzi chiroq yoqib qidirasiz. Qargʻishini olgan insonlaringizning uvoliga qolasiz.



Qadrsizlanganlarga...

Butun boringizni berib sevgan insoningizning hayotida zarracha ham oʻrningiz yoʻqligini koʻrishdan liam yomonrogʻi yoʻq. Oʻsha onda siz his qilgan azobning taʻrifi hech qayerda yozilmagan. Bu azobning nimaligini hammaga misli kaktusdek tikanli boʻlib, birgina suygan insoni uchun moychechak kabi gullaganlar biladi...

Men uni bor-u yoʻgʻi bilan, baxt va qaygʻusi bilan umuman aytganda, butun borlig'i bilan sevdim. O'zimdagi bor imkoniyatlarimni ishga solgancha sevgan bo'lsam ham oxiri qadrsizga aylanganimni va bu narsaning menga berayotgan azobini ta'riflashga urinib ko'raman. Tasavvur qil, qoʻlingda moddiy yoki maʻnaviy nima bor boʻlsa toʻkib sochasan. Shu paytgacha hayotingda kim uchundir sarf qilmagan qimmatli vaqtingni uning uchun ajratasan. Unga juda katta ahamiyat berasan. Uning yuzidagi, hatto eng mitti tabassumning sababi bo'lish uchun boringni fido qilasan. Qarshi tomondan sevilmayotganingni bilib turib, yanada sevishda davom etasan. Ammo bularning evaziga olgan javobing shu bo'ladi: "Sevmasam bo'larkan..." So'ngra barcha xayollaring sarobga aylanadi. Butun dardlar sening gardaningga yuklanadi. Bu hayotda doim oshiqlarning koʻngli ohnishning oʻrniga qargʻishini olishadi.

Men seni butun borligʻim bilan sevgandim. Zero sening hayotingda zarracha oʻrnim yoʻq ekan! Menga bu saboqni berganing uchun sendan minnatdorman.



O'tib ketmaydi

Chuqur nafas ol va ushbu soʻzlarni takrorla: "Hammasi oʻtib ketadi. Faqat biroz sabrdan keyin..." Keyin esa, qoʻlingdan kelganicha bu soʻzlarga oʻzingni ishontirishga harakat qil. Bilaman, hammasi oʻtib ketadi, deb umid qilib yashash hozirgi insonlarni qoniqtirmaydi. Senga bir sirni ochaymi? Aslida, hech narsa oʻtib ketmaydi. Aksincha, yanada battarroq tus oladi.

Oʻzingni behudaga aldashni bas qil. Hammasi oʻtib ketadi deb oʻzingni ovutma. "Havotir olma, hali hammasi yaxshi boʻladi. Bu kunlar oʻtadi", deganlarga ham ishonma. Hech narsa oʻtib ketgani yoʻq. Oʻtib ketish niyati ham yoʻq. Shuncha vaqtdan beri oʻtib ketmadimi, endi ham oʻtmaydi. Oʻtib ketdi deb oʻylaysan, ammo azob chekkaningda anglaysan, hali oʻtib ketgani yoʻq. Har tong uygʻonganingda oʻsha ogʻriq koʻksingga yanada kuchliroq bosim oʻtkazayotganini his qilasan. Va oʻsha lahzada tushunib yetasan, oʻtib ketmadi, oʻtib ketmagan, oʻtib ketmaydi... Goʻyo oʻtib ketgandek boʻladi, ammo har on oʻsha ogʻriqni his qilaverasan.

Oʻzingni aldashni qoʻy, hech narsa oʻtib ketmaydi. Na yuraging avvalgidek kimnidir seva oladi, na tugab bitgan hislaring oldingi holiga qaytib qoladi.

Aslida, hech narsa oʻtib ketmasa-da, ayrim goʻzalliklar sen bilan birga kelishiga ishongandim. Yanglishibman, avvalgidan ham koʻproq ozorlandim.



Sevishdan sira to'xtamadik

Orzularimiz sarobga aylangan hoʻlsa ham. ishonchimiz suiste'mol qilingan bo'lsa ham, jimjimador soʻzlarga va soxta samimiyatga ishonib, "U boshqalarga oʻxshamaydi", degan nazar bilan qaraganlarimizning aslida, boshqalardan zigʻircha ham farqi yoʻqligiga botbot guvoh bo'lgan bo'lsak-da, sevishdan to'xtamadik. Chindan ham shunday emasmi? Insonlarga takrorbildirmayapmizmi? Takror-takror takror ishonch koʻngil qoʻymayapmizmi? Shu qadar kuchli ishonch bilan sevganimizdan "Bu safar azoblanmayman", deb tashlagan har qadamimizda oldingidan koʻproq yaralanib, oldingidan koʻproq azoblanayapmiz. Ammo shunday bo'lsa ham, bir on bo'lsa-da, sevishdan voz kechmayapmiz. Voz kecholmayapmiz! Ehtimol, jarohat olayotgandirmiz, ammo hech narsaga qaramay sevishdan to'xtamayapmiz. "Oaytib hech kimni sevmayman!" deb turib, baribir yuragimizga yengilmoqdamiz. Keraksiz insonlarni eng toza tuyg'ularimiz bilan qarshi olyapmiz va eng ko'p shunga kuyayapmiz...

> Bizni ham yaralashdi, ammo baribir sevdik. Agar yana shunday imkon berilsa, yana sevamiz. Chunki bizning qalbimiz ishqdan iborat.



Kelma

Bilaman, meni umuman sevmaysan. Ammo shunga garamay, men seni juda gattiq sevaman. Qolaversa, chin ishq degani faqat ikki tomonlama sevgi degani emas-ku?! Muhimi, bir tomonlama bo'lsa ham, ikki tomonga ham yetadigan darajada seva bilmoqdir. Tan ol, buni senga isbotlagan birgina mening qalbim edi. Ammo sening his-tuyg'ularing shu qadar so'qir ekanki, bu haqiqatni hech qachon koʻrolmadi. Agar meni, hatto qishning o'rtasida ham eshikdan tashqariga chiqarib qo'ysang ham, bilki, bu qalbim senga hamisha qoʻrgʻon edi. Ayrim insonlar sevgan insonini faqat qalbiga soʻzi oʻtmagani uchun sevadi. Voz kecha olmagani, unutishni istamagani uchun sevadi. Ammo mendagi tuyg'u unday emas edi. Men seni noiloj qolganimdan sevmadim. Yoki qalbimga so'z uqtira olmaganim uchun ham sevmadim. Aksincha, sendan voz kechishim uchun oldimda minglab sabablar tursa ham, hech biriga e'tibor bermadim. "Qalbga so'z uqtirib bo'lmaydi", deyishadi-ku? Ammo men uqtirdim. Qalbimga seni yanada kuchliroq sevishi uchun buyruq berdim. Seni allaqachon unutishim kerak bo'lsa ham, unutishim uchun qoʻlingdan kelganini bo'lsang ham, sendan, mendan va birgina men tomondan yaratilgan bizdan, bir on boʻlsa ham voz kechmadim. Biroq buning evaziga sevilmadim va meni sevmaganing uchun



sendan gʻazablanib, sitam yetkazmadim. Joni omon boʻlsa bas, dedim. Sevilmasam, sevilmabman-da. Zotan bunga koʻnikdik, men uning oʻrniga ham sevaman...

Endi kelishinga hojat yoʻq. Sening "sevaman"laringga koʻnglimning koʻzi toʻq.



Sevmaganlarning sevilmaydigan kunlari albatta, keladi

Ishq uchun olingan ikki kishilik chiptalarning qaytishi doimo bir kishilik boʻladi. Eʻtibor bering-chi, kim oʻsha yoʻldan yolgʻiz oʻzi qaytyapti? Javobi taxmin qilinishi oson boʻlgan bir savol bu, shunday emasmi? Albatta, eng koʻp sevgan tomon yolgʻiz qaytyapti. Havas va baxt-u saodat bilan ketgan ishq safaridan ulkan hamda ichidan qutilish oʻta mushkul boʻlgan azoblar bilan qaytyapti. Sevilgan tomonni faqat ketishini tomosha qilyapti va oʻziga qoldirilgan hasratlar bilan kurashyapti.

Ming afsuski, ishqda adolat boʻlmaydi. Bir tomon juda chiroyli sevadi, narigi tomon juda chiroyli tark etadi. Bu sira oʻzgarmaydigan qonundir. Eng koʻp sevgan tomonga aziyat yetsa ham, u sevishdan toʻxtamaydi. Hatto qadam tashlashgada holi qolmasa ham sevgan insoni tomon yugurishdan charchamaydi. Haqiqiy sevgi deb mana shunga aytiladi. Ammo sevilgan tomon buni tushunmaydi. U uchun qilinayotgan fidokorliklarni koʻzlari koʻrmaydi. Oʻzi bilan unga atalgan sevgining oʻrtasiga shu qadar ulkan devor qurgan-ki, na u uchun qilinayotgan harakatni koʻradi, na unga qoʻyilgan muhabbatni his qiladi. Ayrimlari yarim yoʻlda qoldirib ketishadi, ayrimlari senga yoʻl koʻrsatishadi. Afsuski, ular bunga sevgi deyishadi...

Goʻzal shaklda sevgan insonni qadrsizlashadi. Hech narsaga arzimaydigan insonni esa boshga toj qilishadi.



Oʻzimni tushuntiraman deb urinma. Anglashni istamaganga tushuntirishdan nima naf?

Mening hech qachon dardimni bo'lishadigan hir insonim bo'lmadi. Bir kun bo'lsa ham bir sigaogʻzimga olgancha, tutunini puflab, retani puflagan tutunimga dardlarimni aytmadim. Bu tarzda vengillashmadim. Borib shisha-shisha aroq ichib, mast boʻlgancha boʻsh shishalarga sitamlarimni sotmadim. Men hamma dardlarimga uygʻoq aql bilan bardosh berdim. Turli xil vositalardan dardimga chora izlamadim. Ilojsiz goldim, kimsasiz goldim, ammo bir Xudoning guliga volvorib bormadim. Dardlarim butun vujudimni gamrab olgan kechalarda koʻzimga uygu kelmadi. Yostigʻimni g'ijimlab yig'ladim. Ovozimni birov eshitmasin deb vostig'imni yuzimga bosib yig'ladim. Sovuq ko'rpamga burkandim, ammo hech qayerga va hech kimsaga bormadim. Ogʻriqning eng dahshathlarini totib koʻrdim, ammo kimdir yaramga malham bogʻlashini kutmadim. Men dardlarimni har dam ichimga yutdim, biroq insonlar tomon gadam bosmadim. O'z dardlarim bilan o'zim kurashdim. Boshimga nima tushsa hammasini bir oʻzim yengdim, lekin biron bandaga sezdirmadim. Ichimda ayovsiz jang ketar ekan, barchaga kulib qaradim. Meni baxtli deb oʻylashdi.

Seningcha, agar dilimni ochsam, meni tushunisharmidi? Qoʻysangchi...

Agar dardimni aytganimda ham meni tushunishmasdi. Shuncha dardni oʻz ichimga yutib, yengdim.

Mirach Chagʻri Oqtosh

Ehtimol biz sevganimizchalik sevilmagandirmiz, ammo siz ozor berganingizchalik ozorlanasiz, yaralaganingizchalik yaralanasiz, yigʻlatganingizchalik koʻzyosh toʻkasiz, aldaganingizchalik aldanasiz. Kimga nimani ravo koʻrgan boʻlsangiz, hammasi oʻzingizga qaytadi. Oyoqosti qilgan tuygʻularingizga zor boʻlasiz. Sizni qargʻagan insonlarning laʻnati ostida qolasiz. Bunga ilohiy adolat deyiladi. Allohga havola jazoingiz...



Yanada sevdik...

Toʻsiqlarga qaramay sevdik

Mirach Chagʻri Oqtosh

Seni sevmagan har insonda meni yodga ol. Yodga olki, meni tushun. Meni tushunki, yana senga chindan koʻngil qoʻygan insonga sitam yetkazma...



Toʻsiqlarga qaramay sevdik



Hamma bir kuni ketadi

Ishqdan masrur boʻlib, shu hol abadiy davom etadi, deb oʻylama. Hamma bir kuni ketadi. Oʻzingni "U ketmaydi" degan yolgʻonlarga zinhor ishontirma. Qolish uchun kelganlar ham ketadi. Aynan qachon ketishini bilasanmi? Ishonch bildirib, bor-u yoʻgʻingni oʻrtaga qoʻyganingda ketadi. Hammadan yuz oʻgirib, hammadan qochib, bir u tomon talpinganingda ketadi. Sevgingni unga his qildirganingda ketadi. U shunday tark etadiki, bunday ketishga qaytib butun umr guvoh boʻlmaysan. Bu ketish nafaqat sening balki uning ham yodidan chiqmaydi. Bu ketish, balki seni chuqur qaygʻuga solar, ammo u senchalik beminnat sevadiganni qaytib uchratmaydi. Uchratdim deb oʻylasa ham yanglishadi.

Avvaliga u seni sevishiga ishontirish uchun hayotingning qoq markaziga kelib oʻtiradi. Keyin istaganicha xayollaringni toʻzgʻitadi, tuygʻularing bilan oʻynashadi, ranjitadi, yaralaydi, bezdiradi va oxiri seni tugatadi. Ammo shu asnoda oʻzini seni sevadigandek koʻrsatadi. Seni ham bu yolgʻonga ishontirishga harakat qiladi, ammo ishonma. Agar ishonadigan boʻlsang, bu yolgʻon seni qattiq azoblaydi. Aldanma. Keyin azoblanmaslik uchun hech qachon ketmayman deganlarga ishonma...

Hamma bir kuni ketadi. Hech kim abadiy qoluvchi emas. Voz kechib boʻlmaydigan ham emas. Jondan ortiq sevib, tark etilganlar buni yaxshi biladi.

Mirach Chagʻri Oqtosh

"Mendan senga ziyon yetmaydi" deganlarning bizga yetkazmagan zararlari qolmadi. "Mening yuragim keng" deganlarning oʻzidan itargan yagona insoni biz boʻldik. Bizni eng koʻp "Men juda ta'sirchan bir insonman", deganlarning hissizligi qiynadi. "Men sensiz yashay olmayman!" deganlarning bizning oʻrnimizga qoʻymagan odamlari qolmadi. "Menga ishonishing mumkin", deganlardan eng ogʻir pandlarni yedik. Bizga kim nimani iddao qilsa doim teskarisi boʻlib chiqdi. Ularning soʻzlari faqat soʻzligicha qoldi va bu bizni hanuz qiynaydi.



Yanada sevdik...

Toʻsiqlarga qaramay sevdik



Men "koshki"lardan iboratman

Meni "Yaxshiyam sen bilan tanishibman", deyishning oʻrniga, "Koshki sen bilan tanishmasam edi", deyishga majbur qilgan insonlardan xafaman. Ularni aslo kechirmayman.

Borgan sari "Yaxshiyam sen bilan tanishibman", deydigan insonlarim kamayib borayotgani bilan bir gatorda, "Koshki sen bilan tanishmasam edi" deydigan insonlarim koʻpayib bormoqda... Chindan ham odam bolasiga yaxshilik yoqmaydi. Hech kim koʻrsatgan hurmate'tiboringga, qadr-qimmatingga va eng asosiysi hech kim muhabbatingga arzimaydi. Qaytanga yaxshilik qilganing uchun sen yomon bo'lasan. O'ylaganing uchun sen yomon bo'lasan, sevganing uchun sen yomon bo'lasan. Eng ma'quli hammasini uzoqdan kuzatishdir. Agar hech kim bilan ovora bo'lmay, hech kimga ahamiyat bermay, hech kimga parvo qilmay, faqat bir oʻzing hammasini uzoqdan kuzatadigan boʻlsang, bilginki, sendan xotirjam inson boʻlmaydi. Vaholanki, qadrlagan tarzda qadrsiz va sevgan holingda sevilmagan sen bo'layotgan ekansan, kun kelib koʻngil qoʻygan insoning hech narsaning qadriga yetmay, hammasiga nuqta qoʻyib ketar ekan, sen dunyodagi eng toza galbni ko'tarib yursang ham buning hech ganday ma'nosi qolmaydi. Chunki bularning badalini sen to'laysan. Va aynan buning uchun ikki karra azoblanasan.

Bir vaqtlar "Yaxshiyam sevibman" degan qalbimni "Koshki uni uchratmasam edi", deyishga majbur qilganing uchun seni aslo kechirmayman.



Tangrim, bizga qalbimizga munosibini sevdir!

Shunday insonlarni koʻrdim, xiyonatga uchraganidan keyin oʻzini qayta tiklay olmay, hayotini zaharga aylantirgan. Shunday insonlarni koʻrdim, xiyonatga uchraganidan keyin bundan xulosa chiqarib, hayotini tubdan ijobiy tomonga oʻzgartirgan.

Ehtimol, koʻngil qoʻygan insoning tomonidan xiyonatga uchrab, yolgʻiz qolgandirsan. Davrimizning insonlari buni boshdan kechirishi odatiy tusga aylangan. Chunki hozirgi insonlar xiyonat qilishni, tashlab ketishni va aziyat yetkazishni oʻzlariga odat qilib olishgan. Roʻparalaridan kim chiqsa, hayotlariga kim kirsa, ularda oʻz "hobbi"larini sinab koʻrishdan tortinmaydi. Ushbu achchiq haqiqatdan xabar topganingda seni aldagan bir nomardni deb hayotingni zaharga aylantirma. Ehtimol, sen xiyonatga munosib boʻlmagandirsan, ammo shu haqiqatni yodingdan chiqarma: sen aldanmading. Aslida, u seni aldadim deb oʻylab, oʻzini aldadi! Endi aslo sendek begʻaraz sevadigan insonni topa olmaydi. Hali bu qilgan ishi uchun keyinchalik pushaymon boʻladi, ammo u payti gʻisht allaqachon qolipidan koʻchgan boʻladi.

Bu hayotda hamma oʻziga yarashgan ishni qiladi. Seni uni begʻaraz va begʻaraz sevib, oʻzingga yarashadigan ishni qilding.

U ham oʻzini shu qadar sevib, ardoqlagan insonga xiyonat qilgancha, oʻzini pastga urib, oʻziga yarashadigan ishni qildi. Agar u oʻziga shu nomardlikni ep koʻrgan boʻlsa, sening qoʻlingdan hech narsa kelmaydi. Sen chekingga



tushganini ado qildingmi? Sevgingni unga koʻrsatdingmi? Harakat qildingmi? Unday boʻlsa koʻnglingni xotirjam qil. Senga xiyonat qilgancha bu azobni boshinga solgan inson uxlash uchun boshini yostiqqa qoʻygan har bir tunida tinch uyquga ketolmaydi. Sening uvoling har kuni uning qulogʻiga shivirlaydi. Vijdoni uygʻona boshlaydi. Oʻlgudek pushaymon boʻlib, ortga qaytishni xohlaydi-yu, ammo qaytolmaydi. Bu pushaymonlik unga har nafasida azob beradi.

Nojib Fozilning ta'kidlaganidek: "Sen shunday sevki, tashlab ketgan yor uyalsin".



Erkingizni chegaralagan insonni emas, uni oʻzingizga topshirgan insonni seving

Ayrim insonlar sevgan insoni uning erkini chegaralab, rashk qilishini istamaydi. Shu sababli hayotida bir inson boʻlsa-da, tashlayotgan har qadamini, qilayotgan har qarorini yolgʻiz oʻzi qabul qiladi. Bir qushga uchma deya olmaganing kabi, o'z erkiga ega insonga ham buni kiyma, u joyga borma devolmaysan. Degan taqdiringda ham majburlay olmaysan. Chunki erkiga bo'lgan muhabbati senga bo'lgan muhabbatidan ustunlik qilishi mumkin. Natijada oʻzing qiynalasan. Shuning uchun qizgʻanishingni xushlamagan insonni rashk qilmasliging kerak. Zero rashk qilmagan insoningni seva olmaganing kabi bu turdagi munosabatlar sen uchun emas. Qolaversa, "Men rashkchi inson emasman", deganlarning kimnidir chindan ham sevishiga ishonmayman. Agar qizgʻanmas ekansan, demak, sen u insonni sevmaysan, buni boshqacha tushunish mumkin emas. Men rashkchi inson emasman deganing nimasi? Bir inson o'z sevgan yorini qanday qilib boshqalardan qizgʻanmasligi mumkin? Qanday ahamiyat bermasligi mumkin?

Aybga buyurmang, ammo men sevaman deb turib, lekin rashk qilmagan insonning samimiyatiga ishonmayman. Ehtimol, meni eskicha fikrlaysan deb ayblashingiz mumkindir, ammo men sevgan insonimni qizgʻanaman. Qizgʻanaman deganda, buni kiyma, u joyga borma degani emas. Toʻgʻri, yuqorida keltirib oʻtganlarimni sevgan insonida qoʻllab, unga hayvondek muomala



qiladiganlar koʻp. Men bunday vaziyatga duch kelib qolsam, faqat kulaman. Sevmoq bu hayotingdagi insonning erkini chegaralab, uning boradigan joylarini belgilashmi? Yoki uning kiyadigan kiyimlariga chegara qoʻyishmi? Agar siz sevish deganda shuni tushunadigan bo'lsangiz, demak. sizning tushunchangiz notoʻgʻri ekan. Modomiki, kimgadir koʻngil qoʻygan ekansan, unga ishonishni ham bilishing kerak. Masalan, u qayergadir ketganida xayoling unda boʻlishining sababi undan shubhalanganing emas, undan xavotirlanganing boʻlishi kerak. Kiyim-kechagiga aralashib, uning erkini bo'g'masliging lozim. Agar sen uni chindan ham go'zal shaklda sevadigan bo'lsang, sevging unga uning kiyadigan kiyimidan ham koʻproq yarashadi. Maydachuvda narsalarni deb ranjitishning o'rniga benuqson sevishni sinab koʻring. Ishonishni sinab koʻring. Chegara qo'ymay qizg'anishni sinab ko'ring. Silab-siypalash uchun qoʻlingizga olgan qushni boʻgʻib oʻldirmang.



Ikki tomonlama sevgining hasratini faqat bir tomon chekmasligi lozim

Borgan sari insonlarni tushunishim qiyinlashib bormoqda. Necha yillardan buyon birga boʻlgan insoni hayotidan chiqar-chiqmas yangisini topganlarni koʻrganimdan beri insonlarni tushunish uchun qilayotgan harakatimni toʻxtatdim. Eʻtibor bering, "yillar" deyapman. Bu aytishga oson, lekin shu yillarning ichida qancha xotiralar, gancha dardlar, gancha baxtiyorliklar, gancha tuygʻular, qanchadan qancha ogʻir va yengil kunlar mujassam. Qolaversa, inson shuncha vaqtini birga oʻtkazgan, quvonch-u gʻamini birga baham koʻrgan va ayni ishqdan mast bo'lgan insonini hayotidan chiqarishi bilan darhol yangisini topganiga guvoh bo'lganidan so'ng sevgiga bo'lgan ishonchini yo'qotadi. Sevgan odam necha yillardan buyon davom etib kelayotgan munosabatlari tugashi bilan darrov boshqasini topishga urinmaydi. Oʻzini go'yo hech narsa bo'lmagandek tutolmaydi. Kimdandir yarasiga malham sifatida foydalanmaydi. Ammo shunday insonlar borki, ularni inson deyishga ham tilim bormaydiyu, lekin ming afsuski ulardan biri mening sobiq sevgilim edi. Uch yil ichida unga bor-u yoʻgʻimni berdim.

Butun qalbim bilan uni sevdim. Ota-onasidan keyin unga eng kuchli mehrni ham men berdim. Unga boʻlgan muhabbatim shu qadar yuksak edi. Ammo biz ayrildik. Kulgili tuyuladi, lekin ayrilishimiz uchun aytarli sabab yoʻq edi. Uch yil oʻtib, unga bor-u yoʻgʻimni berganimdan va deyarli yoʻlimizni birga tanlaganimizdan keyin u menga



mendan zerikkanini aytdi. "Qoʻlimdan kelmaydi", dedi. "Uzoq muddatli munosabatlar men uchun emas" dedi. "Sen mendan ham yaxshilariga munosibsan", dedi, goʻyo undan ham toshbagʻirroq inson bordek. Men bilan ayrilganidan bir hafta oʻtib, ha, atigi bir haftadan soʻng hayotiga yangisini kiritdi. Bu shu qadar jirkanch bir tuygʻu ediki, hech bir sababsiz ayrilganimizga bir kuysam, uning sira gʻam chekmay, darrov boshqasi bilan munosabat boshlaganiga ikki, shuncha dardni yolgʻiz oʻzim koʻtarishimga ming kuyardim. Xudo bu azobni hech kimning boshiga soʻlmasin.

Alloh hech kimning qarshisidan bunday surbet insonni chiqarmasin.

Faqatgina ishqni emas, uning hasratini ham birga chekadigan insonlarni bizga yor qil, Allohim.



Modomiki ketar ekansiz, nega kelasiz?

Hamma ketish uchun keladi, qolish uchun keladiganning oʻzi yoʻq. Insonlar goʻyo "Ketish uchun kelish" degan musobaqada bellashayotganga oʻxshaydi. Soʻzda hamma ishonchli odam, hamma oshiq-u beqaror, hamma qolish uchun kelgan. "Xoʻsh, unday boʻlsa ketayotganlar kim?" deb soʻrasak, hech kim churq etmaydi. Kim qolish uchun kelgan boʻlsa ertasi kuni koʻzdan gʻoyib boʻladi. Asosiy narsa qolish uchun kelish kerak, ketish uchun emas. Ammo hech kim buni bilmaydi. Vaholanki, bir kuni ketish uchun kelar ekansiz, bundan nima foyda? Bundan nima oʻzgaradi? Sizning ham boshqalardan farqingiz qolmaydi. Siz ham odatiy insonlarning qatoriga qoʻshilasiz va bu holat esa, bizning yana yanglishmaganimizni bildiradi.

Ammo inson keluvchilarning birida yanglishishni istaydi. Chindan ham qolish uchun keldim, deb aytgan inson toʻgʻrisida xato oʻylagan boʻlishni istaydi. Chindan ham uning qolishini istaydi. Ketmaslik uchun kelganiga ishonishni istaydi. Ammo bir tomondan qoʻrqadi.

Inson bu gal hammasi boshqacha deyishni istaydi. Uning ketmasligiga ishonaman, deyishni istaydi. Ammo yana sevgan va ishongan boʻlishiga qaramay, doimgidek u yanglishmaydi...

Inson har gal yangi umid bilan sevadi va ishonadi, lekin oxiri pushaymon bo'ladi.



Bir inson unga koʻngil qoʻygani uchun kimnidir pushaymon qildirmasligi kerak

Insonlarni aldashingizga nima majbur qiladi? Nima uchun oʻzi yarim holda sizni butun qilishga uringan insonlarni kamiga siz ham yarim tashlab ketasiz? Nima maqsadda qalblarni sindirasiz? Nima uchun birovning ohiga sababchi bo'lasiz? Nima uchun gashti surilayotgan har goʻzal onni zulmatga aylantirish uchun qoʻlingizdan kelgan harakatni qilasiz? Vaholanki, faqat birgina insonga tegishli bo'lishning beradigan baxt-u lazzatini hech narsaga almashib boʻlmaydi. Har tong uygʻonganingda uni xuddi ilk kundagidek seva olish saodatining qiyosi yoʻq. Uning o'rniga nimanidir qo'yib bo'lmaydi. Bir insonning bir inson uchun kifoya qilishi mumkinligini nima uchun ahamiyatga olmaysiz? Nega bir vaqtning oʻzida bir qancha insonga ega bo'lishni istaysiz? Sizga bir inson kifoya qilmaydimi? Yoki sizning yuragingiz bir paytning o'zida bir qancha insonlarga qo'rg'on bo'la oladigan darajada kengmi? Yuragingizdagi eng goʻzal goʻshani faqatgina bir inson uchun ajratishning oʻrniga nima uchun mitti yuragingizga bir qancha insonlardan tashkil topgan to'dani sig'dirishga urinyapsiz?! Sizdagi tuyg'ular shunchalik arzonmi? Oʻzingiz shunchalik arzonmisiz? Shu qadar qiymatsizmisiz? Siz shu qadar nopokmisiz?



Aldamang! Shuncha soxtakorlik va yolgʻonning ichida sizga ishonch bildirgan insonning xayollarini puchga chiqarmang. Undan koʻra oʻsha insonni yuragingizga joylang va faqat unga sodiq yashang.

Bir nafardan koʻproq insonga ega boʻlish uchun qilayotgan harakatingizni koʻrgan kunimdan beri hech qaysingizga ishonchim qolmadi...



Hojati yoʻq

Endi kelishingga hojat yoʻq. Chunki bir vaqtlar borliginga oʻrganib, sensiz yasholmayman deb oʻylaganim kabi, yonimda yoʻqligingda sensizlikka ham oʻrgandim. Bilasanmi, hattoki hayotimning qolgan yarmini sensiz ham bemalol yashay olishim mumkinligini tasavvur qilyapman. Azalda sen bilan birga yurgan koʻchalarimizda yolg'iz o'zim ham yura olyapman. Endi kelma. Ehtimol seni sogʻinarman, ammo baribir kelma. Chunki endi kelishingga hojat yoʻq. Chunki men endi sensiz ham kuchliman. Birga tomosha qilishni xohlagan filmlarimizni yolgʻiz oʻzim tomosha qildim. Birga tinglamoqchi boʻlgan musiqalarimizni yolgʻiz oʻzim tingladim. Birga mutolaa qilishimiz kerak bo'lgan kitoblardagi go'zal jumlalarning ostini yolgʻiz oʻzim chizdim. Birga ichishimiz kerak boʻlgan qahvalarni bir oʻzim ichdim. Sen bilan birga boʻlishimiz kerak bo'lgan joylarda doimo yolg'iz edim. Sensiz edim. Ammo shu muddat ichida bir narsani payqadim. Men sensiz ham o'z-o'zim bilan baxtli bo'la oldim. Sensiz ham oʻzimni seva oldim. Men seni sevaman, deb oʻzimni yo'qotgan ekanman. Bundan keyin ortingga qaytma. Chunki buning ikkimizga ham foydasi yoʻq. Agar shuncha vaqt o'tib qaytadigan bo'lsang qalbimga va hislarimga zarar yetkazasan. Chunki biz kelajak uchun kech goldik...

> Bizni yarim holda tashlab ketganlar boshqasi bilan saodatga yeta olmasin.



Hayvonlarni seving, chunki ular azob bermaydi

Hech kimga oshiq-u beqaror emasman. Ishq dardida yonib kuymayman. Sogʻinchida hasrat chekadigan bir insonim ham yoʻq. Sovuq havolarda "Ishqilib, qalin kiyindimikan?" degan xavotir bilan oʻzimni tinchimni buzadigan darajada oʻta kuchli mehr bilan koʻngil qoʻygan insonim men bilan familyadosh boʻlgan bir begona bilan toʻyi boʻlganini eshitganimdan beri insonlar sevilishga arziydigan bir mavjudot deb hisoblamayman. Toʻgʻri, hayvonlarga boʻlgan mehrim azaldan oʻzgacha edi, lekin bu kabi voqealar ularga boʻlgan sevgimni yanada oshirdi. Chunki chindan ham inson zoti goʻzal tuygʻularga arzimaydi.

Insonlarga koʻngil berib, ularning asl yuzini koʻrganimdan keyin hayvonlarga boʻlgan mehrim yanada oshdi. Hayvonlarni seving, chunki ular azoblamaydi. Eng muhimi, ular hech qayerga ketmaydi.

Hattoki koʻchadagi daydi itda bor sadoqat tuygʻusini insonlardan topa olmaysiz.

Inson kimgadir koʻngil qoʻyganidan soʻng undan mehr va eʻtibor kutadi, ammo mehrga zor qoladi...

Mirach Chagʻri Oqtosh

"Sensiz nafas ololmayman!" deganlarning boshqalar uchun bamaylixotir kislorod manbayidek yurishi sening ham koʻnglingni aynitadimi?



Toʻsiqlarga qaramay sevdik



Sevgan odam tashlab ketmaydigan boshqa bir sayyorada yashashni istayman

Sevgan inson tark etadimi? Albatta, yoʻq! Agar inson chindan sevsa mayda-chuyda sabablarni deb sevgan insonidan yuz burmaydi. Undan aslo uzoqlasha olmaydi. Hatto arazlashgan holatda ham sevgan insonining yonida boʻlishni istaydi. Muammo nima boʻlishidan qatʻi nazar, uni hal qilishga harakat qiladi. Oʻzini koʻngil bergan insonining yonida xotirjam his qiladi.

Agar bir inson seni sevaman degan holda eng mayda sabablarni bahona qilib sendan uzoqlashgan boʻlsa, demak, u seni sevmaydi. Buning boshqacha bir izohi boʻlishi mumkin emas. Bu holat shaxsan oʻzim bilan ham sodir boʻlgan.

Menga ham sevishini soʻylaganlar, eng mayda sabablarni bahona qilib tark etishgan. Vaholanki, tark etganlar ilk boshida sira ketmayman deganlar edi. Ular meni shu yolgʻonga ishontirib ketishdi. Gapning qisqasi, sevgan inson hech qayerga ketmaydi. Aniqrogʻi, keta olmaydi. Agar ketgan boʻlsa, zotan seni sevmagan ekan.

Shu asnoda Nozim Hikmatning mavzu bilan aloqador ushbu soʻzlari yodimga tushdi: "Unutma, sevgan ketmas. Ketgan esa sevmas..."

Mirach Chagʻri Oqtosh

Men soʻzida turmagan insonning durustligiga shubha qilaman. Shuning uchun vaʻdasida turmagan insonlarni hayotingizdan chiqaring. Chunki pokizalik – iymondandir!



Toʻsiqlarga qaramay sevdik



Men seni sevganda...

Qachonki, sening ovozingni eshitsam – gʻoyo koʻksimdan bir toʻda kabutar koʻkka parvoz qiladi.

Qachonki, sening iforingni tuysam – goʻyo koʻzlarimdan toʻfonlar toshib, dunyoning changini yuvadi.

Qachonki, seni oʻylasam – bolaligimda yoʻqotgan oʻyinchoqlarim koʻz oʻngimda paydo boʻladi.

Qachonki, sen haqingda xayol sursam – argʻumchoq uchishga navbatim keladi.

Qachonki, sendan goʻzal izhorlar eshitsam – ogʻzimdan oʻn ming xil kapalaklar uchib chiqadi.

Qachonki, sening kulishingni koʻrsam – kimdir oldimga yangi damlangan choyni qoʻyib ketadi.

Qachonki, sening qoʻllaringni tutsam – oʻlkada tantanali bayram boshlanib ketadi.

Qachonki, seni...

Seni sevganimdan buyon menga nimalar boʻlyapti, bilmayman.

Goʻyo farishtalar kelib, hovuchlaridan konfetlar toʻkib ketayotgandek tuyiladi. Xayoliy lazzatga choʻmilaman...

Oʻzjan Bulbul



Ikkinchi imkoniyat

Ayrim insonlar shu qadar qat'iy qaror qabul qilishadi-ki, hech kim ikkinchi imkoniyatga munosib emas deb o'ylashadi. Shu boisdan ham ishonch bildirib, imkon bergan insonlari oʻsha imkoniyatdan toʻgʻri foydalana olmaganida, ikkinchi imkoniyat haqida o'ylab ham koʻrishmaydi. Ayrim insonlar esa ikkinchi imkoniyatni qo'yib turing, bir insonga qayta-qayta imkon beradi. Chunki haddan ziyod sevadi. Chorasiz qolganidanmi yoki bu safar hammasi oʻzgaradi deb oʻylaganidanmi. bot-bot aldangan boʻlishiga qaramay yana imkon beradi. Qayta imkon berilgan insonlar esa, oʻzlariga yana ishonch bildirib, yangi imkon bergan insonning bu ojizligidan juda yaxshi foydalanishadi. Yana eski xatolarini takrorlagancha shoʻrlik imkon bergan insonning qalbini battar yaralashadi. Qisqasini aytadigan bo'lsam, qayta-qayta imkon berganing bilan hech narsa oʻzgarib qolmaydi.

Ikkinchi imkoniyatni arzimaydigan insonlarga bermang! Sizni aldagan insonga qanday qilib yana ishonasiz? Unga yangi imkon berish u yoqda tursin, hatto yaqinidan ham oʻtmang. His-tuygʻularingizga qaramligingizni deb, bu ojizligingizdan foydalanishga uringanlarga aslo bunday fursatni bermang. Ishonch bir marta yoʻqotilganidan keyin qaytarib boʻlmasligini idrok qila olmagan insonlarning oʻzgarishini kutmang. Oʻrningizga darrov boshqalarni qoʻyganlarni ham aslo sevmang. Agar ikkinchi imkoniyatga arziydi, deb oʻylasangiz imkon bering. Vaholanki, hech qaysimiz



benuqson emasmiz. Xom sut emgan bandalarmiz, hammamiz xato qilishimiz mumkin. Ammo ogʻir xatoga qoʻl urgan insonga aslo qayta imkon bermang. Chunki birinchisida sizni yaralagan inson, ikkinchi martasida sizni qaytib hech kimni sevmaydigan va ishonmaydigan holatga olib kelishi mumkin.

Toʻgʻri, hamma ham xato qiladi. Ammo sizni chindan sevgan insonlarni sizga ishonganlari uchun pushaymon qildingiz.



Mamnun qila olmadim...

Men sening tarqoq holatda ekanligingni bilgan holda senga keldim. Buni bilib turib, seni sevdim. Qolaversa, tarqoq holatdagi inson horgʻin boʻladi, bu holni boshqa hech kimga ravo koʻrmaydi, deb oʻyladim. Ammo sen, boshqa birov boshingga solgan kunni xuddi shu tarzda mening boshimga solding. Indamadim... "Zarar keladigan bo'lsa, faqat undan kelsin. Bu birinchi marta yiqilishim emas-ku? Boshqatdan oyoqqa turaman", dedim. Sendan keladigan har qanday sitamga rozi edim. Ammo sen menga tunning bir qismida uygʻonib, yostigʻimni gʻijimlagancha tongga qadar yigʻlab chiqadigan kechalarni, yolgʻiz oʻzim yurib oʻtolmaydigan manzillarni, yelkalarim koʻtara olmaydigan dardlarni, qaytib hech kimga koʻngil olmaydigan darajadagi ulkan nadomatlarni goldirding. Ehtimol sen buni sezmagandirsan, ammo men senga nima qilsam ham yoqmadim. Oʻzgasini sevishingni bilib turib, yaralaringga malham qoʻyaman deb oʻzimni qiynadim. Seni baxtli qilish va qalbingdagi azoblarni biroz bo'lsa-da, yengillatish uchun qilmagan ishim qolmadi, ammo sen hech birini sezmading. Har gal seni xushnud qilishga uringan insonning yuziga o'tmishdagi sevgiling senga qoldirib ketgan dard-u alamlarning koʻzvoshlarini to'kding. Nonko'rsan!

Oʻzgasi uchun azob chekkaningni koʻrdim. Seni bu holatdan qutqarish uchun hamma ishni qildim. Loaqal shuning evaziga sevsang edi meni...



Endi koʻngil qoʻymayman

Ortiq hech kimni sevmayman. Sevishga urinib ham koʻrmayman. Kimgadir yoqish uchun harakat qilmayman. Koʻzyoshi toʻkayotgan kimnidir koʻrsam, borib bagʻrimga bosmayman.

Kim nima qilsa shuni qilsin. Kim kimni sevishi bilan ham endi qiziqmayman. Xohlasangiz meni his-tuygʻusiz deng, xohlasangiz xudbin deng. Yaxshisi siz ham birovni sevmang. Chunki hech kim muhabbatga arzimaydi. Shaxsan men insonlar sevilishga arziydi, deb oʻylamayman. Kimni sevsam yoki kimgadir sevishimni bildirsam, doim azobda qolgan men boʻlaman. Kimga mehr berib, mehr kutsam, doim mehrsizlikdan qiynalgan men boʻlaman. Men sevsam, sevgan insonim tunlari bemalol uxlaydi, doim bedor qolgan men boʻlaman. Men sevsam, sevilgan tomon juda baxtli boʻladi, baxtsiz qolgan tomon yana men boʻlaman. Men sevsam, narigi tomon hayotda yashashni davom etadi, ammo men davom etolmayman.

Sevgi azoblaydi. Pushaymon qiladi. Xayollaringni puchga chiqaradi. Hasratda qoldiradi. Agar inson bularni boshdan kechirgan va boʻgʻzigacha azob bilan toʻlgan boʻlsa, qaytib hech kimga koʻngil qoʻyishni istamaydi.

Agar bir inson vaqtida sevilib, tark etilgan boʻlsa, inson zotini sevilishga munosib bir mavjudot, deb hisoblamaydi.



Bobomga...

Menga koʻp bor ozor berdingiz bobo. Ammo men sira ginachi bir inson boʻlmadim. Shukrki, vijdonim ham men qayerga bormay, doimo yonimda edi. Boshimda otam yoʻqligi sababli, meni odam boʻlmaydi deb oʻylaganingiz uchun meni sira ham yoqtirmasdingiz. Ammo shunday boʻlsa-da, men bunga umuman eʻtibor bermadim. Meni koʻzdan yoʻqotish uchun qilgan harakatlaringiz meni sira qiynamadi. Bu urinishlaringiz sizga boʻlgan muhabbatimni zarracha ham kamaytirmadi. Zero muhabbat degani har doim ham ikki tomonlama boʻlavermaydi. Bu hayotda bir tomonlama sevgilar ham bor. Inson sevilmagan tomonni ham sevishi mumkin. Koʻrmaslikka oladi, eshitmaslikka oladi, ammo baribir muhabbat qoʻyishi mumkin.

Men necha yillardan buyon oila bagʻridan mosūvo ulgʻaydim. Faqatgina bir haqiqatim bor edi, u ham boʻlsa onam... Balki siz men uchun yaxshi bobo boʻla olmagandirsiz, ammo siz yaxshi ota edingiz. Onamning otasi boʻlganingiz uchun ham sizni qattiq yaxshi koʻrardim. Goh menga uyingizning eshigini ochardingiz, goh eshikdan haydab chiqarardingiz. Ammo siz baribir mening nazarimda hech qachon tashlab ketmaydigan, sabrli va uddaburon bir ota edingiz.

Otalari doimo yonida boʻlgan nabiralaringizdan tashqari, sizni sizga oshkor qilmay yaxshi koʻradigan bir nabirangiz bor edi, bilmasdingiz. Oʻsha men edim...

Bir kuni telefon jiringladi. "Bobong kasalxonada", deyishdi. Siz lotoreya oʻyinini juda yoqtirardingiz. Bir kuni



yutuq chiqib qolar degan umid bilan ancha yillar lotoreya olishdan charchamadingiz. Kasalxonaga borar sotib ekanman, siz uchun uch dona lotoreya chiptasidan sotib oldim. Kasalxonaga yetib keldim. Onam telefonda yigʻlardi. Birozdan soʻng xolalarim ham yetib kelishdi, yigʻlagancha bagʻrilariga bosishdi. **Ooʻlimdan** hech meni kelmasdi. Kasalxonaning saratonga chalingan bemorlar joylashgan qavatiga koʻtarildim. Ichkariga koʻpchilikni kiritishmayotgan edi, faqat navbat bilan kirishimiz mumkin edi. Ichkaridan xolam chiqdi va yigʻlagancha meni bagʻriga bosdi. Bemorning yoniga kirish uchun navbatini menga berdi. Yoningizga kirdim. Uxlayotgan edingiz. Boshingizda biroz oʻtirdim, keyin uygʻondingiz va qoʻlingizni men tomonga uzatdingiz. Koʻnglim buzildi. Xayolimga oʻlim keldi. Oʻlim – naqadar achchiq, naqadar qochib bo'lmas narsa.

Koʻzlaringizni ochdingiz. Qorachiqlaringizda baxtni koʻrdim. Nigohingizdan "Nabira degani mana shunday boʻladi", degan jumlani oʻqidim. Necha yillardan buyon bobo mehrini koʻrmay qalbimda ochilgan boʻshliq oʻsha onda, oʻsha jumla bilan toʻlgandi. Sevinchdan oyoqqa turdingiz. Yoningizdagi bemorlarga qarab, "Koʻrib qoʻyinglar, bu mening nabiram boʻladi. Menga lotoreya chiptasini olib kelibdi. Agar boshqa birovdan iltimos qilganimda, yodidan chiqarardi, ammo u men aytmasam ham olib kelibdi", dedingiz. Hammaning nigohi menda, mening qalbim otashda edi. Yigʻlab yubormaslik uchun oʻzim bilan kurashayotgan edim. Chunki oʻsha onda ilk bor meni "nabiram" dedingiz. Shu menga kifoya edi. Necha



yillarki, yuragimda saqlanib yotgan arazlar tarqaldi... Sizni qattiq yaxshi koʻraman, bobo! Buni siz bilasiz, men bilaman. Bu bizga yetadi...

Oʻlim bor. Quchishni, sevishni va kechirishni ortga surmang...



Vidolashmayman, biroz tanaffus qilaman...

Va nihoyat xotimaga yetib keldik... Men bu qismni yozishda doim hayajonlanaman. Xotimani yozar ekanman, oʻzimni goʻyoki bir filmning eng taʻsirli sahnasini tomosha qilayotgandek his qilaman. Hissiyotga berilgancha, koʻzlarim jiqqa yoshga toʻlib-toʻlib qoralayman sahifani. Xuddi qadrli narsam bilan vidolashayotgandek tuyuladi. Mayli, gapni koʻp choʻzmaylik. Xayollar haqida gaplashaylik? Ular judayam goʻzal, shunday emasmi? Garchi, haqiqatga aylanmasa ham, insonning eng koʻp yashaydigan joyi bu – uning xayollaridir...

Kimningdir choʻntagi qappaygan, ammo suradigan xayoli yoʻq. Kimdir choʻntagi va qornini toʻydirish bilan birga ruhiga ham ozuqa berishga katta ahamiyat beradi. Kimnidir esa na boradigan biron joyi, na ovunadigan bir insoni bor. Faqatgina haqiqatga aylantirishni istagan va suyanib qolgan yolgʻiz xayollari bor xolos. Bir kuni u xayollari haqida bir insonga aytib beradi va bor xayollari ham puchga chiqadi.

Men bolalik xotiralariga katta ahamiyat beradigan, ammo bolalik davrini surmagan bir insonman. Bosh suqib boradigan biror makonim va biror kimim yoʻq edi. Shunda oʻylab-oʻylab shu fikrga keldim, "Modomiki, bolalik davrini surolmagan ekanman, loaqal goʻzal xayollar surishim kerak", dedim oʻz-oʻzimga.

Xayollarimning asosiy qismi oʻz mualliflik kitobimni yozib chiqarish toʻgʻrisida edi. Ammo shunday yozuvchi boʻlayki, kitoblarimni minglab insonlar oʻqisin degan



xayol boʻlmagan sira. Faqat bir nusxada kitob chiqarishni va oʻsha kitob ham faqat oʻzimda boʻlishini istardim.

Bir kuni onam bilan bir kitob doʻkoniga bordik. Kitob sotuvchisiga kitob mavzusini va oʻylab yurgan xayollarim haqida gapirib berdim. U esa menga, sening kitobing sotilmaydi, rastalarda qolib ketadi, degan edi. O'sha kuni butun xayollarim chippakka chiqqan edi. O'sha oqshomni sira unutmayman. Uyga sarobga aylangan xayollarim bilan qaytgan edim. Oʻsha tunda boshimni yostiqqa qoʻygancha, koʻzlarimni shiftga qadadim. Oʻshanda nima voqea sodir boʻldi bilasizmi? Men ayni oʻsha lahzada, oʻsha fikrimda yanada qat'iylashdim. Taslim bo'lmadim. Voz kechmadim. Chunki mening eng buyuk orzuim shu edi va men buni eng goʻzal shaklda amalga oshirdim. Allohim menga shunday bir goʻzal yoʻlda yurishni nasib etdiki, bu ham yetmagandek oʻsha yoʻlda birga yurish uchun goʻzal qalbli hamrohlar ham berdi. Ya'ni, sizlarni. O'sha kun bugundir va bu yoʻlda men sizlar bilan birgalikda yuryapman va faqat bir nusxadagi kitob bo'lishini istardim, ammo hozir beshinchi kitobimning xotima qismini yozmoqdaman. Quvonarlisi, ushbu kitoblar insonlarning yuragidan shu qadar chuqur joy egalladiki, minglab o'quvchilar tomonidan mutolaa qilindi va mehrini qozondi...

Yaxshiyam oʻsha payti orzuimdan voz kechmagan ekanman. Aytgancha, xayollarimni chippakka chiqargan oʻsha sotuvchi esa kitoblarimning hammasini sotib, non puli topayapti. Undan gʻazablanmayman. Yaxshiyam oʻsha kuni xayollarimni chippakka chiqargan ekan. Chunki u oʻzi bilmagan holda mendagi qatʻiyatning oshishiga



xizmat qildi. Senga ham aytmoqchi boʻlganim, haqiqatga aylantirishni istagan va erishishni xohlagan biror bir orzu-xayoling bor boʻlsa, zinhor voz kechma. Hamda insonlarga ular haqida ogʻiz ocha koʻrma. Agar ularga xayollaring haqida gapirib beradigan boʻlsang xayollaringdan voz kechishga undashadi.

Hech kimga hech narsa haqida gapirma. Hamma narsani ichingda saqla va butun umidingni oʻsha xayolingga bogʻla. Va hayotingni shu tarzda yasha...

Qalbingdan oʻtkazgan nimaiki orzuing boʻlsa, eng goʻzal shaklda roʻyobga chiqishini tilayman...



Mirach Chagʻri Oqtosh

TO'SIQLARGA QARAMAY SEVDIK

Turk tilidan Nodirabegim Jamshid qizi tarjimasi

Muharrir: Mansur Abdunazarov

Texnik muharrir: Yulduz Hazratqulova

Dizayner: Odilbek Toirov

Sahifalovchi dizayner: Sohibjamol Kattayeva

Musahhih: Sultonbek Qayumov

Ushbu kitob tarjimasi uchun mualliflik huquqi "Factor press" nashriyotiga tegishli. Tahririyat ruxsatisiz kitobni turli shakl va koʻrinishda chop etish, tarqatish man etiladi va Oʻzbekiston Respublikasi qonunlariga muvofiq tartibda javobgarlikka tortiladi.

Bosishga 2021-yil 25-mayda ruxsat etildi.
Bichimi: 84/108 _{1/32}. «Cambria» garniturasida ofset usulida ofset qogʻozida bosildi.
10.5 shart. b.t. hisob nashr. tab.
Adadi 2000 nusxa. Buyurtma № 05/21

«Reliable Print» MChJ bosmaxonasida chop etildi. Toshkent sh., Yakkasaroy tumani, Qushbegi koʻchasi 6-uy



Bizni telegramda kuzating: https://t.me/factorpressnmk

Instagram sahifamiz: factor_press_nmk
Murojaat va takliflar uchun: @factorpress

Kitob buyurtmasi uchun: @factorpressnmk_buyurtmaBot